

8737

Swallow
Cape Codder
May 14th 1915

281.6
0-90

1915

04 NOV 2009

12

ՉՐՈՆԱՐԱՐԱՎԱԿԱՆ ՄԱՏԵՎԱՏԱՐ. ԲԻՒ 1

Ա. Խ. Ա. Տ. Ա. Ր. Ե. Բ.

ՀԱՅ ԵԿԵՂԵՑԱԳԻՏՈՒԹԵԱՆ

ՎԻԼԱՆ. ԽՈՍՀՈՎՈՎԻ ՎԻԼԱՆ

ԱՐԵՆ. ՕՐՄԱՆԵԱՆ ԵՒ ԳՈՒՐԵՇՆ Ա. ԱՐՔՊ. ՆԵՐՈՒ

ԵԴ.

ԳԵՐ. Տ. ԳԵՐ. ԵՊ. ԴԱԼԵՄՐԵԿԻԱՆԻ
ՔԱՂԱՆԱՅԻՑ ԼԱԱՐԱՆԻՆ ՄԷԶ

(ԶԱՐԴԱՐԱԿԱՆ ԲԱՆԱԿԱՆ ԱՆԵՐՈՒ ԼՈՒԿԱԿԱՆ ՊԱՏՎԵՐՆԵՐՈՎ)

ՀՐԱՏԱՐԱԿԻ

ԶԱՐՄԱՅՐ ՔՀ. ԿԵԶԻՒՐԵԱՆ



Ա. Գ. Ա. Ի. Ա.

Տպագր. ՎԵՐԱ-ԴՐԱՎԱՐԱՐԱ

1915

181.6
0-90

ԳԵՆ 5 ԳՐԸ. ՏՈՒՐԻՆՑ ԽՈԼԵՎԻ, 6 Պ.Ը.

281.6
0-90

ԿՐՈՆԱԿԱՐՈՅՑԱԿԱՆ ՄԱՏԵՆԱԴԱՐ, ԹԻՒ 1

ՆԱԽԱՏԱՐԵՐՔ
ՀԱՅ ԵԿԵՂԵՑԱԳԻՏՈՒԹԵԱՆ

Գ.Ս.ՍՍ.Խ.ՕՍՈՒԹԻՒՆ.Բ
ԱՄԵՆ. ՕՐՄԱՆԵԱՆ ԵՒ ԴՈՒՐԵԱՆ Ս. ԱՐՔՊ. ՆԵՐՈՒ
ԵՒ
ԳԵՐ. Տ. ԳՆԵԼ ԵՊ. ԳԱԼԷՄՔԵԱՐԵԱՆԻ
ՔԱՂԱՆԱՅԻՑ ԼՍԱՐԱՆԻՆ ՄԷԶ

ՀՐԱՏԱՐԱԿԻՉ
ԶԱՐՄԱՅՐ ՔՀ. ԿԵԶԻՒՐԵԱՆ



Կ. ՊՈԼԻՒ
Տպագր. ՆԵՍ.Ն-ՊՍ.ՊԻԿԵԱՆ

8737

04 AUG 2013

ԵՐԿՈՒ Խ 0 Ս Ք

Ամփոփ հատորի մը ձեւով հրաժարակութեան տալով Ամեն. Տ. Տ. Օրմանեան և Դուրեհան Արքեպիսկոպոսներու և Գեր. Տ. Գնէլ Եպ. Դալէմքեարեանի դասախոսութիւնները — զորս տպած էինք նախապէս Տանարին մէջ — մեր նպատակն է օգտակար ըլլալ ուղղակի ժողովուրդին, որ հակառակ իր Եկեղեցւոյն վրայ ջերմ սէր մը ունենալուն, շատ քիչ՝ լաւ եւո՝ մակերեւութային կերպով կը ճանչնայ դայն։

Դիւրահասկնալի և ժողովրդային ոճով մը տրուած այս դասերուն հետեւելով, հաւատացեալը պիտի կրնայ ամփոփ գաղափար մը կազմել Հայ Եկեղեցիին լայնախոն ողիին և առաքելական վարդապետութեանց վրայ, և պիտի մղուի աւելի՛ յառաջ տանիլ իր ուսումնասիրութիւնը, հետքհետէ աւելի՛ ամուր սիրով մը փարիլ իր դարաւոր Եկեղեցին։

Մասնաւորապէս Հայ քահանան պէտք է այս հատորը ընէ իր անարի զիրը, միշտ պատրաստ իր գրասեղանին վրայ։

Անշուշտ այս հատորին վերծանումը բաւական չպիտի ըլլայ իր մտաւորական պաշարն ամբողջացնելու ի հոգեւորմն։ Ամեն. Օրմանեան Ա. Ի. պատրաստած դասախոսութեանց ցուցակը, որ կ'երեւայ քիչ մը անդին, բաւական է գաղափար



65597-67

Բ Ա Յ Ո Ւ Մ

ՔԱՀԱՆԱՑԱԿԱՆ ՂԱՍՐԱՆԻՆ

Քահանայական Ղասրանին բացումը կատարուեցաւ 1943 Յունիսի վերջը Դաւթիոյ Խորհրդարանին մէջ, Պոլսահայքահանայից հազիւ մէկ քառորդին ներկայանայից հազիւ մէկ քառորդին ներկայութեանը (25 հոգի): Պատրիարք Ամենապատիւ Տ. Յովին. Արքեպ. Արշարունի կատարելով այդ բացումը, ի վեր հանեց քահանայից դիրքի բարձրացման անհրաժեշտութիւնը, շնորհաւորեց այս ծեռնարկը, եւ յորդորեց որ քահանայք իրենց բարոյական եւ մտաւորական յատկութիւններով եւ օրինակելի ընթացքով փառատեն քահանայութեան հանդէպ ժողովրդեան մէջ շեշտուող աննպաստ տրամադրութիւնը:

Յայց ներկայ հատորը, իր սեղմ սահմանին մէջ կ'ամփոփէ նախագիտելիքը Հայ Եկեղեցւոյ վարդապետութեանց, և իրու այն անհրաժեշտ է որ ամէն Հայ՝ Եկեղեցական թէ աշխարհական՝ ծանօթանայ ատոր:

Հատորիս տպագրութիւնը կատարելու պահուն առաջարկեցինք սիրով կ. Պոլսոյ Քահանայական Միութեան Տնօրին Խորհրդագիրին, ի՞նք ստանձնել հրատարակութիւնը: Յաւ է մեզ ըսել որ մերժուեցաւ առաջարկը՝ նկատի չառնելով Միութեան կանոնագիրը, որ կը տրամադրէ «Ուժ տալ կրօնաբարոյական հրատարակութեանց:» Էստիպուած՝ մեր անձնական նախաձեռնութեամբ կը կատարենք այս հրատարակութիւնը, որուն զուտ հասոյթք պիտի յատկացուի հրատարակութեանը կրօնաբարոյական ժողովրդային օգտաշատ մատենաշարի մը, որուն առաջին թիւը կը կազմէ ներկայս:

ՀՐԱՏԱՐԱԿԻՉԸ

(*) Ցաւով լինելու է 1913 և 1914 տարիներու ընթացքին կատարուած 11 դասախոսութիւններուն ներկայ գենուող խանայից թիւը 20ը չանցաւ, եւ պատմեցաւ իսկ որ հազիւ 8.10 խանացաւ, ներ ցնուեցան:

Տ. Տիրայր Ռ. Վ. Մարգարեան խընդակցութիւն յայտնեց ծեռնարկին, շեշտեց թէ պէտք է ուժ տալ ամուսնացեալ Եկեղեցականութեան, որուն է ապագան, ամուրի Եկեղեցականութեան դերն ըլլալով վանական կեանքը, եւ փափաք յայտնեց որ գաւառի Առաջնորդական Աթոռներու վրայ քահանաներ բազմին, ոչ միայն իբրեւ փոխանորդ կամ տեղապահ, այլ իբր ընտրեալ առաջնորդ: Օրինակներ ալ մէջ բերաւ գաւառի Առաջնորդական պաշտօններու մէջ կարողութիւն եւ արժանիք ցուցնող քահանաներու: Փափա-

քելի էր որ այս ըլլար ամուրի եկեղեցականութեան բոլորին ալ կարծիքը, եւ գործնական աջակցութիւն նուիրուէր այս նպատակին ի գուխ ելլելուն:

Տաճարի տնօրէն-խմբագիրը համառօս ակնարկ մը նետեց թէ ի՞նչ կ'ընեն օտար հոգեւորականները՝ Եւրոպայի եւ Ամերիկայի մէջ, իրենց եւ ժողովուրդին հոգեւոր ու բարոյական զարգացման համար: Քաղաքակիրթ երկիրներու մէջ բոլոր հոգեւորականները՝ ամէնէն բարձր աստիճանէն սկսեալ մինչեւ ամէնէն վարի աստիճանները՝ պատշատուած եւ հաւատո՞վ կը մտնեն կրօնական ասպարէզը: Բոլորն ալ հետեւած են Աստուածաբանական Համալսարաններու կամ զոնէ Սեմինարիաններու գասընթացքներուն, եւ ի վիճակի են ամէն առիթներու մէջ հեղինակօրէն խօսելու կրօնական բարդ խընդիրներու վրայ, եւ փարատելու՝ կրօնի եւ իր հաւատալիքներուն հանդէպ ժողովրդեան մտքին մէջ ծագած կասկածները: Անոնք միւս կողմէ ժողովրդային աժան հրատարակութիւններով, կիրակնօրեայ վարժարաններով եւն. լայն խաւերու մէջ կը ծաւալեն Քրիստոնէական կրօնի բարերար սկզբունքները: Ունկնդիր քահանայ եղբարց ողջմտութեան թողուց բաղդատութեան դնել անոնց տենդոտ գործունէութիւնը մեր լճացեալ, անտարբեր կեանքին հետ. եւ անցնելով գաւառի Հայ Քահանայութեան, հանութեամբ ի

Դասախոսութեանց շարքը յաջորդ շաբթուն սկսաւ Ամեն. Տ. Մաղաքիա Ա. Արքեպ. Օրմանեան, որ դասաւանդութեան սկսելէ առաջ կարդաց քահանայական լսարանի համար պատրաստուած ծրագիրը եւ խօսուելիք նիւթերու ցուցակ մը:

Այս առթիւ, իբր խոնարհ մէկ ներկայացուցիչը Հայ Քահանայութեան՝ երախտագիտական պարտականութիւն մը կը նկատեմ զերմ շնորհակալութիւն յայտնել Ամեն. Օրմանեան եւ Դուրեան Ս. Արքա.ներուն եւ Գեր. Տ. Գնէլ Եպս.ի, քահանայութեան զարգացման ի նպաստ իրենց ցոյց տուած հոգածութեան համար:

ԶԱՐՄԱՅՅԻ ԹԱ.ՀՅ.Ն.Ց.Ց



վեր հանեց անոնց մէջ ալ զարգանալու
եւ ժողովրդեան օգտակար ըլլալու փա-
փարն ու եռանդը: Տ. Զարմայր Քիչ.
վերջացուց՝ կոչ մ'ընելով Պոլսահայ քա-
հանայութեան, օգտուելու իր զարգաց-
ման, իր բարոյական դիրքի բարձրացման
համար ընծայուած առիթէն:

Տ. Գէորգ Ծ. Վ. Թուրեան՝ ոգեւորեալ
խօսքերով դրուատեց Պոլսահայ քահա-
նայութեան այս ձեռնարկը, որ անա-
կընկալ մը եղած է իրեն, եւ յիշելով Յի-
սուսի խօսքը՝ թէ «Աստուծոյ արքայու-
թիւնը ծեր մէջն է», յորդորեց քահանա-
յութիւնը՝ իր ներքին ուժերուն մէջ
փնտուել գործին տեւականութեան երաշ-
խիքը: Իբրև ամերիկեան համալսարանա-
կան մը, հաստատեց ինք ալ թէ քաղա-
քակիրթ երկրաց մէջ չկայ ոչ իսկ մէկ
հատիկ հոգեւորական, որ ասպարէզին
համար յատկապէս պատրաստուած ըլլ-
լայ՝ Աստուծաբանական համալսարանի
կամ գոնէ Քօլէնի մը մէջ: Հայ ազգին
համար ամօթ է որ, ըստու, չունի մէկ հա-
տիկ Ընծայաբան մը քահանայ պատրաս-
տելու համար: Տ. Գէորգ Ծ. Վ. վերջացուց՝
հրաւիրելով Հայ քահանաները, որ իրենց
մանչ զաւակներէն գոնէ մէյմէկ հատը
քահանայութեան համար պատրաստեն,
ինչ որ ազգին մատուցուած ամենամեծ
ծառապութիւնը պիտի ըլլայ:

Հաւաքոյթը վերջացաւ յուսադրող տ-
պաւորութիւն մը յառաջ բերելով:

ԾՐԱԳԻՐ

ՔԱՂԱԿԱՆ ՄԻՈՒԹԵԱՆ ԼԱՍՏԱՆԻՒ

Ա. Միուրիւնը շաբարական համա-
խրմբութիւններ ունի, եկեղեցական զար-
գացման եւ հմտութեանց ընդարձակման
նպատակով: Համախմբութիւնը տեղի պի-
տի ստեղծեայ ամեն Եւելքաբրի, Դալարիոյ
եկեղեցոյ յարակից՝ Ազգային Ժողովոյ
Խորհրդարանին մէջ :

Բ. Համախմբութիւնները կես օրէն ես-
քը նիշդ ժամը 11/2ին սկսելով, 3ին պի-
տի վերջանան խիս հեղապահութեամբ,
որպէս զի յանախողներ տեր ըլլան իրենց
գործին եւ կարենան ժամադրութիւններ
ալ տալ:

Գ. Համախմբութիւնները լսարանի եւ
դասասացութեան խառն ձեւ մը պիտի
ունենան. խօսող մե՛կ մը պիտի ըլլայ իւ-
րաքանչյուր անգամ. ժամի մը չափ պիտի
բացատրէ. խօսած ատենը պիտի չընդհա-
սուի. բայց վերջը անդամակիցներ իրա-
ւունք պիտի ունենան օրուան նիւրին վը-
րայօֆ աւելի բացարութիւններ ուզել:

Դ. Փափաթեի է որ նիւրերը ընդար-
ձակ կերպով առնուին, եւ քանի մը դա-
սասացութեանց մէջ շարունակուին:

Ե. Անդամակիցներէն դուրս իբր ուն-
2

կընդիր կրնան ներկայ ըլլալ եկեղեցականութեան փափախողներ, դպրապեսներ եւ դպիրներ, ազգային վարժարանաց դասիարակներ ու դասիարակութիներ, լրագրական խմբագիրներ, եւ եկեղեցական ու կրօնական նիւթերու հետեւողներ. բայց ասոնք նիստերու մեջ հրապարական հարցում ուղղելու կամ բացառութիւն ուզելու իրաւունք չունին :

Զ. Խօսուելիք նիւթերու ցուցակ մը պատրաստուած է, իբր ընդհանուր ծրագիր ծառայելու եւ հետզինեան մշակուելու համաւ, որ ասորեւ պիտի դրուի :

Է. Անդամակիցներ մասնաւոր համաձայնութեամբ կրնան որու նիւթերու վրայ խօսուիլը առաջարկել եւ Կարգագիր Մասնախումբին ձեռքով գործադրուելուն աշխատի :

Ծ. Երեք եկեղեցականներէ Կարգագիր Մասնախումբ մը պիտի հոգայ համախմբութեանց ներքին եւ արտաքին պետքերը. խօսովներ հրատիրել, նիւթեր որոշել տալ, կանուխէն հրատարակութեան տալ եւ սրահին կարգապահութեան հսկել :

Թ. Հաւաքմանց եւ հրատարակութեանց համար պիտի եղած ծախսերը Մասնախումբի ձեռքով պիտի հոգացուին՝ անդամակիցներու եւ համակիրներու մասն նուեներով :

Ժ. Լրագիրներու տնօրենութիւններէն կը խնդրուի, զարգացման եւ կարգաւորութեան ծառայող նպատակիս օժանդակել իրենց հրատարակութիւններով :

ՆԻԿԹԵՐՈՒ ՅՈՒՅՍՈՒ

Զատագովական.

- Աստուածութիւն և Կրօնը.
- Կրօնից Պատմութիւն.
- Քրիստոնէական Կրօնը.

Ա. Գիրք.

- Հին Կտակարան.
- Նոր Կտակարան.
- Մասնաւոր զրոց ներածութիւնը.
- Մեկնաբանական կանոններ.
- Կարիւոր մեկնութիւններ.

Եկեղեցի.

- Հնդհանուր սկզբունք.
- Կազմութիւն և նշաններ.
- Հայաստանեայց Եկեղեցի.
- Բաղդատական տեսութիւններ.

Դաւանական.

- Երրորդութիւն.
- Մարդեզութիւն.
- Հանդերձեալ կեանք.
- Պաշտամունք.

Խորհուրդներ.

- Վարդապետական սկզբունք .
- Պայմաններ և Թիւ.
- Խորհուրդներ մի առ մի.
- Պաւակի վրայ ընդարձակօրէն.
- Եկեղեցական զասակարգութիւն.

Խանունգիտական.

- Իրաւագիտական սկզբունք.
- Նուիրապետական կազմութիւն.
- Ազգային Եկեղեցի.
- Հայոց Կանոնագիրը.

26. Շնորհալիքի Բնդիանքական.
27. Վերջին որոշումներ.
28. Բաղդատական տեսութիւն.
29. Այժմեան ընթացք.

Քարոյական.

30. Բարոյագիտական սկզբունք.
31. Տասնաբանեայ պատուիրանք.
32. Եկեղեցական Օրէնք.

Պատմական.

33. Բնդիանուր տեսութիւնք.
34. Առաքելական բարողութիւն.
35. Արշակունեաց և Մարզպանաց միջոց.
36. Քաղկեդոնական խնդիր.
37. Ուտիկանաց և Բագրատունեաց միջոց.
38. Ռուբենեանց միջոց.
39. Վերջին դարեր.
40. Ժամանակակից միջոց.
41. Հնախօսական հետազօտութիւնք.
42. Միշեկեղեցական տեսութիւնք.
43. Աղանդներու ուսումնավիրութիւնք.
44. Արտաքնոց հետ յարաբերութիւնք.
45. Արտաքին ազդեցութիւնք.

Միսական.

46. Շինուածք և սպասք.
47. Ժամակարգութիւնք.
48. Պատարագ.
49. Խորհրդակատարութիւնք.
50. Մասնաւոր արարողութիւնք.
51. Տէրունիք և պահոց կարգ.
52. Սրբոց յիշատակք.
53. Երգեցողութիւն և Զայնազրութիւնք.

Տոմարական.

54. Հայկական տոմարներ.
55. Հին և նոր տոմարներ.
56. Տօնացոյցի կազմութիւն.

Մատենագրութիւն.

57. Բնդիանուր տեսութիւնք.
58. Ասկեղար.
59. Արծաթի դար.
60. Մասնաւոր գրոց ներածութիւնք.
61. Արտաքնոց մատեանք.
62. Օտարազաւան ազգայինք.
63. Ժամանակակից վիճակ.


Քարոզչական.


64. Ատենաբանական կանոնք.
65. Ազգային քարոզգիրքեր.
66. Գործնական հրահանգք.

Եկեղեցականութիւն.

67. Դասակարգութեանց յարաբերութիւնք.
68. Աշխարհականաց մասնակցութիւն.
69. Կոչումն և պաշտօնավարութիւն.
70. Վանական գրութիւն.
71. Ծխական գրութիւն.
72. Իրաւունք և Թոշակ.
73. Եկեղեցական դաստիարակութիւն.
74. Կենցաղական սովորութիւնք.
75. Զարգացման ջանքեր:







ԱՍԵՆ. ՏԱՐԱՄՔԻԱ Ս. ԱՐՔԵԹ. ՕՐՄԱՆԵԱՆ
ԵՐ աշխատութեան սեմեալիին մ.շ

Լ Ս Ա Ռ Ա Ն

ՔԱՀԱՆԱՅԱԿԱՆ ՄԻՈՒԹԵԱՆ

Ա. ԴԱՄԱԽՕՍՈՍՈՒԹԻՒՆ

(Գօ. 2 Յուլիս, 1913)

Դասախոս. — ԱՄԵՆ. ՕՐՄԱՆԵԱՆ ՄՐԲԱԶԱՆ

Նիւր. — Հայ եկեղեցին ընդհ. Քրիստոնէութեան հանդէպ և իր մէջ :

Դասախոսող Սրբազնը, շաբաթական համախմբութեանց համար պատրաստած ծրագիրը և դասախոսուելիք նիւթերու ծուցակը կարդալէ յետոյ, յիշեցուց թէ մենք՝ Հայերս՝ գիտենք աղէկ սկզբնաւորութիւն ընել, բայց ո՞չ յարատեւութիւն, և հրաւիրեց ունկնդիր եկեղեցականները՝ ցուցնել թէ մենք արժանի չենք այն քըննադադատութեանց որ կ'ըլլան մեր վրայ:

Անցնելով նիւթին, Սրբազնը ցաւօք դիտեց Քրիստոնէաններու իրարու մէջ այնքան բաժանումներ և հակառակութիւններ ունենալը. Ճիշդ ինչպէս որ «Հրեայի ոչ խառնակիին ընդ Սամարացին»: Եկեղեցիները բաժնուած են իրարմէ՝ վարդապետութեամբ, գաւանութեամբ, ծէսով և յարանուանութիւններով: Յարանուանութիւնները թիւով ճշգել դժուար է, բայց

ընդհանուր կերպով կը բաժնուին երկու դլխաւոր խումբերու , Արեւելեան եւ Արեւմտեան : Այս բացատրութիւնը պէտք չէ սակայն իմանալ հիմակուան իմաստով , այսինքն Ասիան նկատել Արեւելք և Եւրոպան Արեւմուտք : Հին Հռոմի համար Արեւելեան էին այն բոլոր երկիրները , որոնք Ալբրիական ծովու Արեւելեան կողմը կ'իջնային : Բայտ այսօ Արեւելեան նկատուած են Յոյն և Ռուս Եկեղեցիները , թէև անոնք այսօր աշխարհագրականապէս Արեւմուտքի կամ Եւրոպայի մէջ կը գըտնուին :

Արեւելեան Եկեղեցիները իրենց կարգին կը բաժնուին երկու ճիւղի , Միաբնակներ եւ Երկաբնակներ , այսինքն անոնք որ Քաղկեդոնի ժողովը չեն ընդունիր կամ կ'ընդունին : Այս վերջիններու դլխաւոր ներկայացուցիչն է Յոյն Եկեղեցին , որ Կ . Պոլոսյ Պատրիարքութենէն զատ ունի Անտիոքի , Աղեքսանդրիոյ եւ Երուսաղէմի Պատրիարքութիւնները , թէպէտ սիսալ մը ամիսի ըլլար այս վերջինները Յոյն Պատրիարքութիւն նկատել , քանի որ Անտիոք Ասորուս Եկեղեցին կը ներկայացնէ , և Աղեքսանդրիա՝ Եգիպտոսուի Եկեղեցին :

Արեւելեան Եկեղեցին , մաս կը կազմն նաև Ռուս , Հելլէն , Ռումին , Սերպ և այլ Եկեղեցիներ , որոնք ունին իրենց առանձինն վարչութիւնը , թէպէտ ոչ նուիրական Պետիներքև , այլ սինոդական

Ճեւով : Այդ Ճեւը զուգընթաց կ'երթայ քաղաքական իշխանութեան , իբր զի Որթոդոքս Եկեղեցին ազատ վարչութիւն կ'ընդունի ամէն ինքնազլուխ և անկախ ազգերու համար : Պուլկարները քանի որ Օսմանեան թեւարկութեան ներքեւ էին , ազատ վարչութիւն չէին կրնար ունենալ , և անկէ յառաջ եկաւ հերձուածի հրատարակութիւնը : Բայց հիմակ որ ինքնազլուխ եղած է և բոլոր Պուլկար տարրը անոր մէջ համախմբած , հաւանական է որ հերձուածի ինդիրն ալ կը պարզուի :

Արեւելեան Եկեղեցւոյ միւս ճիւղը կը կազմն Միաբնակները , որոնց գլուխը կը գտնուին Հայերը , իրենց հետ ունենալով Ասորիները կամ Յակոբիկեանները , Եփիպատացիները կամ Ղարիբիները , եւ Եթովպացիները կամ Հապէչները : Քաղկեդոնիկ Եկեղեցիներ՝ Հայերու միաբնակ դաւանութիւնը կը շփոթեն Եւտիքականութեան հետ , բայց սխալ մըն է այդ : Մէնք Հայերս Եւտիքական չենք բնաւ : Հաւատարիմ հետեւող Եփեսոսի Ա . Ժողովին , Կիւրել Աղեքսանդրացիի հետ կը դաւանինք «Մի բնուրիւն Բանին մարդացելոյ» : Նեստորականներուն դաւանութիւնը մեզմէտարրեր է , մանաւանդ թէ մեզի հակառակ է . սակայն Թաթիհի կարգադրութեամբ հաստատուած երկու Պատրիարքութիւններէն Հայոց կցուած , և սակաւթիւ և զարգացումէ զուրկ ըլլանուն , մեզի հետ կը նկատեն ինքզինքնին , եւ տուանձին ճիւղ չեն կազմել :

Արեւմտեան Եկեղեցին ալ Եւրոպայի
մէջ երկու ճիւղի կը բաժնուի . Լատին
կամ Կաթոլիկ և Բողոքական : Կաթոլիկ
Եկեղեցին Պապին իրաւասութեան ենթար-
կուած է : Կաթոլիկ բառը այսպէս կը հըն-
չեմ, եւ ոչ «կաթողիկեաց», վասն զի այդ-
վերջին հնչմամբ Եկեղեցւոյ մէկ յատկա-
նիշը կ'իմացուի, զոր ուրիշ Եկեղեցիներ
ալ վրանին կ'առնեն . իսկ կարողիլը կ'առ-
նենք իրրև յատուկ անուն, որոշելու հա-
մար զայն միւս Եկեղեցիներէն, այն ա-
նունով, որով անոնք ինքզինքնին կը կո-
չեն : Այսպէս՝ Որթոգոքս բան ալ Յոյն
Եկեղեցին համար, առանց ուղղափառու-
թիւնը միայն անոնց սեփականելու : Նոյն-
պէս՝ ինքզինքնին Առաքելական, Աւե-
տարանական, Մկրտչական կոչող Եկեղե-
ցիներ կան, զորս մենք ալ այսպէս կը
կոչենք, զատելու համար ուրիշներէն,
թէև բացառապէս անոնց չենք տար աւե-
տարանականութիւնը եւլն . եւլն : Կաթո-
լիկ Եկեղեցին այլ եւս գրեթէ ճիւղաւո-
րում չունի, որավհետեւ Խտալիոյ Ամբրու-
սեան, Աստանիոյ Մողարափեան, Ֆրան-
սայի Դաղղիական, Մաճառուստանի Հուն-
գարական մասնաւոր Եկեղեցիներ, որ յա-
տուկ վարչութիւն եւ ծէսեր ունէին, այլ
եւս ձուլուած են Հոռմէտականին մէջ :

Բողոքականութիւնը ծագում առաւ
Հոռմէտ հնչումներուն և խստութիւններուն
դէմ յառաջ եկած ըմբռատացումէն : Առա-
ջին ձայնը արձակեցին Յովհաննէս Վիք-

լէֆ Անդղիայէն եւ Յովհաննէս Հուս Գեր-
մանիայէն, որոնց հետեւեցան Մարտինոս
Լութեր եւ Յովհաննէս Կալվին, եւ Հեն-
րիկոս Ութերորդ Գերմանիոյ, Գաղղիոյ եւ
Անդղիոյ մէջ : Ասոնց յատկանիչն եղաւ
թօթափել այն աւելորդները զորս Կաթո-
լիկութիւնը հետզհետէ բարգած էր հա-
ւատոյ աւանդին եւ վարչական ձեւին
վրայ: Բողոքականները շարունակութեամբ
առջեւ եկած չէին առաքելական դարե-
րէն, այլ կ'ուղէին ետ գառնալ առաքե-
լական դարերուն : Այդ ուղղութիւնը ա-
սիթ տուաւ աւելի կամ նուազ զեղչում-
ներու, որով հետզհետէ իրարմէ տարբե-
րեցան, այսպէս որ գրեթէ 80 կը համ-
րուին այսօր Բողոքական յարանուանու-
թիւնները : Ասոնցմէ միայն անդղիականը
իրեն մէջ եպիսկոպոսներ ունեցաւ, մինչ
միւսները չունեցան, եւ նուիրապետու-
թիւնն ալ զեղչեցին :

* * * Հայոց Եկեղեցին ի՞նչ յարաբերու-
թիւն կամ ի՞նչ կշխու ունի անոնց հանդէպ:
Այդ յարաբերութիւնները կարելի է բաժ-
նել երկու մասի . — 1. Դաւանական, եւ
2. Արտաքին, պատմական, կազմութեան,
ծագումի, եւ նուիրապետութեան տեսա-
կէտով :

Հայ Եկեղեցին, թիւի տեսակէտով,
ամենէն պղտիկն է Եկեղեցիներուն մէջ,
քանի որ միւս Եկեղեցիներու հարիւրաւոր
միլիոն հետեւողներուն դէմ, Հայ Եկեղե-
ցին հազիւ 4 միլիոն, և իր հետեւորդ միւս

Եկեղեցիներով՝ առանական միլիոններով
կրնայ հաշուել իւր հաւատացեալները։
Բայց կարեւորութիւնը թիւի վրայ չէ, այլ
ներքին կազմութեան եւ նուիրապետու-
թեան վրայ։ Դիտենք որ Քրիստոս Հօս
Փոքրիկը օրհնեց և անոր խոստացաւ երկ-
նից արքայութիւնը։ Արեւմտեան Եկեղե-
ցիներ քաղաքական զարգացումին համըն-
թաց յառաջացում ունեցան, իրենց մէջ
առնելով Ամերիկան ալ, որմէ գլխաւորա-
բար Հիւսիսային Նահանգներու բնակչու-
թիւնը հետեւեցաւ Յողոքականութեան,
իսկ Մեքսիկային մինչև վար դէպ ի հա-
րաւ մնաց Կաթոլիկ Եկեղեցիին։ Ասոր դէպ
Հայ Եկեղեցիին չվիճակիցաւ քաղաքական
զարգացում։ այնպէս որ Աւետարանի «Ե-
րակի և ձեզ յորժամ հազածեցին զնեզօր մի-
այն կրնայ պատշաճեցուիլ Հայ Եկեղեցիին։
Բայց ծագման կողմէ շատ առաւելութիւն-
ներ ունի մեր Եկեղեցին։ Պատմութեամբ,
աւանդութեամբ և ուրիշ նշաններով Հայ
Եկեղեցին իր գոյութիւնը կը ցուցնէ ամէն
դարու մէջ, ոչ միայն Դ. դարէ սկսելով,
այլ անկէ առաջ ալ՝ հաւածանաց դարերու
մէջ՝ Քրիստոնէութիւնը կը գտնենք ի Հա-
յաստան, Լուսաւորիչին առաջ։ Ս. Թաղէոս
առաքեալ Եղեսիային եկած է թէ Կեսա-
րիային, Թաղէոս-Դիգիմո՞ն է, թէ Յու-
գա-Թաղէոս առաքեալը, որ Դ.երէոս ալ
կը կոչուի։ Ո՞րն ալ ըլլայ, իրողութիւն է
Լուսաւորչին առաջ Քրիստոնէութեան գո-
յութիւնը Հայաստանի մէջ։ Ասիկա հաս-

տատող պատմական աւանդութիւնները
այնքան և աւելի՛ զօրաւոր են, որքան-
ուրիշ Եկեղեցիներու առաքելականութեան-
աւանդութիւնները։ Հոռմի Ա.թոռը ինք-
զինքը Պետրոս Առաքեալին յաջորդու-
թիւնը կը նկատէ, բայց Յողոքականք-
Պետրոսի Հոռմ երթալն իսկ կ'ուրանամ։
Իրաւ է որ Պետրոսի գերեզման կայ ի
Հոռմ։ բայց Յովհաննէս ալ տարուած է
Հոռմ։ Արդէն Հոռմ կայսրութեան կեղ-
րոն ըլլալով, Քրիստոնէից գլխաւորներ
հոն կը տարուեին դատուելու։ Կ. Պոլ-
ոս Ա.թոռն ալ ինքինքը Անդրէասի Ա-
թոռ կը հռչակէ, բայց Անդրէասի Պոլիս
գալուն աւանդութիւն իսկ չկայ, այլ
միայն Կորնթոսի մէջ նահատակուած ըլ-
լալը կը յիշուի։ Ամէն առաքեալներէ յա-
ջորդութիւն չունինք. մանաւանդ թէ ա-
ռաքելական աթոռներ կան, որ առաք-
եալներէ չեն, ինչպէն Աղէքսանդրիոյ ա-
թոռը՝ Մարկոսի։

Նուիրապետական դասակարգութիւնը
հետզհետէ կազմուեցաւ, քանի քրիստո-
նէութիւնը ընդարձակուեցաւ։ Կաթոլիկ,
Որթողոքս և Հայ Եկեղեցեաց մէջ ընդուն-
ուած է, բայց Յողոքականք նուիրապե-
տութիւն չունեցան, ինչպէս յիշեցինք,
Անդրէական ճիւղէն զատ։ Նուիրապե-
տութեան առաջին մասը կը կազմեն քա-
հանայութեան աստիճանները, որոնք մէր
մէջ ալ չորս եղած են, մինչեւ Ռուբին-
եանց հարստութեան ժամանակ, Գր. Ա-

նաւարգեցի Կաթողիկոսի օրը : Լամբրոնացին ալ 7 աստիճաններ չի յիշեր , և պատմութիւնը կը ցուցնէ թէ Գր . Անաւարդեցին ետք է որ լատինական 7 աստիճաններ մտած են մեր մէջ :

Հին Եկեղեցին՝ Պօղոսի թուղթերուն համաձայն՝ կը ճանչնայ Եպիսկոպոսութիւնը , որ կը նշանակէ Տեսչութիւն : Ասոնք աճեցան՝ քաղաքական իշխանութեան համընթաց , և աստիճաննաւորուեցան : Եպիսկոպոսը՝ տեսուչն էր քաղաքի և շրջականներուն վրայ , Մետրապոլիտ՝ նահանգի վրայ , Եքսարք կամ փոքր Պատրիարք կամ փոքր Կաթողիկոս՝ ամբողջ երկրամասի մը վրայ , իսկ Պատրիարք կամ Հայրապետ՝ պետութեան մը ամբողջ երկիրներուն վրայ : Մեր՝ Հայերուս մէջ կը յիշուին Եպիսկոպոսներ Սիւնեաց , կամ Աղջնեաց են . որոնք արքեպիսկոպոսութիւններ պէտք է իմացաւին , քանի որ ամբողջ նահանգի մը վրայ էին , ուր չատեպիսկոպոսարաններ կը պարսւնակուէին : Աղուսնք և վերք ունեցան Կաթողիկոսներ , բայց Հայոց Հայրապետին թեւարկութեան տակ , որովհետև անոնք Հայաստանի մաս կը կազմէին առաջին գարերուն մէջ , թէեւ ներքնապէս հայրապետական գեր կը կատարէին անոնք : Հին Եկեղեցին մէջ Եպիսկոպոսութիւնը տեղական էր խիստ կերպով . մէկ աթուափ վրայ մէկ եւ պիսկոպոս միայն պիտի ըլլար . բայց սկսան չատըլլալ , երրոր գաւառութեամբ , ծէսով , և ուրիշ պարագաներով զատուցան : Պատմութիւնը կը յիշէ Խաչիկ Արշարունին , իբր Հայաստանէն դուրս Հայ Եպիսկոպոսութիւններ հաստատող , թէեւ անկէ առաջ Հայք երուսաղէմի մէջ ունեցան Եպիսկոպոսներ :

Այս տեղեկութիւններէն կը հետեւցընենք թէ Հայ Եկեղեցին . թէպէտ թիւի տեսակէտով պատիկ է , բայց առաքելական ծագման , և նույիրապէտութեան տեսալէտէն կարեւորագոյն դիրք ունի , ուրիշներու հետ բազգամամբ : Դաւանութեան տեսակէտին անյնելով , առ այժմ ընդհանուր ակնարկով , մէնք մեր գաւառութեամբ կը մնանք զուտ և նախնական դարերու հետեւորդ : Եկեղեցին աղբերը Աւետարանն է , Քրիստոսի յայտնութեամբ և առաջին գարերու ամուր աւանդութեամբ : Մենք հաւատարիմ մնացած ենք արդիւրին :

Առաջին երեք գարերուն մէջ համայնական Ժողովներ չկազմուեցան , մինչեւ որ Քրիստոնէութիւնը պետական կրօնք չդարձաւ : Ստիլա առաջին անգամ եղաւ Հայոց մէջ . Տրդատի օրով , և 12 տարի վերջ , Հռոմայնցւոց մէջ , Կոստանդիանոսի օրով : Ատիէ վերջ էր որ գումարուեցան Նիկոյ , Եփեսոսի , Կոստանդնուպոլսոյ Ճողովները , հերքելու համար Աղեքսանդրացի Արիոսի մոլորութիւնը՝ Քրիստոսի Աստուածութեան դէմ , Մակեդոնի աղանդը՝ Հոգևոյն Սրբոյ Աստուածութեան դէմ , Նեստորի հերետիկոսութիւնը՝ Բանին Աստուածոյ Մարգեղութեան դէմ :

Եկեղեցին կրօնանք նմանցնել ծառի մը , որ ունի իր բունը , յետոյ Յ-4 խոշոր ճիւղեր , յետոյ բազմաթիւ մանր ճիւղաւորումներ : Քրիստոնէութեան պետական կրօնք գաւառակէն ի վեր , մէկ ու կէս գար , չորրորդի սկիզբէն մինչեւ հինգերորդին կէսը , միութիւն կար բոլոր Եկեղեցիներուն մէջ , և անկէ ետք է որ անոնք անջատուեցան , ձիւղաւորուեցան . բայց Հայ Եկեղեցին հաստատուն մնաց բունին մէջ ,

Նախնական, Աւետարանական Եկեղեցին .
հաւատքով և գաւանութեամբ, հիմ ըլու-
նելով առաջին երեք Տիեզերական ժողով-
ներուն վարդապետութիւնները : Յունաց
Եկեղեցին այդ երեք ժողովներուն վրայ
աւելցուց ուրիշ չորս ժողովներ ալ, եւ
բարձրացուց 7ի, իսկ Հոռոմ ուրիշ 13 ժո-
ղովներ ալ աւելցներով հասցուց 20ի :

Մեր Եկեղեցին այդ վերջին բարդու-
թիւններէն հեռու կը մնայ. իր հոգին
թուլատու է. ամէն անսնք որ երեք ժո-
ղովներու վրայ համաձայն են, Քրիստոսի
Եկեղեցին չհաներ, Քրիստոսի հաղորդակ-
ցութիւնէ չմերժեր, հակառակ ուրիշ Եկե-
ղեցիներու տարբեր ընթացքին :

* * * Որովհետև ժամ մը խօսած էր ար-
դէն, ուստի բանախօսը յայտնեց թէ յա-
ջորդ գասախօսութեան նիւթ պիտի կազ-
մէ Հայ Եկեղեցոյ գիրքը՝ դաւանաբա-
նական մասնաւոր կէտերու հանդէպ,
ցուցներով անոր տարբերութիւնները միւս
Եկեղեցիներէն :

Դասախօսութեան աւարտումէն յետոյ,
Տ. Գնէլ Վրդ. օգոստ քաղելով այն պայ-
մանէն որ անդամակիցներ պիտի կարենան
նոր լուսաբանութիւններ խնդրել, ուղեց
իմանալ թէ մինչեւ ուր կը տարածուին
Որդողքս Եկեղեցիներու իրարու հանդէպ
իրաւունքները, և յատկապէս կ. Պոլոց
Աթոռին իրաւասութիւնը Ռումանիոյ վը-
րայ: Այդ առթիւ բանախօսը պարզեց Որ-
թողքս Եկեղեցիներու ինքնագլխութեան
կէտերը, Պատրիարքական և Սինոդական
վարչութիւնները և մասնաւոր պարագա-
ներու նկատմամբ սովորութիւնները:



Բ. ԴԱՍԱԽՈՍՈՒԹԻՒՆ

(Գւ. 9, Յուլիս, 1913)

Դասախօս. — ԱՄԵՆ. ՕՐՄԱՆԵԱՆ ՍՐԲԱՁԱՆ

—————

Նիւթ. — Հայ Եկեղեցւոյ միտքը, դա-
ւանաբանական գանազան կէտերու մէջ,
եւ տարբերութիւնները միւս Եկեղեցիներէն:

67 · 67 · 65 · 65 · 65

Նախորդ դասախօսութեան նիւթը եր-
կու բառով ամփոփելէ ետքը, դասախօ-
սող Արքազանը նոր նիւթին անցնելով, բա-
ցարեց թէ Եկեղեցւոյ ներքին կազմու-
թիւնէն առաջ եկող պարագաներ առիթ
տուին ծխական և դաւանակ. ն տարբե-
րութիւններու: Ուստի պէտք է նկատի
առնել Ծէսը և Դաւանութիւնը: Եկեղե-
ցիներ կրնան ունենալ նոյն Ծէս և տար-
բեր Դաւանութիւն, կամ տարբեր Ծէս եւ
նոյն Դաւանութիւն: Ծէսի կարգին մէջ
են՝ Եկեղեցւոյ լեզուն, խորհրդակատարու-
թիւն, պաշտօնակատարութիւն, որոնց մէջ
պատահական տարբերութիւններ կը գրա-
նուին:

Ծէսները երբոր իրարու հետ բաղդատ-
ուին, էական նմանութիւններ ունին, ո-
րոնք կ'երթան կը բարձրանան մինչև Ե-
րսուսաղէմի նախնական Եկեղեցին, որուն
տեղական հոգիւ մնաց Յակոբ Տեառնեղ-
բայր առաքեալը, երբոր բոլոր առաքեալ-
ները ցրուեցան, և անոր կը վերագրուին
առաջին քրիստոնէութեան ծխական կար-

գաղրութիւնները , և յատկապէս Պատարագի արարողութիւնը , ուսկից ծագած է «Յակոբեան Պատարագ» կոչումն ալ :

Երգուին գաղով՝ իւրաքանչիւր Եկեղեցի
իր Երգուով կը կատարէ իր ծէսերը : Բայց
այս ըսել չէ թէ ամէն այժմեան լեզունե-
րով ծէսեր կան , այլ կը զատուին ծիսա-
կան և ոչ-ծիսական լեզուներ . ծիսական
եզան Յունական , Ասորական և Յուտինա-
կան լեզուները : Հայերէնը ծիսական լե-
զու եղաւ Ե . դարէն : Որթողոքս Եկեղե-
ցին ընդունած է հին պատականն ալ իրը
ծիսական լեզու , զանազան պաւ ժողո-
վուրդներու համար :

Օրուան դասախոսութեան նիւթ կ'ու-
ղենք ընել Դաւաննութեան ասարքերու-
թիւնները , զոր ունինք այն ճիւղերու-
հանդէպ ; որոնց բաժնեցինք արդէն բո-
վանդակ Եկեղեցինները , այսինքն Որթո-
գոքս , կաթոլիկ եւ Բողոքական Եկեղեցի-
ներ : Մեզի դաւանակից գիտենք Ասորի ,
Եղիպատական և Եթովպական Եկեղեցիննե-
րը , որոնք բոլորն ալ «Մի բնութիւն» կը
ճանչնան Քրիստոսի վրայ : Յակոբիկեան
Ասորէներ , որ Յակոբ Ծանծաղոսի կը հե-
տեւին , իբր Եւտիքական կը նկատուին ,
բայց եթէ անոնց դաւանութիւնը լրջօրէն
ուսումնասիրաւի , կարելի է տեսնել թէ
ասարքերութիւն չունին մեզմէ : Նոյնը կա-
րելի չէ ըսել Նեստորականներուն մասին ,
որոնք հեռու են մեզմէ դաւանութեամբ ,
բայց պղտիկ , աննշան մէկ մասը կը կա-

մեն Քաղղէացոց մէջ , և ինչպէս կանուխ
ըսինք , ինքզինքնին կ'ուզեն մեզի մօա
տեսնել :

Որթողոքս Եկեղեցիէն դաւանութեամբ
կը ասարքերինք մնաք միայն Բնութեանց
ինդիբով և Քաղղէացնի Ժողովով : Մեր
դաւաննութիւնն է «Մի բնութիւն Բանին
մարդացելոյ » , զոր չեն ընդունիր Քաղ-
կեդնի հետեւողները :

Հումքականներէն և յատկապէս Միսի-
թարեաններէն շատեր կ'ուզեն Հայոց Եկե-
ղեցին պաշտպաննել՝ ըսելով թէ Հայերը
Բնութիւն ըսելով Անձ կ'իմանան , կամ թէ
Հայերը չգտնուեցան Քաղղէացնի Ժողովին
և շփոթեցան : Այս պաշտպանութիւնը մեզ
չի գոհացներ , որպէս նետեւ պարզապէս ի-
մասասիրական տիփտութեան , կամ պա-
տահական շփոթութեան կ'ենթարկեն մեր
Եկեղեցին : Մենք Քրիստոսի անձին վրայ
«Մի բնութիւն» կը պաշտպաննենք , խընդ-
րոյն էութեան թափանցելով : Խնդիրը յա-
ռաջ Եկած էր Նեստորէն , որ Քրիստոսի
անձին վրաւ երկու գործող կը ճանչնար
անջատ , Մարդկութիւն և Աստուածու-
ծութիւն . երկուքը իրարմէ զատ երկու
անձ՝ մարդկացին և աստուածային . ըստ
այսմ մարդկութիւնը աստուածութեան
միացած չէր ըլլար , այլ վրան եկած իրեւ
զգեստ մը , Նեստորի բացատրութեամբ :

Ապողինար պնդած էր թէ Քրիստոս
միայն մարդկացին մարմինը առաւ , բայց
ոչ Հոգին , որուն դէմ դրուած էր Հան-

գանակին մէջ, թէ օհառ զմարմին, զհո-
դի, և զմիտո»: Եփեսոսի ժողովին մէջ
դատապարտուեցաւ Նեստորի կարծիքը,
և ընդունուեցաւ Կիւրեկ Ազեքսանդրացիի
բանաձեւով՝ Մի բնուրինն Բանին մարմ-
նացելոյ: Եւտիքէս Միութիւնը պաշտպա-
նելով այնչափ յառաջեց, որ մարդկու-
թիւնը Քրիստոսի անձին մէջ՝ նմանցուց
կաթիլ մը մեղքի, աստուածութեան ծո-
վուն մէջ:

Հայոց Եկեղեցին որ այդ մասին կը
մաքառի Որթողոքս և Կաթոլիկ դաւա-
նութեանց դէմ, չի բաւականանար միայն
Անձը միաւորեալ նկատել, բայց ոչ Բնու-
թիւնը: Մենք կ'ըստնք թէ ինչպէս
որ Անձի մութիւն կայ, ոոյնպէս Բնու-
թեան միութիւն պիտի ըլլայ: Բնութիւնը
սկզբն է ներգործութեանց կամ գործո-
ղութեանց, իսկ անձն է որ Կ'ենթակայա-
ցնէ Բնութիւնը: Ներգործութիւնները կը
զատուին ըստ բնութեան, և երբ բնու-
թեանց միաւորութիւնը վերցաւի, մարդոյ
միայնոյ մահը փրկագործութեան չի բա-
ւեր, և այս պատճառով «Մարդարաւան»
անուանուեցան Նեստորականներ, ինչ որ
Քաղկեդոնիկներու ալ կը պատշաճեցուի.
Երբոր երկու քութիւն կը դնեն Քրիստոսի
վրայ և կը վտանգեն չարչարանց փրկա-
գործական արգիւնքը:

Գալով այն կարծիքին թէ՝ մէնք
Քաղկեդոնի ժողովին չերթալով շփոթած
ըլլանք, յայտնի է որ եթէ այդ ժողովին

չենք գացած, բացորոշ մէջտեղն է անոր
վճիռը: Լեւոնի Տօմարը Քրիստոսի համար
յացանապէս կ'ըսէ «Ոմն և Ռմն»: Ճիշդ է
անշուշտ որ չենք կրցած երթալ այդ ժո-
ղովին, որ կը գումարուէր 451 Աւելիմ-
քերին, այսինքն հազիւ քանի մը ամիս
ետք Աւարայրի ճակատամարտէն, որ նոյն
տարին Մայիսին վերջերը տեղի ունեցած
էր, և Ժողովին գումարման պահուն Յով-
սէփ Կաթողիկոս բանտարկուած էր: Բայց
այդ ժողովին գանուած ըլլալիս պատ-
ճառ մը չէր ընդունելու անոր որոշում-
ները՝ եթէ ընդունելի ըլլալին: Մենք կ.
Պոլոյ և Եփեսոսի ժողովներուն ալ չգրտ-
նուեցանք: (Որովհետեւ սիսալ է այն կար-
ծիքը թէ Մեծն Ներսէս գացած ըլլայ կ.
Պոլոյ Ժողովին: Ներսէս վախճանած է
373ին, մինչ կ. Պոլոյ Ժողովը գումար-
ուած է 381 ին: Եփեսոսի ժողովին ալ
ներկայ չենք եղած, որովհետեւ այդ ժո-
ղովին ալ գումարման ժամանակը 431 ին:
կը զուգագիւղէր Սահակ Պարթեւ Հայրա-
պետին աքսորէն ետքը): Կ'ընդունինք սա-
կայն անոնց որոշումները, բայց ընդու-
նեցինք Քաղկեդոնեան ժողովը, որ Նես-
տորականութեան կասկածներ կուտար:
Հետեւապէս եթէ մեզ Եւտիքական կ'ը-
սն Մի բնուրինն բանաձեւին համար, ա-
նոնք ալ Նեստորական եղած կ'ըլլան եր-
կու բնուրինն բանաձեւին պատճառով:

Բայց Հայ Եկեղեցին իր թոյլասու և
լայնամիտ ողիով կ'ըսէ անոնց՝ Շնորհա-

Մին հետ. «Մենք ձեզ չենք դատապարտեր, դուք ալ մեզ մի դատապարտեք» և Մենք ուրիշները աղաս կը թողունք իրենց աւելորդ դաւանութեանց մէջ, բայց կը պահանջենք որ անոնք ալ յարգեն մեր վարդապետութիւնն և դաւանութիւնը, որ հագոյն է և նախնագոյն, և դաւանութեանց մէջ միշտ նորութիւնն է կասկածելի:

Այս կէտէն դուրս, ուրիշ տարբերութիւն չունինք դաւանապէս Որթողոքս Եկեղեցին: Բաժակին մէջ ջուր խառնելը, խմորուն Հայր, Ծնունդի օրը՝ ծիսական տարբերութիւններ են, որոնք դուրս են այսօրուան նիւթէն:

Գալով Կաթոլիկներուն, որոնք զմէրդ «Մոլորեալ, Հերձուածող» կը կօշեն և «Հերթիկոս» կը հասկան, մենք — Որթողոքս Եկեղեցւոյ հետ ունեցած «Մի բնութեան» տարբերութենէն զատ — անոնց ասրակածիք ենք՝ Հոգւոյն Սրբոյ «Եւ յՈրդւոյ», Քաւարանի, և Պապին գլխաւորութեան խնդիրներուն մէջ: Անոնք կ'ընդունին Հոգին Սուրբի բղխումը՝ ի Հօրէ «Եւ յՈրդւոյ», զոր մենք չենք ընդունիր, «Եւ բղխման» բացարութեան մէջ կը մնանք հաստատ՝ հիմնուելով Աւետարանի բացարութեան վրայ, «Որ ի Հօրէ երանի»: և բան չենք աւելցներ: Եւ արգէն ասիկայ էր ընդհանուր Եկեղեցւոյ դաւասնութիւնը առաջին դարերուն: Ապանիոյ Եկեղեցին էր որ առաջին անգամ թ. դա-

րուն մէջուրդ հանեց այդ յաւելուածը, և անոր գէմ եւաւ նոյնինքն Հոռմի կեռն դ. Պապը: Յաւելուածին: ի հաստատութիւն կը կառչին Աւետարանի «Յիմմէ անտի առնու» բացարութեան: Բայց նախ պէտք է գիտել որ «Յիմմէ» կը նշանակէ «Անտի որ իմ ե», եւ ոչ թէ յինէն (ինձմէ): Եւ յետոյ, «Առնուլը՝ «Եղանել ու բղկիլ» չէ: «Առնուլը՝ նախութիւն է էուժեան և բնութեան: «Ի հօրէ երանի» բացարութիւնը աւելցուցաւ Նիկիական հանգանակին մէջ է. Պոլոյ Փոլովով, Մակրոսնական հոգեմարտութիւնը հերքելու համար, բայց Նիկիական հանգանակին մէջ չկայ, և մենք չենք աւելցուցած Հաւատամելին մէջ, թէև կ'ընդունինք և չենք մերժեր:

Հոռմի Բրօբականստան զտա տալագրութիւն ունի Հայ ծիսարաններու, զորս սրբագրած է ուզած կերպովը: և այս սրբագրութիւնը այնքան առաջ տարին որ անհեթեթութեանց մէջ ինկան: ինչպէս «Առաւօ լուսոյ»ին մէջ, նոյնիսկ ի դէմս Որդւոյն Աստուծոյ գրուածին աւելցուցին Բղխումն ի Հօրէ «Եւ յՈրդւոյ», այս կերպով Որդին Որդին բղխել տուին: Յովհան Յովով և Յակոբ Յովով վարդապետներ եղած են այդ սրբագրութեանց հեղինակները:

Գաւարանի մասին Լատինացիք կ'ընդունին որ, հոգիները մարմինէն եւլելն վերջ առանձին դատաստանի մը կ'ենթարկուին: Արդարք անմիջապէս երանաւէտ

տեսութեան արժանի կ'ըլլան . մ'զաւորք
անմիջապէս յաւիտենական տանչանարանը
կ'իջնեն . իսկ մ'ջին վիճակ ունեցողները
քաւարան կը զրկուին : Նախ դիտենք . որ
այս բառը — թէեւ ընդունուած բայցա-
տրութիւն մը — բայց սխալ թարգման-
ուած է . Լատիներէն Purgatorium բառն
է որ պէտք է թարգմանուէր Մարտան :
Քաւութիւնը միայն Յիսուսի Քրիստոսի
արդեանց կը պատշաճէցնենք : Բայց քա-
ւարան թէ մաքրարան , ասիկա ալ բացար-
ձականպէս հակառակ է Աւետարանին :
Մատթէոս որոշ կերպով կը պարզէ թէ
վերջին դատաստանին է որ «Բաժանէ զօ-
դիս յայծեաց» : Եթէ անկէ առաջ արդ-
րաժանումը եղած է արդէն , ա'լ ի՞նչ հարի
երկրորդ դատաստանի կամ վերջին դա-
տաստանի : Ուրեմն ասիկա հակառակ է
Աւետարանական ոգւոյն : Եկեղեցին առա-
քելոց , մարդարէից են . համար մազթանք
ունի , ինչպէս կ'ընենք միշտ Պատարաքի
ժամանակ . բայց Հռոմէականք այդ մազ-
թանքէն չնշած են առաջին հինգ անուն-
ները , «զնախահարս , զհայրապետաս , զմար-
դարէս , զառաքեալս , զվկայեալս» եւ կ'ըս-
կըսին «զեպիսկոպոսունս» բառէն : Հռոմէ-
ականք ննջեցելոց Անելի խորհուրդ երգին
մէջ Կաթոլիկութեան հետք նշմարել ուզե-
ցին , ուստի մեզմէ ոմանք կը զգուշանան
զայն երդել , բայց աւելորդ երկիւղ է
այդ : «Հաւը շիջանի խաւար մերժի» բացա-
տրութիւնը չի նշանակեր թէ կրակը զա-

ռած է Քաւարանին մէջ , այլ թէ աղօթ-
քով կը մարի այն կրակը , որ պիտի վառի
մեզաւորաց համար՝ վերջին դատաստանէն
ետք :

Այս առթիւ պէտք է դիտել որ սրբոց
ոչ թէ տօնը այլ յիշաւակը կը կատարենք ,
այն սուրբերուն որ բարերար գեր մը ,
արդիւնաւորութիւն ունեցեր են : Հայ Ե-
կեղեցւոյ տօնած սուրբերը բոլորն ալ Քաղ-
կեղոնի Ժողովէն առաջ վկայեալ նշանա-
ւոր մարտիրոսներ են : Սիսալ է պահանջնել
անոնց անուններուն վերցուիլը մեր Տօ-
նացուցէն . գամննք պահելով՝ Ընդհ . Եկե-
ղեցւոյ հետ մեր կապակցութիւնը կը հաս-
տատենք : Միւս կողմէն եթէ մենք սուր-
բերու բարեխօսութեան կը դիմնենք , պատ-
ճառն այն է որ զամննք անզործ չենք
նկատեր : Ինչպէս կ'ընդանի , զինուորեալ
Եկեղեցին կ'աղօթէ իրարու համար , «Աղօ-
թիւնք արարէի ի վերայ մինեանց» , եւ կ'աղօ-
թիւնք ննջեցելոց համար , նոյնպէս
հանգստեան կոչուած Եկեղեցւոյ անդամ-
ներու աղօթքը , բարեխօսութիւնը կը
խնդրէ :

Քաւարանի խնդրոյն մէջ ալ ուրեմն ,
Հայուն դաւանութիւնը անփոփոխ է Ա-
ւետարանի ոգիէն :

Գանք Պատղութեան խնդրոյն : Ինչի՞
վրայ հիմնուած է Պատղութիւնը : Ամբողջ
Աւետարանին մէջ չկայ տեղ մը ուր Պետ-
րոսի իշխող զիրք մը տրափ : Զկայ բան
մը Պետրոսին տրուած , զոր միւս առաք-

Եալները չուենեան։ Իրաւ է որ Պետրոս
առաջ նետուող բնաւորութիւն ունէր,
տանուտէր էր՝ Յիսուսը իր տանը մէջ կը
պատուասիրէր, լաւ ձկնորս էր, արհես-
տին մէջ գլխաւոր. բայց յաճախ իր յան-
դրգնութեանը պատիմն ալ կը կրէր։ Յայտ-
նի են իր երիցս ուրացումը, ծովուն վրայ
ընկրծիլ։ Հետեապէս Պետրոսի արուած
իշխանութիւնը՝ առաքելութեան իշխա-
նութիւն էր և ոչ գլխաւորութեան։

Յիսուսի «Արածեա՛ աները ուրիշ բան
չեն նշանակեր, եթէ ոչ իր վերստին ըն-
դունուիլը առաքելութեան մէջ, սխալե-
լէն ետքը։ Հետեւապէս նոյնինքն Պետ-
րոսի սխալելուն վրայ հիմուած կ'ըլլայ
Պատրու անխայրւիլալ, երբոր Հաւա-
սեցես զերպարս որ իրմէ գայթակղած-
ներուն միտքին բուժումն է, անխալու-
թեան փաստ կը գառնայ վատիկանեան
գաւանութեան մէջ։

Խչչէս բացարուեցաւ արդէն, Ա-
թոռներու կազմութիւնը յառաջ եկաւ
քաղաքական բաժանումներու համաձայն։
Ասիկա ժաղանակով եղաւ և ոչ թէ ան-
ձերով։ Քիստոս խումբին վրայ հաստա-
տեց իր եկեղեցին, երբոր ըստւ, «Երբ
դուք միացեալ էք, այն ատեն ես ալ ձեր
մէջն եմ»։ Իրաւ է որ Հռոմի Աթոռը ըն-
դարձակութիւններ ունեցաւ քաղաքական
պարագաներու բերումով, բայց արտաքին
պարագաներ չեն ազդեր հաւատքի և գա-
ւանութեան վրայ։ Եկեղեցին ներքին
հիմքը, ոյժը պիտի ազդէ մեր վրայ։

Իրաւ է որ շատ մը ուրիշ կէտերու-
մէջ Հայեր զիջումներ ըրեր են։ Ասիկա
արդիւնք է, Հայուն զարգացման հետա-
մասութեամբ լինքինքը մոռնալուն։ Այս-
պէս, Ունիթոռները (Դոմինիկեան) երբ
եկան Հայաստանի թշուառ կողմէրը,
զարգանալու տենչով տոգորուած Եսայի
Նչեցին աշակերտները՝ Յովհ. Քոնկցիի
առաջնորդութեամբ՝ անոնց հետեւողներ
եղան։ Նոյնպէս՝ Կիլիկիա եղող Փրամչիս-
կեան կրօնաւորներու ժամանակ։ Այս ազ-
գեցութեանց հետեւանօք էր որ կարգ մը
զիջողութիւններ եղան և նմանողութիւն-
ներ ընդունուեցան, թէև առերեւոյթ։
Այսպէս մեր պատարագը կը սկսի «Օրի-
նեալ բազաւորութիւն» էն։ անիէ առաջ-
ուան մասը յետամուտ է։ Քահանայական
աստիճանը չորս էր, և եօթնի բարձրա-
ցաւ։ Եկեղեցւոյ Խորհուրդները թիւ չու-
նէին, և ժամանակ եղաւ որ ատաներկու-
քի բարձրացաւ անոնց թիւք։ Ասոնք ե-
ղած են՝ մաս մը Հայաստանի Ունիթոռ-
ներու, և մաս մ'ալ Կիլիկիոյ Աղթարմա-
ներու ազգեցութեամբ։ Մէնք Հայուն հա-
ւատքը, սեղմ գտւանութիւնը պէտք է
փնտուենք Ե. գարուն մէջ, Թարգմանիչ-
ներու ժամանակ։

Գալով Բողոքականաց, անոնց կողմէ
կը մեղադրուինք թէ շատ կը հաւատանք,
մինչ Յոյներուն և Լատիններուն մեղադ-
րանքն այն է որ քիչ կը հաւատանք։ Արդ,
Բողոքականաց մեղադրանքին գէմ կա-

րելի է յիշել թէ իրաւ է որ Ռուբինեանց
ժամանակին մէջ Խաչակիրները Հայաստա-
նը փրկելու խոստումով մերինները զիջո-
ղութիւններու ստիպեցին, բայց առոնք
առերեւոյթ և անհաստատ բաներ էին,
որոնցմէ ոմանք անցան, ոմանք ցայսօր
կը մնան, բայց երկրորդական բաներ են,
և կրնան ալ դադարիլ: Եկեղեցին Քրիս-
տոսով հիմնուեցաւ, բայց կազմակերպու-
թիւնը հետզհետէ ամբողջացաւ մինչեւ
առաջին երեք Տիեզերական ժողովները:
Մենք այդ ծողովներուն հաւատոքը էւ
գաւանութիւնը կը պաշտպանենք ազ-
գուօրէն, իսկ անիէ ետքի յաւելուածնե-
րը պաշտպանելու պէտք չունինք: Հայ
Եկեղեցին, իր լայնամիտ ոգիով — որ իր
պարձանքն է — փրկութենէ հեռի չինկա-
տեր աւելիին հաւատացողները, բաւական
է որ անոնք ընդունած ըլլան Տիեզերա-
կան առաջին երեք ժողովներու վճիռնե-
րը. բայց ինք հաստատ կը մնայ միայն և
միայն այդ ժողովներու գաւանութեանց
վրայ: Մեր սկզբունքն է հաւատոյ էա-
կան գաւանութիւնը հաստատ պահել ի-
րենց մաքրութեանը մէջ:

Պէտք է աւելիցնել որ Հայոց Եկեղեցին,
գաւանական իր իմեթե քեռներովը աւե-
լի՛ հաւատան է ներկայ գարուն ալ պա-
հանջումներուն:

Դասախոսող Արքազանը վերջացուց,
ազգու կոչ մ'ընելով ունկնդիր Եկեղեցա-
կաններուն, Հայ Եկեղեցւոյ աւետարա-
նական մաքուր վարդապետութեան հա-
ւատար բարձրութեան մէջ մնալու գործ-
նականապէս ալ:

Գ. Գ. Ա. Ս. Ա. Խ Օ Ս Ո Ւ Թ Ի Ի Ն

(Գօ. 16 Յուլիս, 1913)

Դասախոս. — ԱՄԵՆ. ՕՐՄԱՆԵԱՆ ՄՐԲԱՋԱՆ

Կիւր. — Հայ Եկեղեցին ինք իր մէջ -
— Բարեկարգութիւնը ի՞նչ ուղղութեամբ
պէտք է ըլլայ:

Իր երրորդ դասախոսութեամբ Ամեն.
Օրմանեան Ս. շատ կարեւոր /և այժմէա-
կան կէտ մը շօշափեց: Նախորդ երկու
դասախոսութիւններով քննած էր Հայոց
Եկեղեցին դիմոքը՝ ուրիշներու հանգէպ՝
կազմակերպական և գաւանաբանական
տեսակէտով, և հաստատած Հայ. Եկեղե-
ցին առաքելականութիւնը, գաւանական
և վարդապետական մաքրութիւնը, հա-
րազատ հաւատարմութիւնը Քրիստոնէա-
կան առաջին գարերուն, ինչ որ իր առա-
ւելութիւնը կը կազմէ: Ներկայ Գ. դա-
սախոսութեամբ անցաւ քննելու Հայոց
Եկեղեցին ինչ իր մէջ, և իրաց ընական ըն-
թացքով շօշափեց Բարեկարգախն հացը,
որ անքան կը զբաղեցնէ միաքերը:

Ի՞նչ գասասատան, ըստու, պէտք է ը-
նենք մեր Եկեղեցւոյ վիճակին վրայ: Ան-
հրաժեշտ է դիտողութիւն, ուսումնասի-
րութիւն, բազդատութիւն, որ հնար ըլլայ
ձշկել բարեկարգելի կէտերը, կիթէ պէտք
կայ: Շատեր կ'ըսեն թէ Հայ Եկեղեցին
բարեկարգութեան պէտք ունի, ժամանա-

կի պահանջումներուն յարժարելու համար :
Ա՞րքան իրաւացի է ասիկա , և ո՞րն է
բարեկարգութեան լաւագոյն եղանակը :
Երեք կէտերու վրայ կը ծանրանանքըն-
նադատութիւնները . — 1. Ծէսերու , 2.
Վարդապետութեանց ու կանոններու , եւ
3. Պաշտօնէութեան վրայ : Կ'ըսեն թէ
Եկեղեցւոյ ծէսերը չատ երկար են , կա-
նոնները չատ խիստ : Իսկ պաշտօնեանները
հարուածելու ամէն ոք կազմ և պատրաստ
է : Մեծերը կ'ամբաստանուին անհոգու-
թեան համար , իսկ պղտիկները՝ անօրի-
նապահութեան համար : Պաշտօնէութեան
վրայ խօսիլ այսօր գուրս է մէր նիւթէն ,
զի պէտք է զատել Եկեղեցին Եկեղեցա-
կանէն : Եկեղեցականին վրայ եղած մէ-
ղադրանքը չաղղեր Եկեղեցին վրայ :
Սնոնց մեղադրելի ըլլալովը Եկեղեցին
մեղադրելի չըլլար ընաւ :

Որչափ ալ կարեւոր ըլլայ Եկեղեցա-
կաններուն ընթացքին վրայ խօսիլ , սա-
կայն մէր այս անդամ ձեռք առած նիւթն
Եկեղեցին է , և պէտք է խօսինք առա-
ջին երկու կէտերու վրայ : Ծէսի համար
կ'ըսուի որ չատ երկար է , և կանոններուն
վրայ ալ թէ ծանր եւ անտանելի են :
Քննադատանները կ'աւելցնեն թէ Եկեղեցին
հոգին դարուս ոգիին և ժամանակին չի
համաձայնիր :

Խմ տեսութեամբ ընդունելի չեմ գըտ-
ներ ինդիրը այդ կէտէն նկատել : Իրաւ է
թէ եղած են ժամանակներ , որոնց մէջ

Եկեղեցին յարմարեր է պարագանեցուն ,
բայց ատիկա՝ լաւ թէ ոչ՝ պատահական
բան մը եղած է : Եկեղեցին իր էութեամբը
Աստուածային Հաստատութիւն մըն է :
Խմաստափական զրութիւն մը , մարդ-
կային հիմնարկութիւն մը չէ : «Ես շնորհի
զՁեզ , եւ ոչ դու զիս լճարեցիք» ըսած է
Քրիստոս : Եկեղեցին հիմնուած է Երկնա-
յին վարդապետութեան վրայ , Աստուա-
ծային յարմարութիւնն վրայ . մարդկային
չէ անոր ծագումը . Քրիստոս հաստատեց
Եկեղեցին : Երբ դարուն ոգին յառաջ կը
քչեն , և կը պահանջեն որ Եկեղեցին յար-
մարի անոր , ատիկա ըսելով Եկեղեցիին
էութիւնը կ'աւրին . զի այդ պարագային
անիկա ոչեւս կ'ըլլայ Աստուածային Հաս-
տատութիւն մը :

Բայց Եկեղեցին մէջ , ժամանակի ըն-
թացքին , մարդկային զեղծումներ , աւե-
լագրութիւններ մտած են , թէև ոչ՝ հիմ-
նական կէտերու մէջ : Միջին դարուն ,
Արեւմուտքի մէջ Եկեղեցին կրակով եւ-
տանջանքով հաւատք պաշտպաներ է , ինչ
որ թէթե կերպով արձագանգ գտեր է
Արեւելքի մէջ ալ , ուր երբեմն խարան
զարկեր են այս կամ այն աղանդաւորին :

Եթէ Եկեղեցւոյ Աստուածային հիմնա-
կան վարդապետութիւններէն գուրս ,
կանոնական խստութիւններ մտեր են ,
գլխաւոր պատճառն այն է որ հին ատեն
մեր մէջ զատաւորական իշխանութիւնը
Եկեղեցականներուն ձեռքն էր : Իսչպէս

գիտենք, վարդանանց ժամանակ, Եկեղեցին և հաւատքը հալածող իշխանութիւնը Հայ Եկեղեցականներու ձեռքէն առնելով մոդերու յանձնեց գատաստանները: Մեր Հայրապետներն են որ վարեր են գատաստանական իրաւունքը: Արբեցութեանց, պղծութեանց, ամուսնութեանց եւն. գատեր կը տեսնուէին Եկեղեցական Առեաններու առջեւ: Բայց ժամանակի հողավումին հետ այդ ձեզ փախուեցաւ, և Եկեղեցին արտաքին խստութիւններ կատարելու պէտքը չունեցաւ այլ եւս:

Հիմա ի՞սչ պիճակի մէջ ենք, կամ ի՞նչ սկզբունքով կրնանք առաջ երթալ: Ծէսերու եր' արութեան և կանոններու խրստութեան առթիւ պէտք է ընդունինք որ Հայոց Եկեղեցին քաղաքական պատճառով հարկադրուեր է երբեմն տեղի տալ շատ մը պատշաճութեանց: Նախ նշանակելի է Յունական յարձակումը: Մարզպաններէ ետքը, ոչ միայն Փոքր Հայք, այլ եւ Մեծ Հայք մասամբ Յունաց ձեռքը կը գտնուէին: Միւս կողմէ կը սկսէին յարձակիլ Հագարացիները, որոնց դիմագրելու համար Հայերը կը հարկադրուէին Յունաց օգնութիւնը խնդրել. բայց Յոյները իրենց այդ օգնութիւնը ընձեռելու համար, կրօնական կամ գաւանական պայմաններ կը դնէին, կը սակարկէին պարզապէս: Այս պատճառովէ որ ձէսերու և կանոններու մէջ աւելագրութիւններ եւ դան:

Այս իրողութիւնը շեշտուեցաւ Ոռորինեանց իշխանութեան ժամանակ ալ, Բայց աւելի Կոռիկոսեան և Լուսինեան Տուներուն իշխած միջոցին: Խաչակիրներու ժամանակ մերինները լայն գիրիկով ընդունեցին զանոնք. բայց այս անդամ ալ միջնադարեան լատինականութիւնը սակարկութեան կը մտնէր Հայոց հետ: Օդուութիւն, զէնք, նաև դրամ տալու համար դաւանական պայմաններ կը դրուէին: Մենք ունեցանք Մխիթար Կաթողիկոսի ժողովը, որ հարկադրուեցաւ 117 մոլորութեանց բացարութիւններ տալ, Պապէն գումար մը ստանալու համար: Կիլիկեան իշխանութիւնք միշտ ստիպուեցան այս տեսակ զիջողութիւններ ընելու: Այս իրողութիւնները պատճառ եղան զեղծումներու. յունական և լատինական պատճառական կան Հայ Եկեղեցիին վրայ: Այսպէս, ազգակցական ճիւղերու ամուսնական արգելքը՝ եօթը ճիւղերու բարձրածաւ լատինական պատճառասով, մինչ մեր մէջ Շահապիվանի ժողովը երեք ճիւղ միայն կը լիէ, և Պարտաւի ժողովը՝ չորս միայն: Յուսիկ Հայրապետին առած կինը՝ երրորդ աստիճանի ազգակցական կապ սւնէր: Ունիթորներու ատենը, կարծեսթէ շատ բաներու համաձայնիլը հարկ սեպեցին, որ զիրենք զարգացուն ցուցնեն: Տաթեւացին իսկ իր գրութեանց մէջ շատ մը կէտեր ունի, ուր լեզուն լատինականութիւն կը բուրէ, և եթէ բառերը լա-

տիներէնի թարգմանուին աւելի յստակ կը
հասկցուին :

Արդ , եթէ կ'ուզուի բարեկարգու-
թիւն , պէտք է հինը փնտուել , գասնալ
նախնական , ոկղմնական կէտերուն , պէտք
է վերցնել վերջին ժամանակներու աւե-
լադրութիւնները : Սիմոն Կաթողիկոս «Տիր
ողորմեա» մը երգեր է մասնաւոր պարա-
գայի մը առթիւ . ատիկա քանի մը անգամ
երգուեր է , և յետոյ հաստատուն սովո-
րութիւն եղեր է իբրև թէ Լուսաւորչա-
ւանդ ծէս ըլլար : Նոյնպէս Շնորհալին եր-
գեր է շատ կարծներ , որոնք մնացեր են
Եկեղեցին մէջ . հետեւապէս հարկ չեմ
տեսներ ըսել , թէ պէտք է բարեկարգու-
թիւն ընել գարուս ոգին համաձայն , այլ
յաւագոյն կը սեպեմ ըսել թէ պէտք է
վերջին պատուաստումներն և աւելադրու-
թիւնները գեղչել :

(Այստեղ բանախօսը յիշատակեց այս
օրերս Ֆրանսայէն ստացած մէկ նամակը ,
որուն մէջ կը հաւաստէ նամակագիրը թէ
որուն մէջ կը հաւաստէ նամակագիրը թէ
Արեմուաքի մէջ կրօնքը խախտած է , եւ
թէ Օրմաննան Ա. ի Հայ Եկեղեցին կարդա-
բով հիացած է Հայ Եկեղեցւոյ պարզու-
թեան և մաքրութեան վրայ , և իշխանու-
թիւն կ'ուզէ ասիկա հոչակելու և Դաղղիոյ
մէջ հաստատելու) :

Ծէսերը և կանոնները պարզելու հա-
մար , բաւական է հին կանոնագիրքերը
գտել , և Եկեղեցին հասցնել իր հնաւանդ
հաստատութեան օրերուն , ինչ որ աւելի

օրինական է . և մեր Ե. գարու Եկեղեցին
շատ աւելի պարզ է , քան ինչչափ որ
այժմ պարզել կ'ուզուի , և շատ դիւրին
բան է պատահական յաւելուածները հետ-
զհետէ խափանել :

Եկեղեցական բարձր աստիճաններ վա-
նականներուն իրաւունքը չէին , այլ քա-
հանաններուն . վարդապետութիւն չի համ-
բուիր քահանայական աստիճանաց մէջ :
Տակաւին ձեռնադրութեանց մէջ եսլիո-
կոպուացուն քահանայական շուրջառով
և սաղաւարտով կը ներկայանայ , և ձեռ-
նադրովը կը կոչ զայն ուղղակի «Ի բահա-
նայուրենի յեւփակրպուրիւն» : Քատ այսոմ ,
կուսակրծնութիւնը պատահական յաւել-
ուած մըն է եսլիսկոպոսանալու համար :
Խնդիրը իր հիմնական ձեւին դարձնել
գժուար չէ , բայց պէտք է ժողովրդական
նախապաշտումն ալ հաշիւի առնել : Ես
անձամբ քանիցս ուղեցի քահանաներուն
առաջնորդական պաշտօն տալ , բայց ժո-
ղովրդային նախապաշտօն բազիւցայ :

Պատահած ալ է որ բարեկամատական
պարզ սովորութիւն մը ժամանակի ըն-
թացքին մէջ դարձեր է օրէնք : Սիմոն
Կաթողիկոսի Տիր ողորմեան՝ ինչպէս յիշե-
ցի , Լուսաւորչի չափ հին կարծուեր է :
Օրնութեան տասը պատկիր քաղուածը
Մովսէս Տաթեւացիէն է , այն ալ «Երկ կա-
միս ասել՝ ասա» պայմանով , բայց անխու-
սափելի պարտք է դարձեր : Սահակին եւ
Մանդակունիին ժամագիրքը և Մաշտոցը

շատ աւելի համառօս են: Կիրակի օրերու ժամերգութիւնը երկարին ալ իր բացատրութիւնն ունի: Գիտենք որ հրամայուած էր Կիրակին սուրբ պահել և հաւատացեալք ամբողջ օրը հոգեւոր գործերով կը զբաղէին: Այս նկատումով Եկեղեցին ուզած է երկարել կիրակնօրեայ արարողութիւնները, որոնք հիմակուընէ ալ աւելի էին. դի եթէ հին պատուերներու հետեւէինք, պէտք էր կարդալ ճառընտիր, Յայտամաւուրք, Սաղմոս են, որպէսզի հաւատացեալները հոգեւորով զբաղեցնելու դիւրութիւն ճարուի: Այսօր ասոնք համառօտուած են, և կրնան աւելի ալ համառօտուիլ, դի կարծես թէ այսօր ժոժողովուրդը սուրբ օրը անսուրբ ընելու եաւէ է:

Միւս կողմէ Կիրակին դուրս ուրիշ օրեր տօն պահելու սովորութիւն չունէր Հայ Եկեղեցին, և Տէրունական տօներ Կիրակի օրերու կը փոխադրուէին, ինչպէս Այլակերպութեան, Վերափոխման և Խաչվերացի տաղաւարները: Ա. Աստուածածնի տօներէն անոր Ծնունդը, Յղութիւնը և Բնայումը վերջին դարերու մէջ մտած են: Հին Տօնացոյցերու մէջ Ա. Աստուածածնի Ծնունդը նշանակուած է Խաչի բարեկենդանի Կիրակին: Աւետումն ալ օտարներու հետեւողութեամբ լուր օրուան կը մնայ: Նոյն իսկ Քրիստոսի Համբարձման տօնը բուն Երկրորդ Ծաղկազարդին կը տօնուէր, ինչպէս ժամերգութեանց կար-

գաւորութենէն. և նախատօնակ չըլլալէն կը քաղուի:

Աստուածայայտնութեան համար ալ նըշաններ կան թէ կիրակի կը փոխադրուէր: Սրդէն Հայ Եկեղեցին համար անսովոր է Երկուշաբթիէ զատ օրէ շաբաթապահքը սկսիլ, ինչպէս հիմա կ'ըլլայ Ծնունդի պահքին: Ծնողեան Դ. օրուան շաբականը՝ «Այսօր Գարդիկ երգեաց արդյ կուսին աւելիս»՝ բացայաց է որ Դ. օրուան համար գրուած է, որ Ա. օրը Կիրակի հաշուելով Դ. օր կ'ըլլայ: Նոյնպէս Զ. օրուան Ղազարու Աւետարան կարգացուիլը նշան է թէ Ուրբաթ օրուան կը զուգադիպէր, որուն մէջ միշտ ննջեցելոց յիշատակ կ'ըլլայ: Է. օրը սովորութիւն ունինք տօն կատարել, որ Կիրակի զուգադիպելուն մէկ ապացոյցն է: Իւղարերից յատուկ երգ ունենալը առաջին օրուան Կիրակի ըլլալուն նշանն է: Սակայն ասոնք մասնաւոր ուսումնասիրութեանց նիւթեր են:

Յիմունքի և Ութօրէքներու մէջ պըսակադրութեան արտօնութիւն զայցուիլը «Տէրումի» օրուան տարբեր հասկցողութեան արդիւնքն է. ուրիշ է հրամակեալ Կիրակի և սուրբ օր ըլլալը, և ուրիշ է ժամերգութեանց մէջ Կեցո ըսուխիլը, որով Ղազարու յարութենէն մինչև Հոգեգալսթեան դիմացի Կիրակին տէրունի կը նկատենք. նոյնպէս Ծնունդի, Աստուածածնի, և Խաչի ութօրէքները:

Այսպէս, ժամանակին ընթացքին մէջ

ներքին պատճառներով կամ արտաքին աղբեցութեանց հետեւանքով եղած են աւելագրութիւններք Ռուբինեանք մինչև Եւոն լաւ Հայ էին : Կոռիկոսեանք հետզհետէ յարաբերութեան մտան Լատինաց հետ, իսկ լուսինեանք բոլորովին Հռոմէաց դաւան Լատին էին . այնպէս որ Եւոն վերջին թագաւորը, իր օծումին ատեն Հայ Միւոնն չուգեց, և Կիպրոսէն բերած Լատին Միւոնով օծուեցաւ :

Այս բոլոր իրողութիւնները յսաակօրէն կը հաստատեն թէ կարգ մը ծխական յաւելումները Հայ Եկեղեցւոյն մէջ, իր երկրորդական կէտեր, պէտք կ'ըլլայ զտել, մաքրել, և Ե. դարու պարզութեան վերածել: Բայց այս ձեռնարկը պէտք է կատարել շատ մուծ խոհեմութեամբ, ըրջահայեաց զգուշաւորութեամբ. այն ալ առաժանաբար կարգադրել, և ոչ ամէնքը մէկն. զի «Զիւրուրիւն Տիւրացն բառնալ» օրէնք է առաքելական: Մէնք աշ կ'ընդունինք թէ Հայ Եկեղեցին պէտք ունի բարեկարգութեան, բայց վերջամուտ և օտարամուտ մասերը յապաւելու սկզբունքով, ոչ թէ «Դարուս ոգիին պատշաճելու» այլ իր նախնական պարզութեան դարձնելու համար, թէ արդիւնքը ժամանակիս պահանջած թեթեւութիւնները արտադրէ: Այդ պարզութեան դառնալու համար, թէ պէտք պէտք է աւելորդ և օտարամի պատճառաւասները վերցնել, բայց

ոչ ամէն մարդ իր խելքով կրնայ ընել այդ բանը: Պէտք է շարժումը սկսի Հայրապետական նախաձեւնութեամբ. պէտք է որ ձեռնաւ, կարող, հեղինակաւոր անձնաւորութիւնք լրջօրէն ուսումնասիրէն քըննեն, զննեն, պրատեն անցեալը՝ իր բովանդակութեան մէջ երեւան հանելու համար հինը, պարզը, մաքուրը: Պէտք է խոստովանիմ հրապարակաւ թէ Հայ Եկեղեցին պարզութեան սէրն է որ ամէնէն աւելի զիս գրաւած է: Եւ այդ բանը զգացած եմ Լատինաց մուշ գտնուելով, և անոնց ընթացքը տեսնելով և ցուցմունքներուն ծանօթանալով :

Այս պարզութիւնը, այս մաքրութիւնը պէտք է ըլլայ մըր գաղափարականը, այս ուղղութեամբ պէտք է մազթենք որ կատարուի «Բարեկարգութեան» գործը: Եկեղեցականաց պարտքն է Եկեղեցիին այդ մաքրութիւնը ցոլացնել իրենց անձնն վրայ: Եթէ մընք միը գործով չըարձրացնենք, ի զուր են ամէն խօսք: Անձին օրինակն է ամէնէն հզօր ազդակը: Մէնք նախանձախնիր պէտք է ըլլանք Եկեղեցական օրինաց և սկզբանց, հաւատարիմ միը գեղեցիկ, մաքուր, չքնաղ, սուրբ և ուղղափառ Եկեղեցիին:

* * *

Դասախոսութենէն ետքը, Տ. Տիրայր Ծ. Վ. հարցման վրայ, դասախոսող Սրբազնը բացարեց թէ կուսակրօնու-

թեան եկեղց . աստիճաններու մէջ մուտ-
քը նախնական չէ : Վանականները առաջ
փսխաթ կը հիւսէին . յետոյ ուսում առ-
նելով վարդապետ ելլան : Վեղարը վար-
դապետութեան նշան չէ . հին ատեն կու-
սակրօն սարկաւագներն և դպիրներն ալ
վեղար կը դնէին : Ա . Անտօն ալ , որ եկե-
ղեցական չէր , վեղարով կը նկարուի : Ժո-
ղովուրդին հովուութիւնը քահանայից
պարտքն և իրաւունքն էր : Վարդապե-
տութիւնը եկեղեցական աստիճանի , այ-
սինքն ձեռնադրութեան խորհուրդի հետ
կապ չունի : Մայր Մաշտոցի պատկերին
մէջ ալ վարդապետութեան ընծայացու-
ներ վեղար չունին . վարդապետութիւնը
ուսումնական աստիճան մըն է : Որոսնեցին
և Տաթեւացին մահուան մօտ ծայրագու-
նութիւն առին աշակերտներուն , որ իրենց
յաջորդեն : Ծայրագունութիւնը վարդա-
պետաց վարդապետ ըլլան է , որ եպիս-
կոպոսութենէ աւելի մեծ պատիւ էր :
Մինչև վերջի ատեններ , Էտիրնէցի Պօղոս
Պատրիարք և Քարաքոչ Պօղոս արքեպիս-
կոպոս «վարդապետ» կը ստորագրէին . ար-
դէն ալ վարդապետութիւնը այնքան բարձր
գիրք ունէր որ մինչև իսկ եպիսկոպոսնե-
րէն վեր ընդունուած էր . բայց երբ ծայ-
րագունութիւնը աժանցուցինք , յարգն
ու կորսնցուցինք :



ԱՄԵՆ. Տ. ԵՂԻՋԵ Ա. ԱՐՔԵՊ. ԳՈՒՐԵԱՆ

Դ. ԴԱՍԱԽՕՍՈՍԻԹԻՒՆ

(Գ. 23, Յուլիս, 1913)

Դասախոս. — ԱՄԵՆ. Տ. ԵՂԻՋԵ Ա. ԱՐՔԵՊՈՒ.

ԴՈՒՐԵԱՆ

Նիւթ. — Յովհան Իմաստասէր Օձնեցի :

Հայ Եկեղեցւոյ ամենէն հոյակապ գէմքերէն մէկուն ծանօթացումը իրեն նիւթընարած էր Ամեն. Դուռեան Ա. Արքեպս : Ի նկատ ունենալով Ամենայն Հայոց Հայրապետ Տէորդ Ա. Կաթողիկոսի Եկեղեցական բարեկարգութեան նախաձեռնարկը՝ պսակագրութեանց օրերու մասին աւելի լայն թոյառութիւն մը կանոնագրելու վերաբերմամբ, Արբազան դասախոսը պէտք տեսաւ իր ուսումնասիրութեանց արդիւնքէն բաժին հանել ունկնդիր քահանայութեան, ճանչցնելով մէծ գէմք մը, Յովհան Իմաստասէր Օձնեցի, ո՛չ իբրև մատենագիր, այլ իբրև բարեկարգիչը Հայ Եկեղեցւոյ :

Իր կեանքը ծանօթ ըլլայ թերեւս, լրագրական կարճ յօդուածներու և նմանօրինակ ուսումնասիրութիւններու ընթերցումով, բայց անոր իրական կեանքը, էական արժանիքը դուրս բերելու համար, ինչպէս դիտել տուաւ Արբազան դասախոսը, անհրաժեշտ է որ Եկեղեցական Հայրերը իրենց կողմէն ալ հետեւին լրջօրէն դասախոսութեան ընթացքին :

Յովհան Օձնեցի այն դէմքերէն է ուրո՞նք պատմականապէս պիտի արժէն միշտ : Ան ճանչցուած է մէր մէջ իբրև բարեկարգիչ մը : Երբ Հայրապետական աթուը սարձրացաւ Ը. դարու Ա. քառորդին մէջ , Հայ Եկեղեցի կաղմակերպութիւնը բաւական խախտուած էր, պէտք էր դարձանել այդ վիճակը : Ստեղծագործել , արդիւնաւորել մ'եծ ձիքքերու և բարձր հանձարներու արուած է , և Օձնեցին ցոյց տուաւ թէ մէկն է անոնցմէ : Քաղկեդոնական խնդիրները շատոնց ի վեր զբաղեցուցած էին Եկեղեցին , և ասոր հետեւանքով՝ ո՛չ միայն կանոնական անկարգութիւններ մուտքած էին , այլ և վարդապետական ներշնակ անուութիւններ՝ ցնցող ընդհարումներու պատճառ դարձած էին մէր Եկեղեցին մէջ : Օձնեցին քաջութիւնը ունեցաւ Եկեղեցին փրկելու իբր միութեան արօնին մը , ժողովուրդին և Եկեղեցին նուիրուելով հաւասարապէս : Իր նախորդները՝ Եզր Կաթողիկոսէն սկսեալ՝ այս կամ այն կողմէ հակած էին անորոշ միտքերով : Այդ հակումը վտանգ մըն էր մէր Եկեղեցին համար , քանի որ Քաղկեդոնականութեան մերձեցումը՝ իր զիջումնաւորձեւուն ներքեւ իսկ՝ Բիւզանդական սպառնալիք մը դարձած էր իր մէջ ընկլուզելու պատիկ ժողովուրդներն ու Եկեղեցիները . սակայն՝ պէտք է խոսանզանիլ թէ մէր Եկեղեց . Պետերուն կը պակսէր տակաւին խոռոշուկ և հերատես համոզում մը այդ մասին :

Օձնեցիէն իբր 70 տարիներ առաջ՝ 650—651 թուականին՝ քաղաքական տեսակէտով մը , զոր ամէն ուժով կը պաշտպանէր Թէոդորոս Ռշտունի , Յոյներէն իսպառ հեռանաւու և Արաքաց իշխանութեան տակ՝ իբրեւ առանձին Եկեղեցի պահպանուելու համար որոշում տուին : Այդ թուականին 4 տարի առաջ Ներսէս ծինող Հայրապետը որ «որնեալ էր ի մանկութենէ յաշխարհին Յունաց և ուսեալ զիեզու և զգպրութիւնն Հոռոմին » (Սեբէոս) , Ժողովի մը մէջ Հայ դաւանութիւնը պահնծացնող յայտարարութիւններ ի գիր առած էր բնդդէմ Քաղկեդոնական նորաբանութեանց , և Յոյն Եկեղեցիի մասին տննպաստ դիտութիւններ ալ աւելցուցած , որոնք ի հարկէ Յունաց կայսեր կրնային վիրաւորանք պատճառել : Ինքն այդ ամենուն տակ ստորագրեց , և ստորագրել տուաւ ներկայ եպիսկոպոսներուն ալ . բայց փոխանակ իր հասցէմն՝ կայսեր՝ զրկելու , ծալեց գրամնը դրաւ : Երբ կարսր՝ Կոստանդին՝ Դույն եւկաւ , Խշտունիի նախաձեռնութեամբ գլուխ հանուած ապաստմբական շարժումէն անմիջապէս վերջը , Քաղկեդոնական համաձայնութեան մը հիմ զրուեցաւ Ներսէս Կաթողիկոսի և կայսեր միջև , և հանդիսաւոր պատարագ մատուցուեցաւ : Հայ Կափիսկոպոս մը (հաւանաբար Սեբէոս՝ որ այդ պարագաները կը պատմէ) առիթ գտաւամբաստանելու կայսեր առջեւ Ներսէս Եինող կաթողիկոսը , յայտարարելով որ

4 տարի առաջ Յոյն Եկեղեցին դէմ հա-
կաքաղկեդոնական ողիով ժողով գումա-
րող մը , այն օրը իբրև յայտնի քաղկեդո-
նական մը կը ներկայանար ու կը գործէր :

Եւ իրօք , երկուութիւն մը կը դիտ-
ուի այս ժամանակամիջոցի Հայ Եկեղեցա-
կան վարիչներու քով , քաղաքական տաղ-
նապներու սպառնալիքին տակ : Յոյներու
պահանջումներուն համակերպիլ՝ վտանգ
մըն էր ինքնին , ցորչափ մանաւանդ կը
գոռային նախ Պարսկական և յետոյ Արա-
բական թշնամութիւնները մեր դէմ : Ուս-
տի մեր Կաթողիկոսները՝ Եզրէն մինչեւ
Օձնեցի՝ չկրցան հաստատուն ընթացք մը
տալ Հայ Եկեղեցիի վարդապետական - ա-
ւանդական ըմբռնումներուն , և ըստ ձե-
ւոյն բաներ մը կ'ընէին , ժողովուրդին՝
մերթ քաղաքական և մերթ քարեպաշտա-
կան հանդարտութիւնը պահելու համար :

Իրերու վիճակն այս էր՝ երբ Օձնեցի
հայրապետական գահը բարձրացաւ : Սա
վարչական տեսակէտով՝ յարմար նկատեց
որ Հայ Եկեղեցին իրեն յատուկ սովորու-
թիւններուն և կազմակերպութեանը մէջ
ամփոփուի այլ ես , բարեկարգական կա-
նոններէ առաջնորդուելով միայն , և այդ
ժողովին մէջ վարդապետական (քրիս-
տոսարանական) ո՛ր և է ինդիք չյուղեց ,
ունենալով հանգերձ՝ ինչպէս պիտի տես-
նենք՝ իր անձնական համոզումը այդ
մասին :

Մեր պատմիչները մէծ հիացումով կը

գովեն Օձնեցի Հայրապետը , իբրև գիտնա-
կան և ինքնատիպ մարդ մը միամնդամայն .
Յառաջ քան զկաթողիկոսութիւն անշուշտ
արժանացած էր Իմաստակը կոչումին :
Ինձ կը թուի թէ՝ ի միջի այլոց՝ Յոյն լե-
զուին գիտութեան հետ ժամանակին բար-
ձրագոյն ուսումն առնողները այդ տիտղո-
սով կը յորջորջուէին մեր մէջ , ինչպէս
շատ են օրինակները : Այսու ամենայնիւ
չենք կրնար պնդել թէ Օձնեցի գիտակ
եղած ուլայ Յունարէն լեզուի , եթէ Հայ
վարդապետ մըն էր իր ուսուցիչ թէողո-
րոսը , որու մասին պիտի թողունք որ ինք
խօսի քիչ մը վերջը , և որուն կը պարագ
իր « Համայնտիտական » բովանդակ զար-
գացումը :

Օձնեցի համար առաջին խօսողն է
Յովհանն Պատմաբան (Թ. դար) : Կը վկայէ
թէ գիտէր նա ինչ որ գիտութիւնն էր
ժամանակին . — Քերականութիւն (մասունի
բանի և մասնականի) , Իմաստասիրութիւն
(սեռ , տեսակ , տարբերութիւն , ևալն) ,
և Քերթողական արուեստի գաղտնիքն
անծանօթ չէր իրեն . հմուտ էր նոյնպէս
Թէկնական ուսմանց (Երաժշտութիւն? Աստ-
ղաբաշխութիւն?) : Այսպէս , Օձնեցի պատ-
րաստուած միտք մըն էր երբ Հայրապե-
տութեան կոչուեցաւ :

Իր այդ բարձր պաշտօնի մասին անսո-
վոր ըմբռնում մը ունեցաւ Օձնեցի . զար-
մանակի միամստութիւն մը՝ որ կրնայ
փառասիրութեան հետ չփոթուիլ : Կը սի-

թէր շքեղօրէն հագուիլ ճոխ արդուզարդով, կը կրէր ոսկենկար գաւազան, և անուշահոտութիւններով կ'օծուէր, և խարտոցուած ոսկի կը փչէր իր աղէրեկ մօրուքին, և ևն . , ինչ որ անսախընթաց էր Հայոց Հայրապետներու քով, և վերջն ալ չէ աեսնուած երբեք :

Յովհան Պատմաբան Կաթողիկոսը, որ մանրամասն կը նկարագրէ այս պարագաները, մէջ կը բերէ մանրագէպ մը, Օձնեցի՛ Ամիրապետին ըրած այցելութեան առթիւ :

— Ինչու այդպէս զարդարուած ես, կ'ըսէ Ամիրապետը, ձեր Քրիստոսը պարկշտ և աղքատ կերպարանքը կ'ընտրէր. նոյնը ըրին իր աշակերտներն ալ :

Օձնեցի պատախանեց ոս իմաստով.

— Մէր Տէրը թէե մարդկային մարմին առաւ, բայց աստուածային զօրութեան սքանչելիքները իրմով կը յայտնուէին. նոյն չնորհը տուաւ նաև իր աշակերտներուն. ուստի և մարդոց՝ Աստուծոյ երկիւզը ներշնչելու համար վախ աղդող հագուստներու պէտք չունեցան : Բայց որովհետեւ զուրկ ենք մենք հրաշագործութեան այդ չնորհէն, ուստի հարկ համարած եմ պարզամիտ մարդոց վրայ այսպէս աղդել, ու Աստուծոյ երկիւզն արթնցնել անոնց մէջ : Չեզի՝ մարմնաւոր թագաւորներուդ ալ՝ եթէ շքեղ հանդերձանքներ, թագ, գաւազան և ծիրամի պակաէին, և՝ ընդհակառակն՝ մարդիկ տեսնէին զձեղ խարազ-

նազգեստ վիճակի մէջ, ապահովաբար նոյն հզօր ազգեցութիւնը պիտի չկրնայիք ի գործ դնել, և ոչ ոք պիտի զարհուրէր՝ եթէ անտես մնար ձեր իշխանութեան փառքը :

Ս.յս ըսելէ ետքը՝ սակայն՝ Օձնեցի գուրս հանել կուտայ միւս ներկաները, և նոյն ատեն Ամիրապետին կը ցուցնէ այդ շքեղութեանց ներքեւ թաքնուած խարազը՝ այծեղէն ցփսին՝ զոր մարմնուն վրայէն կը հազնէր : Ասիկայ խորունկ աղզեցութիւն մը ներգործէց Ամիրապետին, որ՝ ըստ կիրակոս Պատմէի՝ Հայրապետին ինդրանաց վրայ՝ կը չնորհէ . Ա. Կրօնի ազատութիւն, որպէս զի Քրիստոնեաները չբանագաւուին թողուլ իրենց հաւատքը, Բ. Ապահարկուրիսն Եկեղեցիի և Եկեղեցականներու համար, Գ. Պաշտամունիի բոյլուուրիւն, համարձակ պաշտելու իրենց կրօնքը, ուր որ ալ ըլլան : Ս.յս ամենուն հետ՝ Օձնեցի պարգևներ ալ կ'ընդունի Ամիրապետին, և մնած պատուվ կը գառնայի իր աթուաը, ու իր առաջին գործը կ'ըլլայ «Հալածել զամնայն Յոյնս որք էին յաշխարհին Հայոց» . (Կիրակոս) :

Օձնեցի վրայ ներսէն հագնուած այդ խարազը, ու գուրսէն ցուցադրուած այդ պահանձանքները երկուութիւն մը չէ՞ն մատներ արդեօք . ու պահ մը ներելի չէ՝ կասկածել՝ թէ Դըւնոյ ժողովին (719) նախագահող իմաստաէր Հայրապետը՝ որ ա՛յնքան նախանձախնդիր երկցաւ Ազգային

Եկեղեցին աւանգութիւններուն՝ մի՛ գուշէ տարբեր համոզումներու տէր եղած ըլլայ Քրիստոսի անձին չուրջ երկար ատենէի վեր յուզուած վարդապետութեան մը մասին՝ որը սիրական հաւատալիքն էր Հայ Եկեղեցին։ Մէնք պիտի ջանանք իր երկուութենէն աղատել այդ պատուական դէմքը։

Պատմիչներու վկայութենէն դուրս ժողովուրդն ալ շինած է իր զրոյցները Օձնեցիի անձին չուրջը, ինչ որ կը հաստատէ խորունկ այն հետաքը՝ զոր թողած է նա միտքերու մէջ, և ո՛րքան ալ այդ զրոյցները պատմական ծառութիւն մը չունենան՝ արտայայտութիւնն են այն ոգիին որ իր նշանաբանն էր եղած։

Յիշենք այդ զրոյցներէն մէկը՝ զոր ժողովուրդը դիտէ։

«Հոռոմները երբ թագաւորութիւն ունէին, Հայերուն շատ նեղութիւն կուտային։ Պատիժի տախտակներ կը ծակէին ու մարդոց գլուխը կ'անցընէին, և երկու կողմին մէկ մէկ մարդ նատած՝ շուկաները կը պտրացնէին։ Յորեն հացը հազար ու մէկ նեղութիւններով կը գրանեն եղեր։ Ատ ատենները Ստամպօլի մէջ ողբեարի կնկան մը երկու տղաքները կը հիւանդանան։ Կուլան կ'ողբան որ մայրերնին իրենց կտոր մը հաց տայ։ Աղքամակ մայրիկը՝ տունը բան ո՞ր չունենար ծախելու, կ'երթայ Հոռոմ գրացիներէն կտոր մը ցորեն հաց կ'ուզէ պաղատելով։

մէ՛կը բան մը չիտար, կինը ասդին անդին կը քաշկոտին։ Կոոր մը հացի համար կ'ուշգին որ հետաքրոտուին։ Խեղճ կինը լալէն երերալէն կ'երթայ Օհան Օձնեցիին քով։ Կը պատմէ եղածը. — «Դո՛ւն գիտես, ոտքդ եմ ինկեր, մե՛զ զը են տղաքս»։ Օհան Օձնեցին կը հարցնէ փոքրաւորին թէ դարանը հաց կայ, — «Զէ՛, կ'ըսէ փոքրաւորը, ինչ որ կայ քիչ մը պոաչ հանեցի, կերանք»։ — «Մէյմը նայէ՛», կ'ըսէ Օձնեցին։ Փոքրաւորը դարանը կը բանայ, և զարմանքով կը տեսնէ երեք նկանակ, ու կնոշը կուտայ։ Կինը շնորհակալ կ'ըլլայ ու կը վազէ իր հիւանդ տղոց մօտ։ Օձնեցին ծանր կուգայ կնոջ վիճակը, փոխարէն բան մը ընել կ'ուզէ։ Կը կանչէ զլլամի մը, և թուր մը շինել կուտայ, կ'օրհնէ եւ կը դրէ՛ Օսմանին։ — «Իմ օրհնած թուրս կապէ մէջքիդ, արի՛, իմ աղօթքովս Աստուած քեզի պիտի տայ այդ երկիրները»։ Օսման թուրը մէջքը կապած, իր զօրքերը կ'առնէ և Ստամպօլի վրայ կը յարձակի։ Լուր կը բերեն Կոստանդին թագաւորին, որ ծովեզը ինք ընելու գացցած է եղեր։ Զուկ բաներ ու կը տապկեն կոր եղեր։ Թագաւորին իմաց կուտան որ իր վրայ կուգայ Օսմանը. — «Է՛ն, կ'ըսէ կոստանդին, թէ որ աս ձուկը տապակէն ելլէ ու ծովը ցատկէ, Օսմանն ալ կուգայ Պոլիսը կ'առնէ»։ Այս խօսքը կ'ըսէ չըսեր, մէշ մըն ալ կէս եփուած ձուկը տապակէն դուրս թաւալելով՝ ծովը կը նետուի։ Այդ 5

վայրկեանին թագաւորը յուսահատ վիճակի կը մատնուի : Օսման քաղաքը կը պաշարէ . իսկ թագաւորը իր մարդերէն մէկը քովը կանչելով և իր թուրը տալով կը հրամայէ որ սպաննէ զինքը . ան ալ կը սպաննէ թագաւորը : Օսման քաղաքը կ'առնէ , կը նստի : Օհան Օձնեցին ընդ առաջ կ'երթայ , կ'օրնէ , և մեր ազգը իբր Էմանիքուլլահ կը յանձնէ անոր . մէկ խնդրք մ'ալ կ'ընէ որ Օսմանը մեր ազգէն զինուոր չառնէ . ան ալ խօսք կուտայ : Հիմա մեր ազգը Օսմանցւոց քով Էմանիքուլլահ է , կը յարէ պարզամիտ զրուցողը : (Զաւախքի բուրմունք) :

Ժողովրդային այս զրոյցէն երկու որոշ կէտեր գուրս կը ցայտեն , թէ՝ Օձնեցին բարեկամ չէ՛ր Ցոյներուն , և թէ՝ Տաճիկներու (Արաբներու) Ամիրապետին բարեկամութիւնը վայելեց լիով :

Ուրիշ զրոյց մ'ալ՝ իբրև սուրբի մը կեանքին մէկ գրուագը՝ կը պատմուէր կանուխ ժամանակով : Օձնեցի Հայրապետը իր օր մը աղօթքի կեցած էր , երկու ահազին վիշապներ յարձակեցան սուրբին բնակած տեղին վրայ . փոքրաւորը տեսնելով գաղաները , աղաղակեց սուրբին որ օգնէ իրեն . Օձնեցին խաչակնքեց անոնց դէմ . և անմիջապէս քար կտրեցան , եւ մինչեւ այսօր կան (Օձուն գիւղի մօտ) : Վիշապին պորտէն ալ ջուր բլինց , որ բժշկութիւնէ ամէն օճահարի որ աղօթքով կ'ապաւինի սուրբին (Կիրակոս) :

Դասախոսող Մրգազմար յետոյ անցաւ անկիոներու Օձնեցին կանոնական բարեկամութիւնները , եւ այս առքիւ կարդաց մենու ժողովական ձայնին նետեւալ Յառաջարեց զոր վերածած եր աշխարհաբարի .

ՕՉՆԵՑԻ ԺՈՂՈՎԱԿԱՆ ՃԱՌԻՆ

ՅԱՌ. ԱՌԱՋԱՎԱՐ

Համբերովներու նախաժապը Յոր՝ կ'րաէր երեմն՝ արկածալից փորձութիւններէ նեղուած ատեն . «Թօվ առնէր զիս ըստ աւուրցն առաջնո՞ւ (Իթ. 2) . Կորուսած ըլլալով իր աւողջութիւնն հարսութիւնն ու զաւակներու բազմութիւնը նոյնը ես ալ հառաջենով կը կրկնեմ՝ ներկայի զիազուածներէն տագնապած . — Թօվ զիս անցեալ ժամանակներու մօս կը տանէր , վերսին տարվ ինձի մանկական հասակս : Այդ տարիիս մէջ ճո՞խ էի ես նոգեւոր ինչքերու առասութեամբ . կը հռուէրի Հոգւոյն եօթնարքիեան պատմուժանովը զարդարուած . շնորհներու պակով զրուխս էր փառաւորուած , ու պարանոցէս կախած էի իմասութեան բառամանեակի ոսկեփալլ գեղեցկութիւնը . Վերջապէս՝ նարսանեկան զգեսի բովանդակ յօրինուածն ունէրի վրան՝ երկնաւոր փեային առագաստը վայելչապէս մօւս զործելու համար . Ստուգիւ՝ մարդկային պատկերը առաքինութեան երանգներով կը զարդարուի եթէ իր նախաժապին Ֆշուտութեանն համաձայն կերպարանուի , ինչպէս յայտնէ :

Այսու այդ տարիիս մէջ՝ ես ինքս բոլորովին լուսառուած աստուածապին նշոյներու ցոլացումովը , իբր մարուր հայելի մը՝ Փեկչին գէմքի նմանութիւնը իմ մէջս կը հրաւիրէի , ինչպէս արեւը խորածորի մը ցուրերու յատկութիւնն ներս կը թափանցէ իր ժառագայթները .

Հոգւոյն ուղիսահոս վտակներովը կ'ոռոգուէր մժրիս բերրի նողը, եւ բանական նոզիս իմ մէջ կ'ուղանաւր, ծաղկանոս գինիի մը մէջ թրջուած պատնիք մը նման, ա'նպէս որ՝ այդ ժամանակի պատահումներն աչքի առջեւ բերելով՝ կրնայի ըսել ակնարկութեամբ մը. «Մանուկ էի մտավար եւ ոգւոյ բարւոյ զիգեցայ» (Խմաս. Բ. 19):

Վասնզի Աստուած պարզեց ինձի վեհագոյն վարժապետ մ'ալ՝ որ հայր ու միանգամայն ուսուցիչն եղաւ հոգեկան հրահանգներու, ի՞մ Թէոդորոս, որ «Աստուածաշնորհ» կը նշանափէ մեր լիգուով, ինըը միայն իրանի ք'ր գոհանար բարին ամբարելու համար իմ հոգիս մէջ, այլ եւ պայծառագոյն շնորհներու ծաղկարադն ընելով ուրիշ շատերէ՝ կը շանար բաւականութիւն տալ ինձմով իր անյագ ուսումնասիրութեանը, ու գրեթէ Հոգւոյն ներշնչումօվը պատասխ գուշակելով բազմապիտի պէտքերու նիւթ կը հայթայիթէր, աստուածային սա պատասխանը ծածկաբար մրմնչելով ինձի. «Կեր մանը զմատեանդ զայդ» (Եզեկ. Գ. 1), գուն որ իսրայէլին ազգին խօսելու ես հրաւրուած:

Եթէ երբէք կը մտաբերէի այդ հրամաններուն լուծը խորտակել ու աշխատութեան սամներ իսգել՝ աշխարհական կեանքի տարփանքէն տարուելով, աստուածային շնորհը իր սիրոյն կապանքներովը զիս վերսին իրեն՝ կը բաշէր, ու խորհուրդներուն ականչին մօս կը փափար սաստելով. «Զի՞ կայ քո եւ մանապարհին եզրացացոց՝ ըմսել զջուրն Գեհնին» (Երեմ. Բ. 18). Ֆեսոյ ես ալ համողուած այս ամէնով թէ Աստուած է որ կը կանչէ զիս իր ծայնովը, սա յանձնառական խօսքը մէջ կը բերէի. «Ահաւասիկ եմ ես, առաքեա զիս» (Ես. Զ. 8), նման նորավարժ միու մը՝ որ չկրնալով իր վերելեակը նետել վրայէն, ու իր դաժան կամքին վրայ բնդունելով անհանոյ բռնադատումը սամժին կ'սկսի հրութեամբ կտրել անցնիլ իր ասպարէզը:

Ա'յսպէս՝ սկիզբէն՝ Աստուծոյ նախախնամութեան մեծութիւնը զզացի. եսկ հիմա՝ կը տրտիմ

ու կը նուասանամ, խորհելով որ Տէրը կրնայ նարցնել ինծիք: Ինչպէս կ'ըլլայ՝ որ գործօն խանկանութիւնը անհնանձար նասակիդ վերապահեցիր, ու հիմա համանագիտակ ուսմամբ մը նուխացած ըլլալով գործնական իմաստութենէ հրածարած կ'երեւիս»: Այսպէս որ, ինչպէս թիչ մը առաջ կ'բաժի, այսօր փափաքելի էր ինձի՛ սա՛ կատարելութեամբ ու պատիւի բարձրութեամբ դառնալ հանգիպի միտրով զեռ չմարշամած մասաղ հասակիս, եթէ հառկ է մանաւանդ՝ Առաքեալին ըսածին համաճայն պատուական զանձով լիցնել պիտանի ու բնսիր անօթը (Բ. Տիմ. Բ. 21), որպէսզի երկու բն ալ իրարու յարմարած ըլլան ուս տեսակին:

Բայց՝ որպէսզի այսօրինակ ցանկութենէ մը տարուելով վկարծուիմթէ կ'ախտակրիմ Թէտաղացի Պեղիասին նիւտնութեամբը, — որ իր զառամած մարմնը Մեղիսի կը յանձնէր յօշոտերու համար՝ յուսալով որ իր ծերութիւնը մանկութեան պիտի կրնար փոխուիլ, — զառնանք մեր նիւթին, ու մէկողի իրելով անկարելի մտածութիւններ՝ կարելի՞ն միայն մեռք առնունք. վասնզի անհնար չէ որ բանական կենազանին ըլլայ միշտ ինչ որ կ'ուզէ ըլլալ. միայն թէ միաժամանակ չկրնար յանձնուիլ այն ներհակ ներզործութիւններուն, որոնց երկու բն ալ զօրութեամբ կա՞ն ու կը գտնուին մարդուն մէջ:

Այսպիսին՝ որ խոսումները իրեհւ առձեռն իրականութիւններ ողունել կը յուսալ, կը պարտի տեւականին ու նասատունին երկարել իր ձեռքը, այսինքն նետամշիլ այն բաներուն՝ որոնք կամ չեն նեռանար մարդէն. եւ կամ նեռանալէ երբն ալ կուզան եւ իրեն նետ կը զօրուին զարձեալ. ասոնք առաքինութիւններն են՝ որոնք մեր հոգիին ու մարմնին փառապսակը կը յօրինեն լնդամնապէս: Մինչզեռ մարդկալին միւս տրամադրութիւնները ժամանակաւոր են ու զիրար կը չզորքացնեն, առաքինութիւնը միշտ մէր մէջ կը

սիրէ տարրանալ : Արարին աշխափէս հաստատած է մեր բնութիւնը , որպէսզի բարեգործ ըլլանը ու աստածամէք , ու մեր անմնիշխանութեան կառարով արփարար յառաջ նետուինը՝ իրբեւ տեսարանի մը վրայ , Աստուծոյ երկիւղը իրբեւ արքայական կնիք զներով մեր սիրտերուն ու ծեռաբերուն , խորհուրդ ու գործ պատշաճեցնելով անոնց :

Գիշնանը ուրեմն , ի՞նչ բաներով ու անեցանը ինկանք մանուան գիրկը , նո՞յն բաներով վերսին գարծ ընել էլափի կեանըը : Յետոյ նաեւ շամանը խկազէս նմանիլ մշմարիս ու րաշ Հովուապէին , անոր պակաս Թողած չարչարանըը ամբողջացնելու համար մեր մարմինին վրայ , որպէսզի կարող ըլլանը համարձակ հրամայելու մեջի նետեւսղներուն . «նմանողը ինծ եղիշիք , որպէս եւ ես Քրիստոփի» . (Ա. Կորնթ. մ.մ. 1) . պէտք է Անո՞ր նման՝ պատուիրանապահութեան ժամրուն վրայ անոնց առջեւէն երթալ , ու սուլելու (արինգին) ծանր՝ որ է աւետարանական բարզութիւնը՝ հրաշեցնել անոնց ականջներուն . արածել զանոնք առողջ ու փրկարար խօսքերու մարգերուն մէջ . եւ մնուցաներով զանոնք նոգեւոր պատզամներու ջուրերուն մօ՛ հանգիստ տալ իրենց այն տեղոյն վրայ՝ ուր ծրաւիրուած ենք՝ այս ապոկանացու աշխարհէն դուրս . Երրորդութեան ուղիղ զաւանութիւնն ալ իրբեւ երեքպատիկ պարիսպ անոնց շուրջը կանգնելով : Հա՞րկ է կուոիլ նաեւ զազմներու յարձակումներուն դէմ , որպէս զի դէպ ի գժոխրի սահմանները չցրուին չթափթփուին ա՛մքան գեղեցկօրէն իրարու միաւերուած անգամները Քրիստոփի , այլ ամէ՞նքն ալ պատրաստուին մէկ զաւիթի ու բրիստուական մէկ զաւանի հօսն ըլլալու :

Բազմաթիւ ու ծանրակշխու իրերու մէջ ծաւլած անկարգութիւնն մը կը տեսնեմ , ո՞չ միայն ժողովրդականներու՝ այլ մանաւանդ ուխտի մանուկներու եւ եկեղեցւոյ առաջնորդներուն վրայ .

Մենք որ ունենալով մէկ լեզու եւ մէկ բարողիչ Ֆշարտութեան միեւնոյն մամրուն առաջնորդուեցանք , հիմա շատ մը հետքերէ ու շատիղներէ կը բալենք , չափազանց տարբեր ու պյածեր ցոյց տալով մեր վարքը եւ մեր առ Աստուած փառաբանութիւնները : Նոյն վնասները կրելով՝ ինչ որ հին պատմութեամբ ալ կը վկայուի՝ երբ կը պատերազմինք եղայր եղարօն՝ ընկեր ընկերին բաղար բաղարի եւ օրէնքի դէմ » (Ես. մ.թ. 2) . Երկրաւոր զարդումներու եւ առուտսորի առիթներով իրարու ննէս կը խօսալցինք , կը հաշուակցինք . բայց երբ խաղաղութեան Աստուծոյն մօս կը ժողովուինք՝ խաղաղութիւնը վմտուելու մասին կը շփոթինք . կը շմորինք . եւ իրարու հանդէպ աշխազէս կը վարուինք՝ իրը թէ օսաւազգի եւ ալլաեզր ըլլայինք , մէկը միւսին խուժ՝ ուրիշներ ալ ուրիշներու դուժ ըլլալով (Ա. Կորնթ. մ.թ. 11) :

Այդ լեռեցումնեն ետքի Ս. Դատախոսը շարունակեց :

Ճատ տպաւորիչ են այս խօսքերը՝ արտասանուած իմաստուն անձի մը կողմէ՝ որ ամբողջ ժողովին վրայ կը սաւասնէր իրեւ հզօր շունչ մը : Զեմ ծանրանար այն կէտին վրայ , որ մեր այժմու բարքերուն համար շատ համեստ չթուիր մէզի , կ'ուղեմ ակնարկել անձնագովութեան այն շեշտը , որը կրնայ սակայն մեղմանալ իր անկեղծ արտայացութիւններու սրտահաճայ անուշութեամբը : Զեր գնահատումին թողով նաև ամբողջ հատուածին գրական արժէքը , միայն գիտել կուտամ իր վերջին տուղերուն մէջ « մէկ լեզու » բացա-

տրութիւնը՝ իբրև համազօր «մեկ ազգ» բայցարութեան։ Սեպհական լեզուի մը գոյութիւնն ու կիրառումը՝ ազգայնութեան գաղափարի խարիսխն եղած էր մեր մէջ, ու ազգային եկեղեցիի մը ինքնուրոյն շնուրածքն ալ անոր վրայ բարձրացաւ Թարգմանչաց օրերէն սկսելով։ Այս հիման վրայ է նաև Օձնեցին ձեռնարկած բարեկարգութիւնը, ուր բարեպաշտութեան չափ կը չօշափուի ազգային միտումներու երկեղածութիւնը։

Այդ կանոններէն էկ քանիներով նա կոչում կ'ընէր սասանած՝ բայց ինքնիրեն ապրելու հրաւիրուած եկեղեցիի մը։ Մե՛ծ պատասխանատութիւն, եթէ այն ժողովուրդը՝ որուն կ'առաջնորդէր ինքն իր նախորդներէն ասրեր ուղղութեամբ մը՝ չկարենար այդ անջատ բարձրութեան վրայ ապահովել իր հոգեւոր կերանքը։ Կարծես Օձնեցին արհամարհելով ամէն ապագայ վասնդ՝ կ'ըսէր իր ժողովուրդին։
«Հո՛ս ես, և հո՛ս պէտք է միաս».

Թալով բարեկարգութեան հարցին՝ անցողակի ըսենք թէ այդ գաղափարը զանազան երևակներով կը դիտուի մեր մէջ։ Ոմանք կ'ընտրեն դէպի հինը երթալ, ու քիչեր միայն բարեկարգական գործը կը նկատեն իբր ապագայի ընդառաջում մը։ Պէտք է խստովանիլ որ եկեղեցական բարեկարգութեան մը ինքիրն ըստ ինքեան կը չըջէ մեր միտքը դէպի այն ճշմարտութիւնները՝ որոնք Աւետարանէն կուգան,

և Աւետարանի սպասաւորով Եկեղեցիով միայն կրնան յաւերժմանալ։ Սակայն՝ այս կարգի բարեկարգութեան փափաքող մը ի՞նչ սկզբունքներու ալ հետեւի՝ միջին մամբու գիծը կրնայ իբր ապահով շաւիդ ընտրել իրեն։ Ու այսպէս ըրաւ Օձնեցին։ Խոսելու ատեն մէկ կողմանէ աւելորդ խստակրօնութեան, և միւս կողմանէ թոյլ բարքերու ներհակութեանց մասին՝ կը գրէ։ «Ով որ կը ցանկայ այս երկու ծայրայեղութիւններէն հրամարիլ՝ պէտք է որ հետեւի միջին՝ արդարակ և անստերիւր համբէ մը»։

Անցնինք այժմ Օձնեցիի հաստատած կանոններուն։

Կուգենքը ընտրողաբար միայն ուշադրութեան առնուլ այն կանոնական բացատրութիւնները՝ որոնցմով Օձնեցի իմաստակը Հայրապետը «բարեկարգութեան և բարեգարգութեան» պատուէրներ կուտայ, զգուշաւորութիւններ կը հրամայէ եւ մնօրինութիւններ կ'ընէ ազգային և կեղցական աւեսակէտով։ Այդ բացատրութիւնները ամփափուած են Ա. — Ժէ հատուածներու մէջ։ Գժբախտաբար սակայն անոնց քանի մը մասները կը պակսին (ԺԱ. — ԺԴ հատուածք), գործին միան ձեռագիրէն թուղթ մը ինկած կամ փրցուած ըլլուրով։ Մեր նիւթէն գուրս թողլով ուրեմն՝ ժամանացութեան կամ սազմուերգութեան կարգի ու կանոնի վերաբերմամբ արուած խորհրդական մեկնութիւնները,

որոնց կարօտ չէ՝ անշուշտ ո՞չ Ս. Գիրքը
եւ ո՞չ ալ ժամագիրքը, միտ կը դնենք
կարեւորին: Բայնք սակայն անցողակի՝ թէ
մռկնութիւն մը կրնայ ըլլալ նիւրագրական
կամ բառացի, եւ ուղիղ հասկացողութեան
հիմք մը ունենալ իրեն, կրնայ ըլլալ նաեւ
աղաքանական՝ որը գրուածքին հոգին կ'ու-
զէ ցոյց տալ քան թանձր իրականութիւ-
նը, սակայն խորհրդական մեկնութիւնը
ընդհանրապէս կը բառնայ բնագիրէն՝ անոր
բնական նշանակութիւնը, ու շատ անգամ
ալ իրարէն անհունապէս հեռու իրերը կը
մերձեցնէ իրարու՝ սուրբ նկատուած թի-
ւերու կամայական խաղով մը:

Իբրեւ նմոյշ մէջ կը բերենք մեր Հե-
ղինակէն՝ շարթուան եօրն օրերու վրայ
տուած իր վերածական (anagogique) մէկ
բացարութիւնը՝ սա իմաստով (հատ-
ուած թ.):

«Հանդերձեալին մէջ երկու տեղեր կան,
կ'ըսէ Օճնեցի, մարդոց հոգիներուն հա-
մար սահմանուած: Անոնցմէ մին (Դժոխք)
շարթ ւան հինգ օրերով կը պահէ իր
նշանակութիւնը, վասն զի հինգ բառեր
կան՝ որոնցմով այդ տանջանքի տե-
ղը կ'որոշուի. հուր, արտասույն, իրանուն
(ատամանց), խաւար եւ որդի: Խակ միւս
տեղին համար (Արքայութիւն)՝ շարթուան
միւս երկու օրերը՝ Շարաթ եւ Կիրակի՝
կը նշանակեն Երկինքն ու Դրախտը: » Բա-
ցարութեանց Ա. և Յ. Հատուածները՝ իր-
ւեւ յառաջարանական մաս արդէն թարգ-

մանեցինք. մեր առաջնորդած նիւթին
համաձայն՝ յառաջ պիտի բերենք Գ-Թ-
հատուածներու մասին մեր ըսելիքները:

ա. Հատուած Գ. ՍԵՂԱՆ ԵՒ ԱՒԱԶԱՆ

Օջնեցին կը պահանջէ որ սեղան եւ ա-
ւազան «Քարեղէն եւ հաստատուն» ըլլան
միանդամայն: Բնդհակառակին ինչպէս
կ'երեւի՝ երկուքն ալ «փայտեղէն և շար-
ժական» էին մեր մէջ, թէ եւ ո՞չ ամե-
նուրեք: Նոյնիսկ մկրտութեան աւազա-
նը՝ պէտքի և պատահումի համաձայն՝ ո՞ր
և է ամանով ալ կրնար փոխանակուիլ:
Այս սովորութիւնները հին ու աւանդա-
կան համարելով՝ պնդողներ կային թէ
Քրիստոս սովորական սեղանի մը վրայ
կատարեց վերջին ընթրիքն ու Հաղորդու-
թեան Խորհուրդը. ու մկրտութեան եղա-
նակին համար ալ կ'առարկեին՝ թէ ըստ
վկայութեան պատմութեան (Գործք Ա-
ռաքելոց), առաքեալները Մկրտուրիւն
(նոյնպէս եւ Հաղորդուրիւն) տարբեր ձե-
ւերով եւ ըստ պատեհի կը կատարէին:
Բայս այսմ, կ'ըսէին նաև՝ թէ մեր Ս. Լու-
սաւորիչն իր հետք փայտեայ սեղան կը պը-
տըցնէր, եւ կը մկրտէր ջուրերու մօտ-
ուր որ հանդիպէր:

Օջնեցին աղայի ու տգէտի խօսքեր
կը համարի այս ամենը, և ինչ ինչ դիտու-
զութիւններով՝ հինը սիսալ ըմբռնելէն յա-
ռաջ գալիք անպատճութիւնները կը թուէ,

հաստատելով հանդերձ թէ կանոնական որոշումով՝ Առաքելոց յաջորդները փոփոխութիւնները մուծած են այս կամ այն սովորութեանց մէջ : Ինքն ի հաստատութիւն իր կարծիքն՝ որոշ կանոն ցոյց չի տար, եւ կը գոհանայ միայն գրելով. «Բոտ հրամանի եւ աւանդութեան երանելքացն մերոց հարանց» . ու պէտք կը զգայ յանձնարարելու. «Հետեւիլ բոլոր Քրիստոսականաց (ընդհանուր Եկեղեցին սովորութեան), և սեղան և առաջան քարելէն անշարժաբար յամենայն Եկեղեցին արձանացուցանել» : (Տե՛ս Օձնեցիի մասնաւոր կանոններուն մէջ ԺԱ. ԺԲ. ԺԳ. կանոնները) :

Յետոյ հարցասէրներուն գոհացում տառ նպատակով սեղանի ու առաջանի յարձար նիւթ կը նկատէ քարը, իբրև օրինակ անշարժութեան, ու մարգնարէտկան վկայութիւններ մէջ կը բերէ առ այդ :

Աւելարդ է ըսկէ՝ թէ բարեզարդութեան պահանջքն ինքնին արդա՛ր էր, և ապրակոյս չկայ որ Օձնեցիէն ուռաջ շատ տեղերու մէջ պէտք է փոխուած ըլլան րմբանումներն ու ճաշակները սեղանի կամ առաջանի շնուռածախթի վերաբերմանը :

Բ. Հատուած Գ. Եւ Ե.

ԽԱԶԻ ՁԷԹ. ՕԾՈՒՄԿԵՐ ՄԿՐՏՈՒԹԵԱՆ ԱՌԵՒԻ

Հինէն հասած սովորութեան մը համաձայն՝ ինչպէս կ'իրեւի՝ ուխտաւոր Հայ

քահանաներ Երուսաղէմէն իրենց հետ կը բերէն խաչի ձեր կոչուած օրհնուած իւղը, եւ միեւնոյն ամանին մէջ պահուած այդ ձէթը նորէն կ'օրհնէն, ամէն անդամ որ մկրտութիւն պատահէր, իբր թէ, ինչպէս սրամտօրէն կը գիտէ Օձնեցին, շատ անգամներ օրհնուելով աւելի չնորհք բերուէր իւղին վրայ, կամ թէ նոր օրհնութիւնով հինին չնորհը հանուէր ամանէն : Այդ խաչի ձերով քահանաները կ'օծէն ո՛չ միայն երախանները, մկրտեալներն, այլ եւ հիւմանդները, հկեղեցին, սեղաններն ու խաչերը : Օձնեցին հարկ կը համարի կարգագրութիւն մ'ընել՝ միեւնոյն իւղին ամեն բանի համար առհասարակ գործածութիւնը արգիլելու շամար, որպէս զի իւրաքանչիւր արարողութիւն իր յաստեկ իմաստը պահէ . ուստի եւ կը պատուիրէ նախ՝ երախային օծումն ընել մկրտութիւնէ առաջ, յետոյ մկրտութեան միջոցին՝ առաջանին օծումը տալ, եւ մկրտութիւնէ վերջն ալ որդեգրութեան օծում կատարել, որ է Դրումը :

Անդրադանալով իրերու այդ շփոթվիրակին՝ զոր չհամարձակիր յետսամուատ անկարգութեան մը արդիւնք նկատել՝ Օձնեցին ուրիշ բանաւոր պատճառներու կ'ուզէ վերագրել այդ ամէնը, մանաւանդ թէ՝ կ'ուզէ ըսկէ . եթէ մեր նախնիք ինչ դժուարութիւններէ արգիլուելով չը կրցան կարգի դնել այդ ամէնը, մենք իրեւ զաւակներ՝ որ կը սիրենի մեր հայրեր՝

պէտք ունինք անոնց անտեսածը հոգալու ,
բարեկարգութեան և բարեզարդութեան
հոգատակով :

Բատ այսմ կը պատուիրէ նաև որ մը՝
կըբառլ քահանան «Հրաժարիմք»ի առթիւ
կարեւոր հարցումներն ընկէ , Երրորդու-
թեան դաւանութիւնը առնելէ և երախա-
յի օծումը կատարելէ յետոյ՝ մզրտէ ե-
րախան , որպէս զի կերպով մը՝ չկրկնուի
պասկադրութեան ատեն տեղի ունեցած
այն անկարգութիւնը , ըստ որում փետա-
ցին լաթերը դնու չհազցուցած կը բազաւո-
րեցնեն զայն՝ աճապարանքով գլուխը պսակ
դնելով (Տես կանոն ԺԴ) :

Օձնեցին երախաներու վրայ կատար-
ուած կանոնին հեղինակութիւնը Երուսա-
ղէմի Կիւրեղ Եպիսկոպոսին ընծայելով՝
կ'աւելինէ նաև թէ սուրբ քաղաքին մէջ
ժողովրդանոցէն դուրս նախ երախաներու
կարգը մէծ պահքի օրերուն կատարելու
և Զատկի ճրագալոյցին ալ աւագանին օ-
ծումը տալու սովորութիւնը դադրած է
այլևս մանկամկրտութեան ընդհանրացման
հետեւանքով :

Հարկ չկայ դիտել տալու թէ Օձնեցին
կանոնած երախայուրեան օծումը մէր եկե-
զեցական սովորութեան մէջ գրեթէ մօւտ
չէ դած :

Իմաստամէր հայրապետը իր թ և Ժ
կանոններուն մէջ մասնաւորապէս կը ձշգէ
ձերի և իւղի օրհութեան և կիրարկումի
պարագաները Քահանան ի՞նք պիտի օրհնէ

ևրախային ու միրտեալին համար գործած-
ուած ձէթը , և պիտի չկրնայ ուրիշ բան
օծել անով (կանոն Ժ) , իսկ որդեգրու-
թեան օծումին (Դրոշմ) համար պիտի գոր-
ծածուի միայն անուշանու իւղը (միւռոն)
զոր աւագ Հինգչարթի օր՝ տարին մէկ
անգամ պիտի օրհնէ իւրաքանչիւր Եպիս-
կոպոս (ինչպէս և Հայրապետը) (*) ու Քա-
հանաները Եպիսկոպոսներէն պիտի առնեն
Միւռոնը , անով օծելու համար սեղան՝
եկեղեցի և խաչ (կանոն ԽԵ . ԽԲ) :

Օծումներու կարգին մէջ յիշենք նաև
Օձնեցիի դրած մասնաւոր կանոնը (ԺԱ) .
Հիւանդներու յատուկ ձէթին օրհնութեա-
նը նկատմամբ , զոր պիտի կատարէր քա-
հանան՝ պէտքին համաձայն : Այդ սովո-
րութիւնն ալ հիմ չգտաւ մեր մէջ , և
տակաւին Օձնեցիէն հինգ դար վերջը կոս-
տանդին կաթողիկոսի յանձնարարութիւնն
ալ՝ «Գիտէք զի Օձնեցին Յոհան , որ զա-
հալ է զինք յազգացդ , գրել է որ առնենք ,
և պարտ է առնեն , և արարէք ստու-
գիւ» եւն , և ասոնց նմանները՝ մնա-
ցին ու կը մնան առանց ո՛ր և է հետեւաքի:

գ. Հատուած Զ. Եւ կ. ՊՍԱԿԱԴՐՈՒԹԵԱՆ

Պակի արարողութեան մէջ Օձնեցի կը
դիտէ սնկարգութիւն մը՝ զոր սակայն
սովորութեամբ հիմնացեալ կը նկատէ : Ա-

(*) «Հայրապետի» անունով եղած յիշատակու-
թիւնը վերջամուտ ըլլալ կը թուի :

ասնց ժամու և աղօթքի , առանց օրհնուաթեան և Հաղորդութեան տեղի կ'ունենար պասկադրութիւնը՝ Եկեղեցիէն դուրս ո՛ր և է տեղ մը : Քահանան կը թողուք որ պլակի ուրիշի մը ձեռքով տարուի ու դրուի փեսային գլուխը , բան մը՝ որով ամուսնութեան պատուականութիւնը կ'արհամարհուէր : Բայց Հայրապեաը աւելի զարմանք կը յայտնէ մա՞նաւանդ . քահանային այն ընթացքի մասին՝ բատ որում նա փեսային «Թագաւորեցումը» ուամիկ ձեռքերու յանձնելով հանդերձ ներկայ է , երբ կերուխումի սեղանը կը պատրաստուի , ու թեւերն ալ կը տարածէ անոր վրայ : Իրաւամբ ուրեմն կ'այսանէ Օձնեցին ժողովուրդի բարոյական կեանքն անտեսող՝ բայց անոր նիւթական վիճակին օգտուող անարժան երէցները :

Պատկի վերաբերումը ցոյց տրուած այս անտարբերութիւնը կարելի ըլլալ մեկնել թերեւս Օձնեցիի ակնարկած հիմնացեալ սովորութեան չնորհիւ : Հին Հայութեան բարքերու այդ կողմը ազնուացնելու կամ խորհրդաւորելու համար կանոնական խոստութիւններն անհրաժեշտ էին : Նոյնը պէտք է ըսել նաեւ երկրորդ ամուսնութեանց առթիւ ի գործ դրուած անտեղութեանց մասին (Տես , կանոն մեւ Ժ.):

Պատկը մեր մէջ՝ գրեթէ Օձնեցիով բարձրացած կ'երեւի եկեղեցական խորհուրդի մը արժէքին , թէև կոյս ամուսնա-

ցողներու և այրի գուգուողներու միջեւ դրուած խտիրը կանուխէն քոյութիւնը ունեցած է : Առաջիններուն յատկացուած էր պասկը , իսկ երկրորդներուն ուոր միայն : Երկուքն ալ յաղթութեան նշաններ էին , և հաւանաբար՝ պասկին կէս մասն էր ուոր : Դիտելի է որ երկրորդ ամուսնութեան առթիւ օրհնուած առարկան իբրեւ նշան գուգաւորութեան կը յիշատակուի Օձնեցին , և այդ պարագային՝ պասկի գաղափարը գրեթէ կ'անուրանայ իր գրչին տակ՝ յայտնի զգուշացումով :

Դ. Հայուած Բ.

ԾԱՌՈՒԴ ԵՒ ՑԱՅՏԱՌՈՒԹԻՒՆ ՅՈՒՆՈՒԱՐ Ը ԻՆ

Կրկնակ այս տօնը միւնոյն օրուան մէջ խմբելու սովորութիւնը նախնական Եկեղեցիին ընդունուած և պահուած էր Հայոց Եկեղեցիին մէջ : Օձնեցին ցաւ կը յայտնէ որ այդ վայելուչ սովորութիւնը հէտո չթուիր ոմանց , ու կ'ուզեն միայն Ծննդեան տօն կատարել այդ օրը , և ընթերցուածի մը հրամանին կապուած՝ Յայտնութեան (Մկրտութեան) մասին ո՞ր և է յիշատակութիւն իսկ չհն ըներ Եկեղեցիին մէջ , այսինքն թէ՝ սահմանուած Ծննդերցուածը իբրեւ կանոն նկատելով՝ կը հակառակին անոր վրայ բան մ'աւելցնելու : Եալս՝ գիտել կուտայ Օձնեցին թէ հինէն ի վեր հատատուած այդ կրկնակ աօնախմբումի սովորական մէկ մասն էր

Ի՞լ. Սաղմոսը՝ զոր կը նուագէին իր «կը-
ցուրդ» ովք , ու մկրտութեան Աւետարան
ալ կարդալով՝ ջուրը կ'օրհնէին և միւռն-
թափ կ'ընէին («ձէթ արկանել»)։ Սակայն
և այնպէս՝ կ'երեւի որ օրուան արարո-
ղութեան այդ երկրորդ մասը քիչեր միայն
նկատողութեան կ'առնէին , վասն զի կը
գրէ Հայրապետը . «Այժմ ոչ է ամենեւին
ի բաց խափանեալ»։ Գուցէ ոմանք , ինչ-
պէս դիւրին է իր խօսքերէն ալ գուշա-
կել , վարդապետական կարեւորութիւն մը
չէին ընծայեր Տիրոջ մկրտութեան տօնա-
կան յիշատակութեանը (*) , ըստ որում
մէջ բերուած առարկութեան մը պատաս-
խանելով կ'ըսէ Օձնեցին . «Եթէ Փրկչին
մկրտութիւնը յիշելէն վնաս մը յառաջ
գար՝ Քրիստոս չէր մկրտուեր»։ Կ'աւելցնէ
նաև թէ Հայ վարդապետներու յօրինած
«Գեղեցկանուագ» կցուրդները հաւաս-
տիք մ'հն տօնին ա'յդ կերպ կարգադրու-
թեսնը :

Ինդրին նկատմամբ քիչ մը աւելի կը
լուսաբանէ զմեզ Օձնեցիի Ը. Կանոնը , ուր
կը պատուիրէ ա'յսպէս . «Ա'րժան է ի
Յայտնութեան աւուր» (անշուշտ Ծնունդն
Յայտնութեան աւուր :

(*) Թերեւս ա'յս կամ այն տեսութեանց հետ
որոնց մասին աւելորդ կը համարիմ խօսի՝ «խան-
գարիչ»ները կը ծանրանային նաև սա իրողութեան
վրայ՝ թէ Տիրոջ Մկրտութիւնը հաւատալիին
մաս մը չէր նկատուած Հաւատոյ Համբանակին
մէջ , ուր ա'յնքան կարեւորութեամբ շեշտուած էր
էր Յիսուսի Քրիստոսի Ֆեունդը եւայլն :

ալ հասկնալով մի և նոյն օրուան մէջ) ի
Մատթէոսի (Գ) գլուխն զՄկրտութեանն
կարգին ընթեռնուլ զԱւետարանն » . ու
յետոյ կ'աւելցնէ . «Յամենայն խակ Ութօ-
րէն պաշշաճ վարկանելմ ընդ Ծննդեան Ա-
ւետարանն խառնել զՄկրտութեան Աւետա-
րանն , զի որպէս տօնն հասարակաց է
է երկոյցուն , հասարակաբար պարտի լինել
կարգացմունքն և պաշտօն»։ Արդ՝ առա-
ջին օրուան համար անգամ զանցառութիւն
ընողներուն՝ դժուար չէ՞ր արդեօք ամբողջ
Ութօրէք մը զբաղուիլ Մկրտութեան ըն-
թերցուածներով ալ , ինչ որ պաշշաճ կը
կը համարէր Հայրապետը , Երուսաղիմա-
կան ուր Եկեղեցիներու յատկացուած կա-
նոնի մը հետեւելու նախանձախնդրու-
թեամբ : Այն «անբան յամառութիւն»՝
որուն դէմ կը մաքառէր Օձնեցին՝ իրա-
ւունք ունենալ կը կարծէր ուրեմն լնիրե-
ցուածի մը կապուած մնալով , նոյն խակ
Հայրապետին վկայութեան համաձայն :

Անցողակի յիշենք այս առթիւ որ Ծլ-
ևունդ և Մկրտութիւն Յունուար նին ի միա-
սին տօնելու սովորութիւնը՝ որը յատուկ
է Հայոց Եկեղեցին՝ երկար ժամանակնե-
րու համար խթքանքի եւ վիճարանու-
թեանց առիթ տուած է օտար Եկեղեցի-
ներու , ինչպէս գիտէք : Այսօր՝ սակայն
նորութիւն մը չէ լնքնին՝ եթէ յայտնենք
որ պատմական այն վկայութիւնները՝ ու-
րոնց լոյսին առջեւ աչք կը գոցէր երբեմն
Յոյն ու Լատին կղերը՝ իրենց վճռական

հանգամանքովը կը խօսին ի նպաստ Հայ Եկեղեցին, որ իր նմաններու մէջ ամենէն աւանդասպահն եղած է միշտ :

Է. Հառուած Թ. ՇԱԲԱԹ և ԿիրԱԿԻ

Մէծ պահքի Շաբաթ և Կիրակի օրերը տրամութեան և ապաշխարութեան օրեր չի նկատեր Օձնեցին, և կը հրամայէ «պատարագ մատուցանել» (Կանոն Զ.), նոյն այդ օրերու նշանակութիւնը պարզելով մեզի խորհրդական կամ վերածական մեկնութիւններով : Մէնք այս պարագան բացառաբար նկատի կ'առնունք, վասն զի հին սովորութեան կամ աւանդութեան մը վրայ հիմնուած է ան, որչափ ալ Օձնեցի տուած բացատրութիւնները մեծ կարեւորութիւն մը չունենան ըստ իմաստին : Արդ՝ շաբաթ երեկոյէն մինչեւ կիրակի երեկոյ հանգիստի սահմանուած ըլլալով, ինչպէս կը գրէ Օձնեցի, պէտք է միծարել այդ ժամանակամիջոցը պարկեշտ «բերանալութութեամբ», և ո՛չ թէ «որովայնամոլութեամբ» : ու կը հասաատէթէ «Առաջինքն մեր (մեր նախնիք) մինչեւ ցառաւոտ երկշաբաթւոյն ո՛չ լուծանէին զհանգստեանն կատ», այսինքն՝ կը շաբունակէին պահել կիրակիի հանգիստը մինչեւ երկուշաբթի առաւոտ (համեմատէ՛ լԱ. Կանոնը) : Բայց որովհետեւ ոմանք առելի խստակրօնութիւն ցուցադրելու տինչով շաբաթ և կիրակի օրերն ալ պահե-

ցողութեամբ կ'անցընէին՝ Օձնեցին իր է, կանոնին մէջ իւրաքանչիւրին կամքին թուզուց՝ պահել կամ ոչ . յայտարարելով որ՝ «Երկորին ընդունելի են առաջի Աստուծոյ և յաւանդութեան Եկեղեցւոյ Քրիստոսի» : Կամաւոր զրկանքը չկրցաւ յաղթել օրինաւոր վայելքին, ու տակաւին տասներորդ դարուն մէջ՝ հուսոմացած Նիկոն մը կ'ամբաստանէր Հայերն ըսելով . «Ի շաբաթս և ի կիրակին աղուհացիցն ուտեն զձու, զպանիր և զիւզ, և զայս առնէ կաթողիկոսն իւրեանց, և կայ առ նոսա կանոն ինչ որ ասէ . «Եթէ ոք զիւզն եւ զպանիրն և զձէթն ո՛չ համարեսցի միանաշակ ընդ զինւոյ և ընդ ձիթի, նզովեալ եղիցի» . Սակա այն որոշ կանոնն է որ գոյութիւն ունի Օձնեցի հայրապետին ընծայուած «Սակս ժողովացն որ եղեն ի Հայք» զրուածքի մը մէջ՝ որու մասին դալ անգամ պիտի խօսինք : ԺԲ. դարուն էր սակայն՝ որ Տաւուշեցի Յոհանն վրդ՝ վերջնականապէս պահանջ դրաւ Մէծ Պահքի շաբաթ և կիրակի օրերն ալ միւս օրերուն պէս պահօվ վճարել, առանց յարգելու նոյն իսկ իշխաններու և զինուորներու վիճակը՝ որոնց աստիճան մը աւելի սովորութիւն էր թողարառ գտնուիլ :

Մինչև ցարդ յառաջ բերուած կանոններու հիման վրայ՝ Հայոց Եկեղեցին սովորութիւնները պահպանելու, եթէ պականներ կան՝ լրացնելու, եթէ սխալ ըմբռանումներ սպրդած են՝ ուղղելու, եթէ

«խանդարիչ» ձեռքեր կան՝ զանոնք անգործութեան դատապարտելու նախանձայուղութեամբ՝ Օձնեցին որոշ հայեցակէտընտրած էր իրեն՝ ո՛չ թէ «հակածառութեամբ» ջրելու ինչ որ օրինական սովորութիւն մը չէր, այլ «կանոնական սահմանադրութեամբ»՝ միանդամ ընդ միշտ վերջ տալով արմատացած անկարգութեանց վայելուն ու օգտակարը երաշխաւորելու Հայ Եկեղեցին համար :

Ամստասէր Հայրապետը իր ամբողջ կանոնական կարգագրութեամսցը մէջ, ինչպէս տեսանք, ա՛յն ատեն միայն կը կոթնի ընդհանուր քրիստոնէութեան սովորութեանց վրայ, երբ խորապէս համողուածէ որ մի և նոյն բանը Հայ Եկեղեցին ալ սովորութիւնն էր կանխաւ. այսպէս՝ քարեղին սեղանի և աւազանի կարեւորութիւնը կը չեշտէ, «բոլոր քրիստոնականաց» համաձայն ընթանալու տեսակէտով (Հատուած Գ.) և իջ. Կանոնովը Յայտնութեան օրուան ջուրին օրհնութիւնը եւայլն սպատուիրելու առթիւ կը գրէ, «զի և աշխարհիս մերոյ մարդկան և ամենայն Քրիստոնէից աւանդութեամբ կալեալ է զայն» :

Պէտք է գիտնալ սակայն՝ որ յամենայն գէպս՝ ուր Հայ Եկեղեցին առանձնական գոյութեան հարցը կը ներկայանայ՝ անվեհներ ոգիով մը կը ծառանայ, ու կը թեւարկէ ա՛յն ինչ որ սեպհական կնիքն էր հոգեւոր այշ կեանքին, առանց տարուելու որ եւ է երկիւղած հայեցողութենէ :

Բատ այսմ Օձնեցիի գումարած ժողովը բարեկարգական կէտերէ զատ՝ նկատի առաւ ազգային - Եկեղեցական աւանդութեամսց պահպանութեան հոգը : Յունուար նի տօնի մասին խօսեցանք արդէն. ասոր հաւասար՝ կը պաշտպանուի նոյն ժողովի մէջ՝ «Սուրբ Աստուած»ը խաչեցարով երգելու սովորութիւնը, որ կարծուածին չափ նորամուտ չէր (Կանոն Ի.) :

Ամենէն աւելի սակայն՝ պէտք է ուշ զնել Օձնեցիի 8րդ կանոնին, ուր՝ Լուսաւորչի «առաքելաբար» հրամայած կարգերը առաւելակշիռ կը նկատուին քան ուրիշ Քրիստոնեայ ազգերու աւանդութիւնները : Այդ Կանոնի պարունակած երեք կէտերուն համաձայն՝ հարկ է որ. Ա) Պատարագի հացն անիմուր և գինին անսպակ ըլլայ, Բ) Օրհնուած աղով պատրաստուի մատաղը, և Վ) Ղեւտական շեղին նմանութեամբ՝ քահանական դասը «ազգաւ» (Ճառանգաբար) վայելէ Եկեղեցիի յատկացուած արդիւնքները : Կը հրամայուի այս ամենուն հանդէպ պատկառ կենալ, և չներմուծել ո՛րևէ նորաձեռութիւն :

Ինչպէս յայտնի է՝ այս երեքէն ինչ որ կը մնայ ցայսօր անխախտ ու անփոփոխ պատարագի ծխական սովորութիւնն է այն. իսկ միւսները տեղի տալով ժամանակի պահանջումներուն ուշ կամ կանուխ դադրեցան Հայ Եկեղեցիի մասնաւոր նըշաններն ըլլալէ . ըստ այսմ՝ մատաղը թէև կը պահէ տակաւին իր բարեպաշտիկ գո-

յութիւնը ուրեք ուրեք, բայց ա'լ կորուսած է իր նախնի հանդիսաւորութիւնն ու ծիսական կարևորութիւնը. նոյնպէս՝ կը թութեան փոքր ի շատէ ընդհանրացումն ալ չուտով քակեց ամռանաւոր յահանայիսան տումը հասարակ ժողովուրդէն բաժնող այն միջնորմը, որ կուսաւորչի օրերէն էր կանգնուած, ի չնորհուկս մեր հին քրմական դասակարգին՝ որ քրիստոնէական Եկեղեցին ծառայելու ատեն՝ չուզեց հրաժարիլ իր հին կազմակերպութեան անռական պայմաններէն:

Օձնեցինէն առաջ՝ հիւղանդական Եկեղեցին՝ որ այլ եւս ապահով կը կարծէր իր տիրապետումը Հայոց Եկեղեցին վրայ՝ Հերակլի և անոր յաջորդներու միջոցին, սկսու իր սնձութիւններուն աւելի լայն ընթացք մը տալ, յայտնի պահանջք դնելով որ Հայերը լքեն իրենց ա'յս կամ' այն Եկեղեցական սովորութիւնը: 692ին գումարուած Տրուդեան ժողովը հիմնական փոփոխութեանց կարօտ չորս գլխաւոր կէտեր կը մատնանշէր հանդիսաւորապէս, ու ըստ այնմ կը հրամայէր, ջուր խառնել պատարագի գինին մէջ (Կանոն 32). դադրեցնել մատաղը (Կանոն 99). չնչել ժառանգական յահանայութիւնը (Կանոն 33). արգիլել Մեծ Պահքի Շաբար և Կիրակի օրերը ձու և պանիր ուակելու սովորութիւնը (Կանոն 56): Այս ամենուն դէմ Իմաստամէրը վե՛ր բարձրացուց իր Եկեղեցին գիտակցութեան և հեռաւեսութեան դրօշը՝ որ յանուն կուսաւորչին կը ծածանէր:

Սիսալ մը պիտի ըլլար անշուշտ՝ եթէ Օձնեցին կատարած բարեկարգութեան գերը ուղէինք ամփոփել լոկ ծիսական արարողութիւններու հայեցողութեան մէջ: — Ո՞վ չկրնար հասկնալ որ ատո՞նց պահպանութեամբը միայն կարելի էր ապահովել Հայ Եկեղեցին ազատ կեանքն ու գոյութիւնը, ինչպէս Օձնեցին դար մը առաջ՝ Մովսէս Եղիշարդեցի Կաթողիկոսն ալ Յունական նոյն և նման պնդումներու հանդէպ յայտարարած էր սիրուն բառախաղով մը. «Զեմ անցնիր Ազատ գետէն, ո'չ փուռի հաց ուտելու՝ ո'չ ալ տաքցուցած գինի խմելու համար»:

Բայց հիմա գուրս գալով Դրւնայ Ժողովի և ծիսական իմադիրներու շրջանակէն՝ գալ անդամ պիտի հանդիպինք մեր Հայրապետին տարբեր հողի մը վրայ, շուրջ 726ին Մանագկերտ գումարուած ժողովին մէջ, ուր զինքը պիտի տեսնենք իր վարդապետական համոզումներուն այն ձգրիտու սնվերապահ դրոշմովը, որը տիրապէս համաձայն էր Հայ Եկեղեցիի յատուկ ըմբռնումին: Յետոյ աչքէ պիտի անցնենք իր «ԸՆԴԴՀԵՄ ԵՐԵՒԱՆԻԹԱԿԱՆԱՅ» կոչուած ճառը, ուր Օձնեցին գուցէ ալլափոխ կերպարանքով մը երեւի մեզի՝ երկուութեան կասկած մը ներչնչելով, կամ ինչպէս ըսինք՝ յարազի ու պահումանի հակապատկերը փորձուինք նշմարել ներքին մարդուն վրայ. — բայց չյուսահատինք:



Ե. Գ. Ա. Ս. Ա. Խ Օ Ս Ո Ւ Թ Ի Ի Ն

(Գւ. 30, Յուլիս, 1913)

Դասախոս. — ԱՄԵՆ. Տ. ԵՂԻՉԵ Ս. ԱՐՔԵՊՈՎ.
Դ Ո Ւ Բ Ե Ա Ն

Նիւթ. — Յովհանն Իմաստասէր Օձնեցի (Շաբ.)

Աչքի առջեւ պլիտի ունենանք այսօր
Օձնեցի Հայրապետին ընծայուած «Սակո
Ժողովոց որ եղին ի Հայք» գրուածը (Տև,
Գիրք թթոց էջ 220—233): Ատոր այլ և
այլ մասերէն կարեւորագոյնը այն պատ-
մական հատուածն է՝ ուր Մանազկերտի
Ժողովին այս կամ այն պարագաները կը
յիշատակուին, թէև համառօտ և ձապաղ
ձեւով: Այդ առթիւ Օձնեցիին վերադ-
րուած դաւանական գիր մը կը տրուի
մեղի, և Հայ - եկեղեցական որոշողու-
թիւններ ալ տեղի կ'ունենան՝ ինչպէս
պլիտի տեսնենք.

Ամբողջ այդ գրուածը ծայրէ ի ծայր
ուշադրութեամբ կարգացող մը՝ չեմ կար-
ծեր որ յաջողի գանել անոր մէջ միայար
գրութեան մը կազմը, ո՞չ ալ Օձնեցիին
գրչին սեպհական ոճն ու շարադրութիւ-
նը, ո՞րքան ալ քանի մը անդամներով
հանդիպի Հայրապետին անուան ինքնա-
գիր յիշատակութեանը՝ «Ես Յովհաննէս
Կաթողիկոս Հայոց» եւային: Շատ հաւա-
նական է որ աւելի կամ նուազ ժամանա-
կակից Հայ եկեղեցականի մը գործն ըլլայ:

այդ, նպատակ ունենալով Մանազկերտի
Ժողովին պատմական արժէքն ի վեր հա-
նելու, և ամփոփումն ու լուծումը տալու
քանի մը կրօնական ինդիքներու՝ որոնք
Օձնեցիի օրով յուզուեցան սաստկապէս:

Գրուածքին անվաւեր կամ կցկառուր
հանգամանքը սակայն՝ ի յառաջագունէ
հերքում մը չկրնար ըլլալ Օձնեցիի կա-
տարած յայտնի դերին. միայն թէ այդ ոչ
հարազատ գրչին չնորհիւ՝ քիչ մը չափա-
զանց բուռն ճարճատումներով հրահրուած
կը գանենք այն ողին՝ որուն ա'յնքան
պատկառելի մարմնացումն եղաւ Օձնեցին:

Իմաստասէր Հայրապետը՝ իբրև բարձր
հեղինակութիւն՝ «Որ զմեզ զատեալ է
յազգացգ» ինքնին բարեկամ չէր Քաղկե-
դանական ձգտումներու, և ուրիշ կերպ
ալ չէր կրնար ըլլալ: Իր նախազահած
Դընայ Ժողովին իթ կանոնին մէջ Հայ
քաղկեդանականները իբրև հերձուածողներ
կը մատնանշուին. նոյն անունով կը յոր-
ջորջուին նաև «Սակո Ժողովոց» ին մէջ:
Այդ հերձուածը աղդային - եկեղեցական
տեսակէտով վտանգ մըն էր՝ զոր իմաս-
տասէրը ջանաց վանել իր բոլոր ուժովը:

Մանազկերտի Ժողովով հանդերձուած
միութիւնն ալ՝ որուն կը ցանկար Օձնեցի
Հայրապետը՝ արևմտական ազդեցութեան
գէմ ժումբ մը կանգնելէ զատ, պլիտի կա-
սեցընէր այն աղմանդաւոր հոսանքները՝
որոնք Հայ եկեղեցիին գաւիթը կ'սպառ-
նային ողողել մէկ օրէն միւսը:

« Սակա Ժողովոց » գրութեան համաձայն՝ Յովհաննէս Կաթողիկոս (08նեցի) ժողով կը գումարէ Մանազկերտի մէջ Հայոց Ճշն (—726) թուականին Տրէ ամոռւ եօթներորդ օրը : Բաւական օրեր կը տեսն ժողովին նիստերը : Ներկայ են Հայոց աշխարհի բալոր եպիսկոպոսները, որոնցմէ եօթը միայն կը յիշուին յանուանէ : Ժողովին կը մասնակցին Անտիռքայ Յակոբիկ Ասորիներու Պատրիարքին կողմէ զրկուած վեց եպիսկոպոսներ (յանուանէ յիշատակուած), համաձայնութիւն մը կայացնելու համար երկու Եկեղեցիներու միջեւ, եւ դաւանական գիր մը կը խմբագրէ 08նեցի :

Յաջողութիւնը կատարեալ կ'ըլլայ, և Ասորի եպիսկոպոսները իրենց « բարիլնկալ համառութիւնն » յայտնելով՝ կը դառնան իրենց աշխարհն :

Այս ցամաք տեղեկութիւնէն դուրս կը մնան պատմական այնպիսի մանրամասնութիւններ՝ զորս յառաջ պիտի բերենք Միայէլ Ասորի Պատրիարքին (Ժ. դար) ընդարձակ երկասիրութեան Ֆրանսերէն թարգմանութիւնէն օգտառելով (1) :

(1) Միայէլ Ասորիի զարձը թէկ Ժ. դարէն թարգմանուած է մեր մէջ Վարդան վարդապետի ծեռամբ, և երկիցս հրատարակուած երուազէմի Ա. Յակոբեանց տպարանէն, բայց բուն երկասիրութեան հաջի մէկ երրորդ մասն բլազով՝ համառուած և հետեւաբար դուրս թողրւած են անկէ Մանազկերտի ժողովին վերաբերեալ կարեւոր պարագաներ :

Բակէնք կանխաւ՝ որ սխալ հասկացութեան արդի՛ւնք է երկար ատեն ոմանց մէջ ախրող այն կարծիքը թէ Մանազկերտի ժողովը գումարողն եղած ըլլայ Յովհան վարդապետ մը (Տիկորեցի կամ Մանազկերոցի), կամ նոյն իսկ Յովհան Մայրագոմեցին : Այս երկու համանուն վարդապետներէն առաջինին վերագրուածը պարզ ենթագրութիւն մըն է (1), իսկ երկրորդին համար պատմուածին ալ աղբիւրն է Յունաց Փոտ Պատրիարքի առջաքարիա կամ Միայէլիկոս զրած թուղթը (862 ին), ուր մէջ բերուած աղբային-եկեղեցական տեղեկութիւնները հաւանաբար կը պարտինք Նիկիոյ Հայազգի Վահան եպիսկոպոսին, որ իր գիտութեան և կրօնական հայեացքներուն համաձայն՝ կեղակարձ իրողութիւններ թելադրած կ'երեւի իր յոյն Մհծաւորին :

Արդ՝ ըստ Միխայէլ պատմչի՝ 08նեցի Հայրապետն ու Ասորի Յակորիկներու Պատրիարքը՝ Աթանաս՝ (720—740) կը համաձայնին ժողով մը գումարելու Մանազկերտի մէջ՝ Շարժառափթն այն էր որ չարախոս եկեղեցականներ հայ և ասորի Եկեղեցիներու միջեւ որոնեն սկսած էին

(1) Տիկորեցիի մասին սա՛ միայն զիտենք թէ բանադրուեցաւ 08նեցի Հայրապետէն Վաղարշապատ գումարուած ժողովի մը մէջ (724 ին), ինչպէս կը վկայէ Սարկաւագ վարդապետ . սակայն պատճառը կը մնայ անծանւթ :

ցանել, մէկ կողմէ՝ ամբաստանելով Ասուրիները Հայոց մօտ թէ « Տիրոջ մարմինը ապականացու կը համարին » , միւս կողմէ՝ Ասորւոց կ'ըսէին Հայերուն համար թէ « Յուլիանիտ են » , այսինքն՝ Յուլիանոս Աղիկառնացիի վարդապետութեամն հետեւողներ : Երկու Եկեղեցիներուն պետերը քննեցին կարեւորը , և Մանազկերտի Ժողովին մէջ վերջնական հասկցողութեան գալով՝ երկու կողմերն ալ ստորագրեցին ժողովական գիր մը : Միխայէլ պատմէը « Սակա Ժողովոց » ով մեզի ծանօթ վեց ասորի եպիսկոպոսները յիշելով հանդերձ հայ եպիսկոպոսներն ալ կը միշտակէ , մեր գիտցած եօթնին վրայ աւելցնելով յանձնելու յորս ժողովական Հայրեր ալ , որնց մէջ կը գտնուի նաև ԽՈՍՌՈՎ Վարդապետն Հայոց , որու մասին պիտի խօսինք մեր վերջին դասին մէջ :

Ասորւոց կողմէ Ժողովին գումարուսէն առաջ ներկայացուած հաւատոյ դաւանագիրը համաձայնութեան իբրեւ հիմ կը նկատուի , ու Հայերն ալ իրենց խոստովանութիւնը գրի առնելով՝ կը յանձնին Ասորւոց : Սոյն ալս գիրն իր ամբողջութեամբը կը գտնենք Միխայէլի ընդարձակ բնագրին մէջ , դաւանաբանական ոճի կատարեալ յօրինուածութեամբ , իբրեւ ընդլայնումը « Մի բնութիւն Բանին մարմնացելոյց » բանաձեւին : Բնդհակառակը՝ « Սակա Ժողովոց » ի մէջ գտնուած հաւատոյ սահմանը Ասորւոց մեզի ներկայացուցածը չէ

(իբրեւ փոխանակուած գրութիւն) , այլ տարրեր բան մը՝ զոր իբր թէ կը խմբագրէ Օձնեցին՝ սա եղբակացութեան գալով . « Միութիւն խոստովաննելով աստուածութեանն եւ մարդկութեանն անսպական: սրար » :

Կարեւոր է յիշել նաև որ՝ ըստ Միխայէլի՝ նոյն Ժողովին մէջ գրի առնուած են տասը նոյնիներ , որոնց մասին « Սակս Ժողովոց » ը ակնարկութիւն մ'անգամ չունի . բայց բարեբախտաբար հայ ձեռագիրներու մէջ պահուած են անոնք , գրեթէ ոչինչ տարրերութեամբ ասորական խմբագրութեանէն :

Կը խորհիմ . ինչո՞վ կարելի պիտի ըլլար « Սակս Ժողովոց » ի նման ջախջախ ու անխընամ գրուածէ մը զգուշաւորութեամբ վրկել գէթ Մանազկերտի Ժողովին պատմական գոյութիւնը , եթէ օտար հեղինակութիւն մը օգնութեան չհամնէր այդ գրաւոր խլեակը ձեռք բերել տալու համար :

Այս պարագան կարծել կուտայ մեզի թէ Ասորւոց Եպիսկոպոսներուն մեկնումէն վերջ՝ Ժողովին խորհրդակցութեան առարկայ եղած մէկ քանի խնդիրներն ալ իրենց նշանակութիւնը պիտի կրնան պահել , իբրեւ ժամանակի որոշ պահանջումներ , որոնց նմաններովը արդէն զբաղուած տեսանք Օձնեցի Հայրապետը :

Ատոնց մէջ առաջին տեղը գրաւած է՝ ըստ « Սակս Ժողովոց » ին՝ Հաղորդութեան հացին անիւմոր և գինիին անապակ ըլլարու

պայմանը, ըստ որում Օձնեցի կը վճռէ.
«Զիմոր և զջուր յայսինետք արտաքս ըն-
կեցուք ի սուրբ և ի կենսատու խորհըր-
դոյն»։ բան մը՝ որուն աւանդական կի-
րարկումը տարիներ առաջ Դըւնայ ժողո-
վին մէջ ինքն իսկ կանոնադրած էր ար-
դէն, որով և յայսինետքն կը մնայ ասկաժա-
ման ըստ էութեանն։

Նկատողութեան կ'առնուի գարձեալ՝
աղունացքի Շարար և Կիրակի օրերը պա-
հեցողութիւն չընելու թոյլտուութիւնը,
միայն թէ այս անգամ՝ ի չնորհուկս «Զօ-
շոտաց և որովայնամոլից», որպէսզի կարե-
լի ըլլայ հնագանդ պահել ժողովուրդին
անհաւան մասը։ Տեսանք արդէն թէ Օձ-
նեցի իր կամքն յայտնած է այս խնդրի
մասին ալ։

Ուրիշ նոր հարց մ'ալ կը յուղուի ժո-
ղովի նախագահին կողմէ, ա'յն է՝ Աւագ
Հինգշարթիի Հաղորդութենէն զրկել հա-
սարակ ժողովուրդը, և միայն քահանա-
յական դասուն յատկացնել օրուան տէ-
րունական ընթրիքին մասնակցութիւնը։
Իր պատճառաբանութիւններն են. Որով-
հետև նոյն օրուան մէջ՝ ասկաւին երա-
խայի հանգամանքով է ժողովուրդը իրեւ
ապաշխարող, և ընդունած չէ Յարութեան
աւետիսը՝ որ ապաշխարողներուն իսկական
հրաւերն է մերձենալու համար զատկական
ձաշակումին, և որովհետեւ հին օրէնքի
մէջ Յորելեանի մը լրումովը միայն կրնար
երաշխաւորուիլ ծառաներու ազատագ-.

րումն ու պարտքերու ջնջումը, նորին
մէջ ալ՝ Մեծ Պահոյ ժամանակամիջոցի ա-
ւարտումովը միայն կարելի պիտի ըլլար
ձեռք քերել մեղքի կապանքներէ արձակ-
ուելու և հաղորդուելու իրաւունքը։ Եւ
գարձեալ՝ որովհետեւ Աւագ Հինգշարթին
Քրիստոսի մարմնոյ և արեան նուիրումին
յատկացուած օրն է՝ ուր Ինքն ու իրեն-
ները միայն ձաշակեցին այդ Ընթրիքէն,
մինչդեռ միւս հաւասացեալները չմաս-
նակցեցան այդ խորհուրդին, հա՛րկ է որ
աշխարհական դասն ալ այն օրը չհազոր-
դուի, այլ միայն քահանաները։ Նոյն օրը
քահանաներուն պարտականութիւնն է
նաև «Ի թարգմանութեան նստիլ», այսին-
քըն քարոզել, և դէպի լուսեղին առա-
գասսն հրաւիրել իրենց հօտը, և «Ար-
քունական դուռնէն» մտցնել՝ ըսելով։
«Այս գուան Տեսան է և արդարք մտա-
նեն ընդ սա» (Սակմ. ձժի. համար 20)։

«Սակս Ժողովոյց» ով Օձնեցին կուտայ
նաև սա խիստ պատուէքները։ «Մեծ մնջք
է կիրակին իրեւ Ուրբաթ պահել. Չորեք-
շարթի և Ուրբաթ օրերը Մարտիրոսաց
յիշատակ կատարել. Ծնունդը Յայտնու-
թենէ առաջ տօնելց եւուզն։

Արդ՝ առանց այլ եւս ծանրանալու
ծանօթ գրուածին անհարազատութեան
վրայ՝ կը համարձակինք ըսել թէ անոր մէջ
չենք գտներ որ եւ է վարդապետութիւն
կամ կանոն որ էապէս անհամաձայն ըլլայ
Օձնեցիի եկեղեցական համոզումներուն։

միայն թէ՝ հմաստասէր հայրապետին ո՛չ
չքնաղ գերին եւ ո՛չ ալ մեծանձն ոգիին
հետ կրնանք հաշտեցնել Քաղկեդոնական
սովորութեանց ու տեսութեանց հակառակ
ջղայնօրէն բռնած յարձակողական այն
գիրքը՝ զոր անոր կ'ուզէ տալ «Սակս Ժո-
դովոց»ի աններող գրիչը :

Մենք այդպիսի անձնաւորութեան մը
հետ չէր որ գործ ունեցանք՝ Դըւնայ Ժո-
դովին գործառութիւնները աչքէ անցը-
նելու ատեն :

Գանք այժմ «Ընդդէմ Երեւութակա-
նաց» ճառին՝ որ Օձնեցին գործն է, եւ
ուր՝ ինչպէս ըսկնք կանխաւ՝ տար-
բեր հայեցողութիւններու մարդը պիտի
գտնենք վարդապէտական տեսակէտով,՝
ո՞րքան ալ անոնք հիմնապէս հակառակ
չնկատուին մինչև յարդ ուղղակի իր-
մով կամ անուղղակի ուրիշներով մեր
տեսածին :

Իրողութիւնը այն է սակայն՝ որ մեր
կեկեղցական պատմութեան մէջ՝ Օձնեցի-
էն զատ ո՛չ մէկն երեցած է երկու ներհակ
ծայրերու վրայ միանգամայն : «Սակս Ժո-
դովոց»ի բախտաւոր գրիչը արիւնով ու
ծիղով Օձնեցի մը շինած՝ մէկ անդամով
յանձնած է զայն ապագայ սերունդնե-
րուն, որոնք նոյն դիմագիծի մարդը պաշ-
տած են այդ պատկերին վրայ, և բո՛ւն
Օձնեցին իր ա'յնքան կարեւոր գրուած-
ներովը չէ յաջողած գէթ ճշգրիտ վերհ-
պումներ մը տալու այդ նկարին : Շատե-

րու համար հակաքաղկեդոնական ըմբիչ
մըն էր ան՝ Հայոց Եկեղեցին պաշտպա-
նութեանը խելալեղօրէն նուիրած, քիչե-
րու համար ալ գուցէ՝ ծածուկ համակիր
մը քաղկեդոնականնութեան՝ իր Իմաստա-
սէրի անկախ տրամադրութիւններուն մէջ,
անպէս որ՝ ասկէ տարիներ առաջ երբ
հրատարակուեցաւ Խոսրովիկ թարգմանչի
(*) գրուածներուն Ա. մասը միայն, ուր
Եկեղեցական բարձրաստիճան անձնաւո-
րութիւն մը կը գատափետուի իբրև թիւր՝
յեղյեղովի բարի Տէր մարդ մը՝ Քաղիերո-
նական միտերէ Տարուած, գտնուեցան Ծուրջ
բանասէրներ՝ որ այդ ամենը Օձնեցիի
հասցէին ուղղուած նկատեցին, անշուշտ
Քեղյում Երեւուրականաց ճառին հեղինակը
աչքի առջև բերելով :

Ցիշնք նախ որ այդ ճառին ծագումը
բաւական խորհրդաւոր է ինքնին : Օձնե-
ցիի այդ գործը՝ 450 տարիներ վերջ՝ միակ
օրինակով մը պահուած կը մնար Ծնորհալի
Հայրապէտին եղրօրը և նախորդին Գրի-
գորիս Գ. Կաթողիկոսի գիրքերուն մէջ՝
հետեւեալ յիշատակարանով . «Ես Գրիգո-
րիս . . . ձայնալից Եմ այսմ խոստովանու-
թեան և աւանդման, և որք այլապէս դա-
ւանին և նորաձեւս առնեն . . . (նզով) » :
Ծնորհալի իր Ա. բանակցութեան միջոցին

(*) Մանագլերտի Ժողովին մէջ ներկայ եղող
Խոսրով Վարդապէտը՝ զոր թիւ առաջ յիշեցինը
և որ երբիմն կը կօջուի նաև Խոսրով Հոեսոր :

զոր ունեցաւ Թէորիանէի հետ՝ առաջին անգամ մէջտեղ բերաւ այդ ճառը՝ ըսկլով. «Քեզի բան մը պիտի յայտնեամ որ ո՛չ ո՞ի ծամօր և մինչեւ այօօ : Մեր Կաթողիկոսներէն մէկը՝ Յովհաննէս՝ որ արտաքին գիտութեանց ու փիլիսոփայական ուսումներու մէջ նշանաւոր հանդիսացած էր և սուրբի պատիւ ալ կը վայելէ մեր մէջ՝ իր բովանդակ կեանքին մէջ միարնակեռու դիմ (*). Կռուեցաւ . . . եթէ կ'ուզես՝ քիչ մը կարդա՞նք այդ ճառէն, որպէս զի. առւեծը իր եղունգէն ճանչնաս», եւն.։ Մի՛ կասկածիք թէ ի՞նչպէս վարդապետօրէն ա՛յնքան նշանակելի գրուած մը չորս հինգ դարերով անծանօթ կը մնայ մեր եկեղեցական հայրերէն, ու Հռոմեայի մէջ կը գտնուի միան :— Հասկնալի պատճառներ կան՝ որոնց վրայ չենք ուզեր ծանրանալ, ու միայն կը բաւականանք դիտել տալով որ մեր հին գրականութեան մէջ ուրիշ ո՛չ նուազ կարեւոր գործերու ալ ճակատագրուած է միեւնոյն ցաւագին երեւոյթը :

Նկատողութեան առնենք ուրեմն «Ընդդէմ երեւութականաց» վիճարանական գրուածին կարեւոր կէտերը՝ որոնք տի-

(*) Ցոյն բնագիրն ունի «Ընդդէմ միաբնակաց» փոխանակ «Ընդդէմ երեւութականաց» իտարբերութիւնը մեծ է. սակայն Թէորիանէի գործին եկած կ'երեւու այդպէս թարգմանել, Հայոց Եկեղեցի վարդապետութեան դէմ դարձնելու համար այդ զինքը յանուն Օձնեցիրն .

րապէս նպատակ ունին երեւութական աշդանդաւորի մը կարծիքները ջրելու, եւ այդ առթիւ աւելորդ պիտի չըլլայ վեր հանել այն բացարութիւնները՝ որոնք պիտի չսպասուէին գէթ մեր ճանչցած Օձնեցիէն :

Օձնեցիի երեւութական հակառակորդը չայ Վարդապետ մըն է, եւ կը պատկանի դպրոցի մը՝ կամ «արուեստարան» ի մը, ինչպէս կը գրէ Օձնեցի (Էջ 64), որ գույութիւն ունէր նոյն ատեն ա՛յս կամ այն կողմը մեր աշխարհին : Յամենայն դէպս Յոհան Մայրագոնցին չէր կրնար ըլլալ այդ աղանդաւորը, վասն զի կանուխ թուականի մը մէջ մեռած էր արդէն. եւ չկարծուիր ալ՝ որ երեւութական մը եղած ըլլայ Եզրէն հալածուած «Փիլիսոփայ» վարդապետը :

Արդ՝ Օձնեցիի հակառակորդին ըսածները՝ որոնք ծառին մէջըերումներովը միայն կը գրուին մեր առջեւ՝ կ'արտայայտեն աղանդաւոր միտքեր, եւ կը հեռանան այն գծուած ուզիէն՝ որուն կը հետեւէր Հայոց Եկեղեցին, չուզելով տարուիլ ո՛ր եւ է հոսանքէ կամ կասկածելի հեղինակութենէ, ո՛րքան ալ մեծ ու բարձր ըլլար անյաչս ուրիշներու :

Պայքարը սաստիկ է. եւ մեր Երեւութական աղանդաւորի ամէն գոյներով կը բարեկայացուի. իր «Օձի լեզուին» չորհիւ մերթ Արիոս կամ Եւտիքէս կ'ըլլայ, մերթ Ասպել կամ Յուլիանոս, մերթ Մանիի կամ

Մարկիոնի ձագ, եւ մերթ՝ նոյն լսկ «անաստուած» մը : Այս խառասրութեամբ է որ յարձակում կը կրէ նա Օձնեցիէն, մինչեւ որ ապալանութեան կամ անապականութեան հարցին կը մօտեցուի, ուր սակայն Օձնեցին՝ կարծես այլ եւս յոզնածկամ ստրջացած՝ ծայրագոյն զսպումով մը ոմի անօրինակ հանդարտութեամբ եւ լեզուի յստակութեամբ շարունակելով տասնէ աւելի էջեր, կը վերջացնէ իր ճառք դիմանական դարձուածով մը ու աղօթքով : Ի՞նչպէս մեկնել դիտուած այս յանկարծական փոփոխումը . — Կարելի՞ է ըստել արդեօք թէ դիտաշունչ փոթորիկի մը դիմադրելէ և ամէն ալիք խորտակելէ վերջ՝ ապահով նաւահանգիստին մօտեցող նաւալարի մը պէս ա՛լ անխոռով կ'երեւի Օձնեցին, կամ թէ՝ այդ վերջին հարցի լուծումին հանդէպ ինքզինքը քիչ մը մինա՞կ կը գտնէր արդեօք, ու կ'զգուշանար իր հօտին մէջ գրեթէ ընդհանրացած գաղափարի մը դէմ ծանրապէս ընդհարելէ :

Երեւուրականաց ճառին աղանդաւորը, ուրիշ երեւութականներու պէս «մի բնութիւն» դաւանելով Քրիստոսի վրայ՝ ջատագով կը կանգնէր չարաշար սխալներու : Աստուածային բնութիւնը միայն նկատի ունենալով՝ մարդկային բնութեան կարեւուրութիւնն ու նոյնիսկ գոյութիւնը ուրանաւու չափ յառաջ կ'երթար, հակառակելով ուղղափառ վարդապետութեան՝ որ Քրիստոսի անօրէնութիւնները իրական կը գա-

ւանէր և ո՛չ երեւութական կամ առ աշօք : Այս գլխաւոր մոլորութիւններուն դէմ իր պատասխաններն ու հերքումները կուտայ Օձնեցին, ինչպէս որ կը պահանջէր նիւթին պաշտպանողականը : Եւ որովհետեւ մեր երեւութականը իր հասկցած «մի բնութիւն» բանաձեւին բոլորովին հակառակ կը գտնէր «երկու բնութիւն»ը, Օձնեցին առաջինին վերաբերմամբ իր բացարութիւնները տալէ վերջ՝ երկրորդին ալ ի նպաստ կը դնէ իր թեւարկութիւնը զօրաւոր չափերով : Միայն՝ ինչպէս կ'երեւի, վէճին սաստկութիւննեն տարուած՝ երբ դիտել կուտայ մէկ կողմանէ թէ «մի բնութիւն»ը հոյլ մը աղանդաւորներ յանդգնեցուցած է չարափառութեան մէջ գլորելու, կը մոռնայ միւս կողմանէ վրայ բներելու՝ թէ «երկու բնութիւն» անունին տակ ալ զօրաւոր աղանդաւորութիւն մը խոռվեց ամբողջ աշխարհներ : Բայց այս լուսութիւնը կամաւթէ ակամայ՝ թերեւս մեկնուի անո՛վ որ Օձնեցին պիտի չուզէր նիւթէն չեղիլ, մանաւանդ որ առանց Քաղկեդոնի ժողովին ակնարկ մ'ակ ընելու՝ հին Հայրերու վկայութեամբ կը չանար հաստատել այդ բացարութեան ուղղափառութիւնը : Հա՛րկէ ընդունիլ սակայն՝ որ լեզուական չփոթութիւնը կա՛ր ու կը մնար, ցորչափ ընուրիւն բառը առաջին վայրկեանէն՝ այսինքն Եփկիոյ հանդանակին մեր մէջ թարգմանուելու օրէն՝ աստուածային եռիրին,

զոյուրիւն նշանակութիւն առած էր. և հետ-
դինակաւոր հին Հայ վարդապետներ (^{*})
«մի բնութիւն» ըսելով՝ ընդհանրապէս
կը հասկնացին աստուածայինը, թէև ոչ մո-
լար մտածութեամբ: Աւելորդ չըլլար յի-
շել՝ որ Յոյներն անգամ ստէպ կը բաղխէին
այդ օրինակ դժուարութեանց: Նշանա-
կալից չէ՞ք գտներ սա մանրադէպը. — Երբ
Ա. Աթանաս աքսորէն վերադարձաւ, իր
մօտ կանչեց ուղղափառ եպիսկոպոսները:
Այդ մէջցին վէճ մը ծագեցաւ մէջերնին՝
յունարէն հիւպատոսին (եռորիւն՝ յետոյ ալ
անձնաւորութիւն) բառին շուրջը. անոնցմէ
ումանք Աստուծոյ մէջ մէկ «հիւպատոսիս»
կ'ընդունէին. ուրիշներ ալ՝ երեք: Կարծի-
քի այս խորունկ անհամաձայնութիւնը
տեսնելով, և այն՝ ուղղափառ եպիսկո-
պոսներու միջն՝ Ա. Աթանաս ըստու. «Բա-
ռերնիդ տարբեր է, բայց ըստնիդ մէկ
ճամրաց կ'ելլէ. կրնաք հաշտուիլ: Եպիս-
կոպոսները համբուրուեցան, և կոիւր
վերջացաւ»: Երանի՛ թէ նոյնչափ դիւրին
ըլլար խօսք հասկցնել ու է աղանդաւո-
րի, որ դժբախտաբար ամէն բանէ առաջ
եկեղեցին հեղինակութեանը դէմ կը զին-
ուի մէր երեւուրակնեխն պէս, որ «Յու-
նաց գիտունները» քամահելով հանդերձ:

(*) «Մի բնութիւն Բանին աստուածութիւնն է»
Սովորս Քերպողահայր (Տես, Գիրը Թղթոց, Էջ
27). — «Զի (մի) բնութիւն Բանին աստուածու-
թիւնն է»: **Յովհաննէս Խալիսկոպոսապետ**
Հայոց. (Նոյն, Էջ 33).

մեր հին թարգմանիչներուն համար ալ կը
գրէր. «Աստուածափրութեան և միանգա-
ման ուսումնասփրութեան ցանկութենէն
բանուած՝ ի՞նչ գիրքերու որ հանդիպե-
ցան՝ թարգմանեցին ու բերին»: Առ այս
կ'արժէ տեսնել թէ Օձնեցին ի՞նչ խան-
դաղատանքով կը փարի Սահակի, Մաշ-
տոցի, Եղինակի և մած իմաստանէր Տէր
Մովսէսի անձններուն, և դառն հեղնու-
թեամբ կը խարազանէ հակառակորդին
դիրքն ու գերը:

Օձնեցիի կշտամբած աղանդաւորները
Ս. Գիրքէն համարներ ալ կը համարձա-
կէին ջնջել՝ եթէ իրենց կարծիքին հակա-
ռակ՝ Քրիստոսի մարդկացին կիրքերն յի-
շեցնող տողերու հանդիպէին, ու կ'ըսէին.
Ոլրունացան մշակներուն սերմանածն է
ատ»: Զինք ուզեր աւելի քրքրել այս
պարագան. մեզի կը թուի թէ Օձնեցին
կ'արկնարկէ՛ ի մասնաւորի Դուկասու Աւե-
տարանին իլլ. 43—44 համարներուն՝ ո-
րոնց մասին Մայրագոմեցին ալ ամբաս-
տանուած է Քոթենաւորէն. . . Սակայն
խնդիրը աստուածաբանական ըլլալէ աւելի
բանասիրական էր, քանի որ այդ յիշուած
համարները ո՛չ միայն բաղմաթիւ Հայ ձե-
ռագիրներու՝ այլ և օտարակեզու բնագիր-
ներէ ումանց մէջ ալ կը պակսէին շատ կո-
նուխէն:

Քիչ մ'ալ ապականութեան կամ անա-
պականութեան հարցին վրայ խօսինք, ու-
որւն ակնարկեցինք անցողակի: Անոնք որ

երբեմն իբրև յուշխանիս կ'ամբաստանէին Հայ Եկեղեցին՝ կ'ուղէին ըսել թէ Հայերը Քրիստոսի մարմինը անապական ընդունելով կը հաւատային թէ մարդկային բնական պէտքերն անգամ՝ — քուն, ծարաւ, մննդառութիւն ևայլն. — իրական զործարանաւորութեան մը հետ կապ չունէին Քրիստոսի մարմինն վրայ, որը անապական էր և մնաց ցվերջ. մինչդեռ Հայոց Եկեղեցին աւելի երկիւղածութեամբ քան թէ վարդապետական համոզումով էր որ բնախօսական պարաւելի կամ ակամայ կարիքներէն զերծ կ'ուղէր նկատել Տիրոջ մարմինը, և ո՞չ թէ անչարչարելի կամ անմահ գաւանելու աստիճան, ինչպէս կ'ըսէին Յուլիանոս Աղիկառնացիի հետեւողները։ Ասոնց կարգը կրնայ դասուիլ մեր երեւութականն ալ, որ անօթութիւնը ապականութիւն համարելու տեսութեամբ կը գրէր. «Ինչպէս որ վայե՛լ է Աստուծոյ մը անօթենալ՝ ա՛յնպէս կը հասկնամ Քրիստոսի անօթենալը» եւայլն։ Իսկ Օձնեցին մարդկային մարմնի բնական ա՛յն երեւոյթները՝ որոնք մերգիք հետեւանք չեն՝ ապականութիւն չնկատեր. ըստ որում մեղքն է որ կ'ապականէ մարմինը, ու այդ ապականութեան արդիւնք է մահը։ Միւս կողմէ սակայն Հայ Եկեղեցին՝ հին Հայրերու վարդապետութեան համաձայն՝ կ'ընդունէր թէ Քրիստոս կը բոյլարեր մարմնին կրել ինց որ յառուկ է անոր, ինչպէս կ'ընդունի դունի նաև Օձնեցի (էջ 70, 72) եւ կը

գրէ. «Քաղցնուլն և ծարաւիլն եւ վաստակիլն եւ ննջելն՝ մարմնոյն կարիք են, այլ ո՛չ եթէ ի մեղս համարեալ իցեն»։ Իմաստանէրն՝ ինչպէս յայտնի կ'երեւի կամա՛ւ է որ չանգրագառնար մարմնի հոսանու վիճակին, եւ կը փակէ իր տեսութիւնը, մինչդեռ Ծնորհալի Հայրապետը՝ որ քանի մը անգամներով կարգացած էր «Երեւութականաց» ճառը, եւ երկր թեութիւնն բացարութեան ալ բաւական ընտելացած, չէր կրնար համոզուիլ որ ապականութեան հարցը այդ կերպով իր վերջնական լուծումը գտած ըլլայ։

Սմիովե՛նք ինչ որ կարեւոր է՝ Օձնեցին իր կարծեցեալ երկուութենէն աղատելու համար. — «Երկու բնութեանց» գոյութիւնը Քրիստոսի անձին վրայ՝ հաւասարազօր էր «մի բնութիւն» բացարութեան ըստ մինչփոթ միաւորութեան (Բանին և մարմնոյն)։ Օձնեցին իմաստասիրուած հաւատալիքի մը՝ հասունութեամբ մօտեցած է այդ ինդքին, և զայն լուսաբանած ըստ պատշաճին, նախաքաղկեդոնական Հայրերու խոստովանութեամբը։ Այդ գիտակցութեամբ՝ Յոյն Եկեղեցիին «Երկու բնութիւն» վարդապետութիւնը Քաղկեդոնական առանձնականութիւն մը չէր կրնար նկատուիլ, եւ պէտք չէր որ ալ եւս այդ բանաձեւը իբրև մզձաւանջ ծանրանար՝ որչափ երեւութական աղանդաւորի մը նո՛յնչափ եւ ուղղափառ Հայ հաւատացեալի մը մտքին վրայ. քանի որ

կայսերական - եկեղեցական բոնակալութեան ուղղակի անդրուարն ըլլալէ դադրած էր ո՞մ՝ իր փոքրիկ հօտին մօտ մասնաւանդ, որուն ճակատագիրը ապահովուած էր եկեղեցականապէս, ինքն իր մէջ ապրելու ատակ ըլլալով իրեն յատուկ աւանդութեանց ու սովորութեանց պահպանումին չնորհիւ, քաղաքական (Արաբական) տիրապետութեան մը նոր դրօշին տակ: Ուստի զարմանալի չէ՝ որ Օձնեցին արտայայտուած ըլլայ լայն տրամախոհութեամբ, պահելով հանդերձ եւ պաշտպանելով «Մի բնութիւն» խոստովանութիւնը «ըստ ճշմարտութեանն կարգի» (Էջ 50): Բաց աստի՝ Մանազկերտի ժողովին չուրջ մղտացած այն միջնորաը՝ ուր Քաղկեդոնականութեան դէմ հինէն հասած ակնարկներ ու առարկութիւններ կ'ըլլան, արդիւնք է անձկամիտ ջերմեռանդութեանը՝ «Սակո ժողովոց»ի հեղինակին՝ որը սակայն տեսակ մը հակասութեամբ կը դնէ մեր առջեւ Օձնեցիի վերագրուած դաւանագրին սա՛ տողերն ալ. «Աստուածորդին մեկնեալ ուսուցանէ մեզ վասն երկուց բնութեանց միաւորութեան, որով յոյժ վասահացեալ առաւելապէս խոստովանիմք անորոշաբար (առանց իրարմէ զատելու) միութիւն Աստուածութեանն եւ մարդկութեանն» (Գիրք թղթոց. Էջ 225): Ահա՛ ըստ մեզ՝ անցք մը բացուած դէպի որոշ վարդապետութիւնը «Ընդդիմ Երեւուրականաց» ճառին ա՛յն տողերուն՝ որոնք

իրեւ ընդլայնուած ու լուսաւոր մեկնութիւն կը ծառային ի հաստատութիւն նոյն խոստովանութեան:

Ուրեմն, եթէ ստուգիւ Օձնեցիի հարազատ դործն է «Ընդդիմ երեւուրականաց» ճառն իր ամէն մասերովը, չե՛մ կարծեր որ նոյն նիւթը շօշափող ուրիշ աւելի կամ նուազ ընդարձակ գրուածներ՝ որոնք իր անունը կը կրեն՝ իսկապէս իրն ըլլան, ինչպէս իրը չէ ապահովաբար այն ձառն ալ (*) զոր իրեւ Օձնեցիի դործը հրատարակեց Էջմիածնի գիտնական վարդապետներէն մէկը 1896ին: Հարեւանցի բաղաստութիւն մ'անդամ՝ ո՛չ լեզուի տեսակէտով, վասն զի մէր նպատակէն դուրս է իրեւ մատենագիր ուսումնասիրել Օձնեցին, այլ գրողին հոգեբանական վիճակն ու նիւթին հանդամանքը նկատի առնելով միայն՝ պիտի կրնանք ուժ տալ մէր կարծիքին:



(*) Յովհաննու Խմաստասէրի Հայոց Կաթողիկոսի «Խոստովանութիւն անշարժ յուսոյն մարմնանալայ Բանին Քրիստոսի, և ընդդէմ դաւանողաց զմի Քրիստոս յերկուս բնութիւնս» Աստրապետարդապետ. Էջմիածնի, 1896:

Զ. ԴԱՍԱԽՈՍՈՒԹԻՒՆ

(Գւ. 20, Օգոստոս, 1913)

Դասախոս. — ԱՄԵՆ. Տ. ԵՂԻՇԵ Ս. ԱՐՔԵՊՈ.՝
ԴՈՒՐԵԱՆ

Նիւր. — Յովհան Խմաստաէր Օձնեցի
(Նար. և վերջ) :

Կը յիշատակուի թէ Օձնեցիին վերադրուած այդ ձառը Ներսէս Լամբրունացի՝ Եկեղեցիի միութեան խնդիրը մշակելուն առթիւ, իր հետ Կ. Պոլիս բերած և ներկայած ըլլայ զայն առ որ անկ է, իրքեւ հայ դաւանութեան կարեւոր մէկ գրուածը, «Հրամանաւ Գրիգոր Կաթողիկոսի և Լեւոնի բարեպաշտ արքային»։ Սակայն այս պարագան չկրնար պատմական արքէք մ'ունենալ, վասն զի ձառը ո'չ բարձր հեղինակութեան մը յայտնի դրոշմն ունի, բայց վերնագրէն, և ո'չ ալ, հետեւաբար, Բիւզանդական միաքերու վրայ աղդելու չափ ճոխութիւն մը, ինչ որ՝ զոր օրինակ՝ կրնար սպասուիլ «Ընդդէմ Երեւութականաց» ձառէն։

Այդ գրութեան պարզ նորատակն է Հայոց Եկեղեցիի «Մի բնութիւն» վարդապետութեան պաշտպանութիւնն ընկեանալիսներու դէմ՝ որոնք այդ քրիստոնարանական բանաձեւը հերետիկոսութեանց աղքիւր կը նկատէին, և կ'ամբաստանէին Հայերը իրքեւ համախոներ Մանիի՝ Մար-

կիոնի՝ Բարդածանի և Եւտիքէսի : (*) Այդ յանդուգն ու սխալ դատաստանն ընողները իրենց «թամնձր մօրուք» ովն ու ամբարտաւաններու վայել իրենց «գարդարուն աղաբողոններու» ովն կը պարծէին։ Դժուար չէ՝ խորհիւ՝ թէ Օձնեցի մը պիտի չուզէ՛ր անուղղակի ինքզինքն ստգատանելնման ակնարկութեամբ մը։

Ճառին հեղինակը «իրբև Մծդնեաներ դրոշմուելու», այսինքն՝ աղուխադրոշմ խարանով պատմուելու արժանի կը համարի այսպիսինները՝ որոնք կը շփոթեն Բանին եւ մարմնոյն բնութիւնը, ուրանաւով մարդկայինը Քրիստոսի անձին վրայ։ Այդդ՝ անկարեւոր չէ դիտել տալ որ Օձնեցին՝ բոււն իսկ Մծդնեաններու, ա'յն է Պաւղկեանց հետեւողներու մասին խօսելու առթիւ՝ աւելի կամ նուազ չափով «Ասոշտանդանք» (ծեծ, սանցանի) միայն կը հրամայէ, և կ'օրինադրէ Եկեղեցիի հազորդակցութենէն իսպառ զրկել զանոնք, եթէ յոյս չկայ այլեւու որ «առողջապահին ի հաւատու» (կանոն ԼԲ.)։ (**)

«Երկու բնութիւն» բանաձեւին ու ա-

(*) Բաղդատէ «Ընդդէմ Երեւութականաց» էջ 59 և 61։

(**) Նոյն «Խոշտանգանք»ի սպանալիքն անողդակի կը լիշեցնէ Օձնեցի իրէն հակառակորդ պարագի խոշտանգանաց (Խոշտանգանքի հանդիպելու վախէղ) է որ կ'ըսես։ Բանն Աստուած մարմու վախէղ է որ կ'ըսես։ Բանն Աստուած մարմու վախէղ մարմնին ուրիէ ըլլալը կ'ուրանաս (էջ 59)։

նոր մոլորամիտ հետեւանքներուն իբրև
պատճառ կը մատնանշուի ձառին մէջ
«Քաղկեդոնի ժողով» ու կեւոնի տո-
մարը».— Դիւրին է տեսնել թէ ի՞նչ նկա-
տումներով որ ալ ըլլայ, Օձնեցի զգու-
շացած է այդօրինակ ամբաստանութենէ
մը՝ իր հարազատ գրուածներուն մէջ :

Ինուրիւն և դիմ բառերու սահմանը
ձշելու համար պէտք զգալով «Արտա-
քին փիլիսոփաներու» վկայութեանը դի-
մել՝ գրողը գոհացած է միայն կրկնելով
անոնց հետ՝ թէ րնուրիւնը իր մէջ կը պա-
րունակէ դիմը, բայդ դիմը՝ փոխադարձա-
բար՝ չսպարունակեր րնուրիւնը (*). և ան-
միջապէս վրայ կը բերէ՝ «Եթէ ա'յսպէս է,
որպէս և է՛ իսկ :» — Օձնեցի ասանկ կարծ
ի կարծոյ ցուցումով մը պիտի չբաւակա-
նանար անշուշտ, ան որ միշտ՝ նիւթին
տարողութեան համաձայն՝ կը սիրէ ընդ-
լայնել զայն ճոխաբար :

«Յերկուց բնութեանց մի բնութիւն
Բանին մարմնացելոյ» վարդապետութիւնը՝
որ Օձնեցւոն ալ է՝ անձուկ ըմբանումով
մը կը սրաշտպանուի այդ ձառին մէջ,
մինչդեռ իմաստանէր Հայրապետին մեզի
ծանօթ տեսութիւնները այդ մասին՝ վա-
րագաթե խելամտութեամբ մը կը յատ-
կանշուին :

«Խաչեցար»ի հին աւանդութեան ար-

(*) «Բնութիւն»ը (ըլլայ աստուածայինը, ըլ-
լայ մարդկայինը) ընդհանուր իմաստով կը կիրար-
կուի. իսկ «դէմ»ը իբրև «անհատ» կ'իմացուի,

դարացումին առթիւ՝ «Յունաց իմաստուն-
ները» կ'արհամարհուին, որոնք՝ իրենց
իմանանցին համաձայն՝ տեսակ մը ա-
ղանդ (աստուածաչարչարութիւն) կը վե-
րագրեն Հայերուն, և կ'ըսուի, «ասեալ
կատարեալ իմաստութիւն՝ անհանձնար্ফ
եղեն».— Այս «իմաստուններ»ով արդեօք
չո՞ւզուիր հակակռուել Օձնեցին «Յունաց
ձարտարններ»ը, թէև առաջինները համե-
մատաբար նորեր են, իսկ վերջինները՝
Եկեղեցական Սուրբ Հայրերը: (Տե՛ս, Ընդ-
դիմ Երևուրականց էջ 62, 63)

Վերջապէս՝ մեր եղբակացութեան կը
նպաստեն մանաւանդ ձառին վերջին մա-
սերը՝ ուր գրողը (կամ «Ասողն»)՝ իբր
առ համեստութեան՝ ոս տողերով կ'ար-
տայայտուի. «Ստիպուեցայ համառօտ գրել
ձեզի, որպէս զի լուռ մնալով չտրտմեցը-
ներ զձեզ: Կ'աղաքեմ որ ձեր խելահաս
իմացողութեամբն ընդունիք իմ ըսած-
ներս, և երկ ցլրցայ յարմար ոնով շա-
րադրել, ներողամիտ գանուեցէք մարդկօ-
րէն տկարութեանս և ծանուցեալ սզիտու-
րեան: Կարեի և որ վսարած լրամ իմ լմ-
բրոնումներուն մեջ, վատահ եմ սակայն
թէ ձեր միտքը չչեզիր ուղղութենէ,
դուք որ հաստատուն սիւներն էք Եկե-
ղեցին, և յօժարութեամբ կը յորդորուիք
իմ խօսքերէս» եւայլն:— Կը կարծենք ի-
րաւունք ունենալ խորհելու՝ թէ Օձնեցին
իր բարձր հեղինակութիւնը ա'յսքան աժան
ծախողներէն չէր բնաւ, և չէր կրնար ալ
ըլլալ:

Մեր սոյն դիմողութիւններէն զատ՝
ձառին հայերէն լեզուի ոճն ալ, եթէ չու-
գէլնք զանց ընել զայն կամաւ, ոոյն իսկ
մէկ նայուածքով պիտի կրնար ըսել տալ
մեզի՝ պահ մը փոխ առնելով Շնորհալիի
բացարութիւնը՝ թէ այս գրուածին մէջ
Օձնեցի առիւծին ևզունդներուն նշանները
չեն նշարուիր երբեք:

Բացի այս ձառէն՝ կար հաւանարար
յանուն Օձնեցին ուրիշ համբաւաստ անհա-
րագատ գրութիւն մ'ալ՝ որմէ հատուած մը
կը գնէ Դրիգոր Տուտէորդի իր առ Դրիգոր
Տղայ վիճարանակամ թուղթին մէջ՝ գրե-
լով. «Յովհանն իմաստամէր՝ մհծ ախոյ-
եանն հաւասոյ ասէ»... (*)

Օձնեցի վրայ մեր դիտած ներհակ
համոզումներուն ո՛չ նուազ օժանդակած
պէտք է ըլլան նոյնին նեղինակաւոր հո-
վանաւորութեան տակ դրուած դաւանա-
բանական այս ու այսպիսի գրուածները,
որոնց շնորհիւ՝ մինչեւ վերջին ժամանակ-
ներս՝ Օձնեցին ինքն իր մէջ հակասող կամ
խարազի ու պահուանելի հակասամկերն
մարդք նկատուեցաւ ընդհանրապէս: Խոս-
րովիկ թարգմանչի այն գրուածը՝ գոր
նախորդ դասախոսութեան մէջ յիշեցինք.
այդ տեսութիւնն արծարծեց միտքերու
մէջ: Բայց ցոյց տալու համար թէ թիւ-
րիմաց նախապաշարումի մը արդիւնք էր
Օձնեցի գէմ յարձակում մը գուշակել

(*) Տուտէորդիի մէջ բերած հատուածը՝ յա-
նուն Օձնեցիի մեզի հասած գրութեանց մէջ չերեւիր:

այդ տողերէն, աւելորդ չենք համարիր
թարգմանաբար ու քաղուածօրէն մէջ բե-
րել զանոնք:

Խոսրովիկի խօսքերը՝ ինչպէս ըսած
ենք՝ իրեն ժամանակակից բարձրաստիճան
եկեղեցականի մը ուղղուած են. (*)

«Իրերու վախճանը մեր յուսացա-
ծին պէս չեղաւ: Մեզի հետ հաց ուսուրը¹
խարեւորին գործեց մեզի դեմ. (Սաղմ.
Խ. 10): Կը յորդորէր մեզ ժողով գումա-
րել, մեր աշխարհի մարդիկը պատճառ բըռ-
նելով: Կը խոստանար այդ ժողովով դար-
մանել իր այլափառ կարծիքները և մէկդի
թողուլ աւանդական սովորութեանց հա-
կառակ ներմուծած նորաձեւութիւնները:
Յանձն կ'առնէր «մի բնութիւն» խոստովա-
նիլ մեզի հետ՝ ըսելով. «Ինչո՞ւ Սուրբ
Հայրերուն ըսածը ես ալ չըսեմ». միայն
թէ վճռական սպայման կը գնէր որ թէ՝
ինքը և թէ՝ մենք Քաղկեդոնի ժողովն ու
Լեւոնի տոմարը չյիշատակէնք, ու նոյն-
պէս մեր աշխարհի եկեղեցական վերակա-
ցուներէն ալ, հինէն մինչեւ մեր օրերը՝
ո՛ր և է վկայութիւն մէջ չբերենք... Մենք
նկատելով որ միուրեան գործը աւելի կա-
րեւոր է, համակերպեցանք այդ առա-
ջարկներուն... մերինեւէն ումանի այդ
համակամութիւննիս տեսնելով՝ սրտնեղե-
ցան, ոմանք ալ կը վախճային որ մի՛

(*) Ընթեցողներու համար կ'ստորագծենք այն
անցքերը՝ որոնք չեն թոյլատրեր բնաւ Օձնեցիի վրայ
խորհիլ:

սցցոգդւառաւափր սոցցա
տու նզո՞ւ «ընե վր» ղիսղրմոյ ող ովլոց ո սկիզբաց
սցցոգդւառաւափր սոցցա տու նոմի վուստվմք.
Նզոյիստոսոյ ովլոցուատոյզ մցյմտինմոյ և ովլոյի-
նմոյ մցյմտօգուատոյզ սցցոգդւառաւափր սոց-
ցա տու նզոյուտե «վր» մմկցցնվրաց ովլոյինմոյ-
ւո ովլոցուատոյզ ովլոյ հթ զգձվոյն մրտօգրաւ-
նես շալգացը սցցէվր հ ըսմե հիմնառ (•)

դապետն ու Հռետորը՝ մի առ մի կը հեր-
քէ այս ամէնը, տեղ մ'ալ ամինածանը
նախատինքը նետելով այդ անծանօթ անձ-
նաւորութեան երեսին, «Ամէնեւին թիւր,
և զքան զթիւրս թիւրագոյն» : Ուշադ-
րութեամբ հետեւողն այս առզերուն՝ պիտի
կրնայ վատահ ըլլալ թէ հոգեւոր բարձ-
րագոյն իշխանութեան մը այդ ներկայա-
ցուցէլ՝ որ ուղիղ դաւանութեան մը
շիսպողիրը չէր կրնար արտասանել՝ օտար
մըն էր ապահովաբար, և թէ՝ եկեղեցա-
կան առանդութեանց հանդէպ իր ցոյց
առուած թիւթեւամտութեամբը ո՛ր և է մեր-
ձաւորութիւն չէր կրնար ունենալ Օձնե-
ցիի հետ :

Մեր իմաստասէրը՝ որ հազիւ տաս-
նեակ մը տարիներու պաշտօնավարու-
թեան ընթացքին՝ մէկ կողմէ ներքին ան-
կարգութիւններու՝ օտարամոլ միտումնե-
րու դէմ մաքառելով, և միւս կողմէ ազ-
գային Եկեղեցիի ամհատականութիւնը
որոշ հիմքերու վրայ ամրացնելով արդիւ-
նաւորեց իր կեանքը, ո՞չ նուազ կարեւոր
դեր մը կատարեց նաև մեր իսկ միջին մո-
լորածներու և փոքրասիական գաւառնե-
րը հակաքիստոնէական ջղածգումներու
մատնող Պաւղիկեանց դէմ զինուելով, ո-
րոնց թիւն ու չարազանդ ազգեցութիւնը
կ'ստուարանար հետզհետէ ու կործանա-
բար ուժի մը աղէտաքով կ'սպառնար օր-
ըստ օրէ : Բէ ո՛րքան յաջողեցաւ Հովիւն
իր հօտը զերծ պահելու այդ «պղծութե-

նէն»՝ հնար չէ ձշել բայց կրնանք
ըսել վատահութեամբ՝ թէ ամէն ժամա-
նակէ աւելի զօրաւոր և անտեղիտալի
ոսովսի մը հանդիպեցան անտնք յանձին
Օձնեցի Հայրապետին, որ իր Ընդդեմ
Պաւղիկեանց գեղեցիկ գրուածովը և հրա-
տարակած ու հաւանաբար ի գործ դրած
կանոնական խստութեամբը չմօտեցուց
գայլերն՝ իր փարախին :— Պաւղիկեանք՝
իբրև նշանակելի և տեւական երեւյթը հայ
աղանդաւորութեան՝ երկար ատեն մնունդ
գտան մեր հողին վրայ, ու Փ. զարէն աս-
դին Թոնդրակեցի անունին տակ ալ ձեւ ու
տարազ փոխելով՝ այսինքն աւելի քրիս-
տոնէական Եկեղեցիի մօտենալով քան հե-
ռանալով անկէ՝ իրենց նշխարուած գո-
յութիւնը քաշքշեցին մինչև անցեալ դա-
րուն վերջերը : Աղանդին պատմութիւնը
ծայրէ ի ծայր այլանդակ կերպափոխում
մըն է մոլորութեանց, և աս չէ՝ անշուշտ
որ պիտի զրաղեցնէ զմեզ : սակայն կարե-
ւոր է ըստ ինքեան համառօտ ակնարկ մը
արձակել Պաւղիկեանց մասին՝ գէթ մինչև
Օձնեցիի օրերը :

Ազգային և օտար հեղինակներու վկա-
յութեան համաձայն՝ Գ. դարու մէջ ապ-
րով Պողոս Սամոստացի աղանդաւորէն
ժառանդած են Պաւղիկեանք (=Պաւղա-
նոսք) իրենց անունը : Զանց կ'ընենք այս
մասին յայտնուած տարբեր կարծիքները :
Սամոստացիին աղանդը յետոյ ասպնջա-
կան եղաւ արեւելքի մէջ՝ գլխաւորա-

պէս Մանիքեցիներու և Մեսալեաններու մոլորութիւններուն : Առաջինները, ինչպէս կը գրէ Գիրք Հերջութանը, աշակերտներն էին Պարսիկ Մանիի : «Կը պաշտեն արեւը՝ լուսինն ու աստղերը : Արեւու վրայ երգում ընելով կ'ըսեն . «Լուսիկ, արեւիկ քաղցրիկ, լի ես տիեզերօք» : Կը դաւանին թէ արեւը Քրիստոս է, և գեւերու կ'երկրպագեն : Իրենց համար՝ Քրիստոս Կոյսին միջոցաւ երեւած է լոկ, և չեն ընդունիր թէ խաչուած ըլլայ : Երկու սկիզբ կ'ընդունին, չար ու բարի, և կը մերժեն Հին Կտակարանը : Եւ որովհետև թէ՛ Օձնեցի և թէ՛ ուրիշներ Պաւղիկեան աղանդը մծղնեւրիսն անունով ալ կ'որակեն, աւելորդ ըլլար Մեսալեաններն ալ ճանչնալ : — Ասոնք Սիրիոյ եւ Հայաստանի սահմաններուն վրայ երեւած են առաջին (Դ. դար) իրրեւ սեմական խըմբաւորում մը : Ի սկզբան չունէին որոշ կազմակերպութիւն : Ամէն ստացուածքէ հրաժարած՝ ողորմութեամբ կ'ապրէին, և իրենց ամբողջ կեանքը կ'անցընէին աղօրելով : Երբ իրիկուն ըլլար՝ համդիպած տեղը այր ու կին խառն ի խուռն կը քնանային բացօթեայ, եւ այս պարագան է անշուշտ որ Մեսալեան (=Մծղնեայ՝ որմէ և մծղնեւրիսն) անունը վատանշան իմաստով մը կիրարկուած է մեր մէջ (*) : Զու-

(*) Գիրք Հերջութանը կը գրէ « Մեսալեանները կը կոչուին նաեւ աղօրականի, ասոնք

նէին եկեղեցական պաշտամունք (*), բայց Աստուծոյ և իր սուրբերուն ա'յնքան մշտ կը կարծէին ապրիլ որ չէին վարաներ իրեւ հրեշտակներ՝ մարգարէներ՝ նահաւութներ և մինչև իսկ իրրեւ քրիստոներ ներկայանալու գիւրահաւաններուն : Իրենց կարծիքով՝ մկրտութիւնը անցեալ մեղքերը միայն կը սրբէր, բայց չէր կրնար զափել կամ համեր մարդուն մէջ բնակած դեւր՝ որուն դէմ պէտք էր կռուիլ անդադար : Դեւերու դէմ մզուած այդ կռիւը մզլուցքի մը կը փոխուէր իրենց մէջ, և նետեր արձակելու գիրքով անհեթեթոսուումներ կ'ընէին, և կամ կը կաքաւէին :

Չառնալով Օձնեցիի մօա ժամանակներուն՝ կը տեսնենք որ Մանիքեցւոց ու Մծղնէացւոց աղանդները մեծ մասամբ իրենց մէջ ձուլող Պաւղիանոսները իրրեւ բուն Պաւղիկեաններ իրենց խական գիւմագիծովն ի յայտ կուգան մեր մէջ Եօթներորդ գարուն (շուրջ 660ին) : Թէև անունով նո՞յն մնացած՝ բայց դաւանութեամբ բաւական կը տարրերէին անշուշտ այն խու-

խնամի են հեթանոսական բոլոր հերձուածողներուն . Խակ Մծղնէացւոց աղանդի մասին (որը տարբեր չէ Մեսալեաններէն) Հայ զրիչը կ'աւելցենէ . «Գարշելի է խօսիլ ինչ որ կը գործեն անոնք» :

(*) Մեսալեաններու միւս յարանուանութիւնը որ յունական ծագում ունենալով Եսչիտ (աղօրականիք) կը կոչուէր՝ չէր ընդուներ մկրտութիւն՝ ժենալզութեամ կարգ՝ ամուսնութիւն եւն . եւ կռապաշտութեամբ պղծուած կը համարէր ուղղափառ Եկեղեցիները :

միկ Նեստորականներէն՝ որոնք «Պաւղիկւ-
հանք» կը կոչուին դար մը առաջ Ներսէս
Բ. Աշտարակեցի Կաթողիկոսի թուղթերէն
մէկուն մէջ (Գիրք Թղթի ՈՅ, էջ 72—75):
Ասոնք Հայոց Եկեղեցիներէն մէկը իրենց
ժողովարան ըրած՝ ժողովուրդը կը մոլո-
րեցնէին, վարդապետներ բերելով, մկրպ-
տութիւններ կատարելով ևն: Սակայն
Ներսէս քանդեց այդ չէնքը ու Խոճիկները
(Խոժաստանի Նեստորականները) հառա-
ցուց Հայոց սահմաններէն: Մեզի կը թուի
թէ Օձնեցին իր «Ընդդէմ Պաւղիկւանց»
գրուածին մէջ ասո՞նց ակնարկելով է որ
կը գրէ իր ժամանակի Պաւղիկւանց համար,
«Նախկին մծինեւրեան պայդակնենուրեան
(Պաւղիկւանց ըստ Ներսէսի) խէշերանք»:

Իրա՛ւ է որ ճշգումի կարօտ պատմա-
կան պարագայ մը կ'ելլէ հոս մեր առջև,
եւ ինչպէս թելագրուած են ուրիշներ՝
կրնայինք մնաք ալ ենթագրել՝ թէ թերեւս
Օձնեցին իր այդ տողերով Ներսէս Գ. Շի-
նող Կաթողիկոսի օրով Պաւղիկւանց դէմ
յարուցուած հայածանքի մը ակնարկած
ըլլայ, բայց վաւերական կուռան մը չկայ
այդ մասին (*). միւս կողմէ՝ զգուշանալով

(*) Ումանք չունենալով հանդերձ Շինողի օրով
աս տահած Պաւղիկւան հոյածանքի մը մասին որոշ
ցուցումներ, եզրի օրով բնդիմ Մայրագոմեցիին
արձակուած անդրա դրոշմագֆոփ մը (= աղուիսա-
դրոշմ խորան) կասկածելի պարազն՝ Փոտի փուտ
թուղթին վկայութեանը շնորհիւ Ներսէս Շինողի
ձեռքով կատարուած իրողութիւն մը կը նկատեն,
եւ ատով՝ կը համարձակին ի շարս Պաւղիկւանց
դասել Երեւուրական Մայրագոմեցին, իբր թէ
ամէն Երեւուրական Պաւղիկւանը:

աւելի մանրամասնութեանց միջամուխ ըլ-
լալէ, դիտել կուտանք միայն՝ թէ աղան-
դաւորական հոմանունութիւնը (Պաւղիա-
նոսք = Պաւղիկւանք) կրնար շփոթււ-
թիւն մը յառաջ բերած ըլլալ Օձնեցիի
մաքին մէջ:

Իմաստասէր Հայրապետի օրերուն՝ Լե-
ռն Խաւերացի կայսրը (714—741) Պաւ-
ղիկւանց հանդէպ ներողամութեամբ
սկսած էր շարժիլ, իր պատկերամարտ քա-
րաբականութեան նեցուկ մը վհսուելով
Ասից մէջ. բայց Հայոց Եկեղեցին չէր կըր-
նար անտարբեր հանդիսատես ըլլալ ծա-
ւալմանը այն աղանդին՝ որ մէկ կողմէ
Բիւզանդեան կայսրի մը նպատակաւոր
թոյլտուութենէն, և միւս կողմէ՝ Արա-
բական իշխանութեան այս կամ այն նը-
կատումներէն խրախուսուած՝ իր թոյնը
կը ջանար թափել Եկեղեցիին ծոցը:

Անցնի՛նք այժմ «Ընդդէմ Պաւղիկւ-
անց» ճառին, աչքէ անցընելու համար
զայն իր կարեւոր մասերուն մէջ:

Թէ ի՞նչ էր Հայ Պաւղիկւաններու կաղ-
մակերպեալ դրութիւնը իբրև քրիստոնէա-
կան աղանդաւորութիւն, Օձնեցի այդ մա-
սին լիուլի տեղեկութիւններ չաւանդեր
մեզի: Միայն կը յիշատակէ անոնց մէկ
քանի հաւատալիքն ու սովորութիւնները,
յայտնելով հանդերձ թէ իբրև զանազան
խմբաւորումներ՝ իրարմէ տարբեր կարծիք-
ներ ալ ունէին, թէպէտե միւնոյն չարա-
փառութեամբ: Օձնեցի սա ծանօթութիւն-

ները կուտայ մեզի . — Արեւուն կ'երկրպաշ-
գեն , ու կ'աղօթեն անոր սա բառերով
« Արեւիկ , լուսիկ » : Օդնութեան կը կո-
չեն օդային դեւերը , ու կայծակսահան
դեւին ցայտեցուցած գեհենական կրակը
օրհնութեան ու պաշտելութեան առարկայ
ըրած են իրենց : Սատանին մատուցուած
այս պաշտօնին չնորհիւ է որ իրենց մար-
մինն ալ ծիւրած՝ ծնդած ու ծմբուած է
է բոլորովին : Իրեւ հաղորդութիւն կը
կատարեն անօրէն խորհուրդ մը , մանկիկ-
ներու արխնով զանգըւած ալիւրը ճա-
շակելով . յետոյ անոնց դիակը դնելով
տանիքի մը վրայ՝ աչքերնին վեր տնկած
կ'երդնուն ու կ'ըսեն «Բարձրեալը գիտէ» :
Երբ իրենց աղանդապետը մնունի՝ նոր ընտ-
րութեան ձեռնարկելու ատեն ինոջ մը
անդրանիկ զաւակը ձեռքէ ձեռք կը նե-
տեն չարչարելով , և որո՞ւ ձեռքին մէջ
որ մանուկն իր շունչը փչէ՝ ա՞ն կ'ըլլայ
իրենց աղանդապետը : Թէ՛ մեռնող տղուն
և թէ՛ աղանդապետին անունովը կ'երդ-
նուն ըսելով . «կ'երդնում միածին
վրայ . կ'երդնում անո՞ր վրայ՝ որուն ձեռ-
քը միածին որդին աւանդեց իր հոգին» : (*)

(*) Պաւղիկեաններու այս ծածկալեզուն՝ զօր
Վրիպանուն պատրողաբուրիւն . կը կոչէ
Օձնեցի՝ խարէական միջոց մըն էր , նուիրական
բացատրութիւններու խմատը ծերելով՝ կամ եր-
կիւղած ծառումով մը միամիտներուն վրայ ազ-
գելու : Այսպէս երբ լեւոն խսաւացիի հրամանով
Պոլիս բերուած Պաւղիկեան Գենեսիոսի հարցուե-

իրենց բարոյական կեանքը աղտոտ էր
և գարշելի : Ըստ Օձնեցիի՝ չէին խղճեր
խաւարային խայտառակութիւններ եւ
պարսկական « մայրապականութիւն » խակ
ի գործ դնելու : Կը ծածկուին , կ'ըսէ ,
գորտերու պէս լիներու խորերը (*) . ձայ-
ներնին կայ՝ իրենք չկան . ու կը կարծեն
թէ կը վրիպին մեր աչքերէն , բայց իրենց
պղծութեան հոտը կը մասնէ զիրենք : —
Եթէ ճշգ է այս ամէնը՝ արդարեւ Հայ
եկեղեցին համար մեծ չարիք մըն էր այդ-
աղանդին ա՛յնքան մերձաւոր գորութիւնն
ու շփումը , և կ'արժէր որ Օձնեցի զինուէր
անոնց գէմ իր բովանդակ կորովովը :

Բայց աստի՝ Հայ Պաւղիկեանները՝ ինչ-
պէս ամէն աղանդաւորներ՝ զերծ մնալու
համար հալածանքներէ կամ ասպատակու-
թիւններէ , և փրկելու համար իրենց մոր-
թը՝ ամէն գոյն , ամէն խայտուց կուտային
անոր : Ա՛յսպէս՝ քաղաքականութեան մը
հետեւելով ըստ պատեհի՝ երբեմն կը դաշ-

ցաւ՝ թէ ինչո՞ւ բաժնուած էր Ուղղափառ Եկեղե-
ցիէն կամ ինչո՞ւ պատշաճ մեծարանքը չէր բնծա-
յեր Աստուածամօր , ամէն անզամ կը պատաս-
խանէր ծածկամիտ աղանդապետը . «Բաւ լիցի , ես
Ուղղափառ Եկեղեցիէն չեմ բաժնուած . ես կը
յարգեմ Աստուածամայրը » : Առաջինով կը հասկը-
յարգեմ Աստուածամայրը : Առաջինով կը հասկը-
յարգեմ Աստուածամայրը : Աստուածամայրը՝ ի
մասնաւորի , որ նիրկերտի մօտ լիմ մըն է , եւ
որ՝ կ'երեւի՝ կար Պաւղիկեան բնակչութիւն մը :

(*) «Զրկայ» կոչուած տեղին ակնարկելով ի
մասնաւորի , որ նիրկերտի մօտ լիմ մըն է , եւ
որ՝ կ'երեւի՝ կար Պաւղիկեան բնակչութիւն մը :

նակցէին Արաբներու՝ իրեւ նորաժողով բանակ, և ի հարկին՝ Դուրանի աշակերտութիւն մ'ալ կը կազմէին իրենց համբակներովը, ինչպէս կը գրէ Օձնեցի. իսկ միւս կողմէ ալ՝ անպատկառ յայտարարութեամբ մը՝ երբ սիւտք զդային՝ կը զրպարտէին՝ թէ Հայերը իրենց ձայնակից եւ համախոն էին հաւատալիքներու մասին։ Եոյնը կ'ընէին նաև Պաւղիկեանց խնամի Թոնդրակեցիները (ԺԱ. դարուն) յայտարարելով՝ թէ «Արամեան գունդէն ենք մենք, ու հաւատքով ալ համաձայն անդնց»։ (ՄԱ.ԴԻՍՏՐՈՒ)։

Օձնեցի այս պարագաները հարեւանցի միայն յիշաւակելով՝ գլխաւորապէս կը ծանրանայ իր ճառին մէջ ա'յն ամբաստանութեան դէմ՝ որով Պաւղիկեանք կ'ուգէին աղարտել Հայոց Եկեղեցին՝ կուսպաշ կոչելով զայն։ Յայտնի է թէ Խաչին ու Քրիստոսի կենդանագրեալ պատկերին մատուցուած յարգանքը մեր մէջ՝ առիթ կուտար այդ անուանարկութեան։ Անարգներու կողմէ եղած այդ անարգանքը ծանր պիտի գտնէր Օձնեցի, մանաւանդ որ երկնային տարրերը պաշտող այդ աղանդաւորները մինչև իսկ կը պաշտէին «մկնորսակը՝ կատուն»։

Բացատրելու համար՝ թէ ի՞նչ է բո՛ւն կուսպաշուրիւնը՝ հեթանոսական իմացումներու այդ հաւաքոյթը՝ Օձնեցի ճոխարար կը ճառէ, խօսելով անոր բազմազան երեւոյթներուն վրայ՝ իր ժամանակի տե-

սութեանց համաձայն (*) , և իրականը սահմանելէ ու ճշդելէ վերջ՝ հեգնող վըստահութեամբ մը յառաջ կը նետուի՝ ըսեւլով։ «Ես ձեր նախատական բառին կրնամուրեմն բարեկպաշտիկ նշանակութիւնն մը տալ, վամն զի արգարեւ «կը կոենք, կը կոփենք, կը քանդակենք ու կը քերենք մենք»» այն բաները՝ որոնք մեր աստուածապաշտութեան կարգերուն համար կարեսրեն, ըլլա՛յ եկեղեցի կամ սեղան, ըլլա՛յ խաչ կամ պատկեր (*) (Էջ 39)։ Յետոյ սակայն անախորժ թիւրիմացութեան մը տեղի չտալու համար՝ կ'աւելցնէ։ «Քարէ կամ ոսկիէ խաչ մը կամ պատկեր մը տեսած ստեն՝ մի՞թէ քարին կամ ոսկինն վրայ կը գնեմ իմ յոյս։ Ասիկա անո՞նց գործն է՝ որոնք քարին ու փայտին հետ

(*) Տեղ մը Խմաստաէրը չափազանց զիւրահաւանութիւնն մը ցոյց կուտայ, կարծելով որ յանուն Եթի կանգնուած կուռքին 60 կանգուն երկայնութիւնը ու 6 կանգուն լայնութիւնը ստոյգ չափն էր Տիտանեանի հասակին։ (Էջ 36)

(*) «Պատկեր» ըսելով Օձնեցի կը հասկնայ միայն ըստ տեսակին Քրիստոսի կենդանագիր պատկերը (Էջ 42, 45), որը պէտք է օծուած ըլլայ, ինչպէս կ'օծուին եկեղեցի՝ սեղան ու խաչ (Էջ 43)։ Այսպէս «Պատկեր»ի այս կամ այն տեսակները ընդհանրացած չէին մեր մէջ, եւ կարելի է ըսել թէ շատ տեղեր ալ կը պակսէին մինչեւ տասներորդ զար, Արաբներն անզամ ոչ թէ կուսպատակ այլ փայտապատ կը կոչէին Հայերը, անշոշտ խաչափայտի պաշտօնին ակնարկելով (Տես Գիրք թղթոց, Սիւնեցի Օտեփանոսի ընծայուած բուլը, Էջ 3 3)։

կը չնային . . . իսկ մենք կը պատուենք
միայն ա'յն նիւթերը , որոնց վրայ կը
ձեւացնենք Քրիստոսի պատկերն ու խա-
չին նմանութիւնը :

Չէ՞ք կարծեր որ պատուական Հայրա-
պետին այս ողջախոն մտածութենէն օգ-
տուելու պէտք ունենան մեզմէ շատեր ,
թէ՛ ըլլան ռամիկ՝ թէ՛ ըլլան բանիմաց
Եկեղեցաէրներ :

* *

Հոս կը վերջանայ մեր դասախոսու-
թեան նիւթը : — Ինչ որ կրցանք խօսիլ
ծանօթացնելու համար Օձնեցիի սնձն ու
գործը սեղմ ուսումնասիրութեան մը սահ-
մանին մէջ՝ բաւական կը համարիմ :

Այս պահուս սակայն՝ երբ յետադարձ
նայուածքով մ'ամփոփուած , անդամ մ'ալ
պիտի ուզէինք աչքի առջեւ բերել Օձնե-
ցի Հայրապետը , իբրև բարեկարգիչը մեր
Եկեղեցիին , իբրև ախոյեանը մեր ազգա-
յին-եկեղեցական կարգերուն և սովորու-
թեանց , իբրև յաղթապահծ սոսիը ներքին
և արտաքին աղանդաւորներու , պիտի
գտնէինք զինքը պատիւի բարձր պատ-
ուանդանին վրայ կանգնած՝ Հայ Եկեղե-
ցիի անշարժ խորանին տակ : Պէտք ունինք
խստավանելու թէ այն առանձնական
դիրքո՝ զօր կը պահէ այսօր Հայաստան-
եաց Եկեղեցին՝ իր ներքին կազմին , իր
աւանդութիւններուն և իր վարդապետա-
կան լայն ըմբռնումներուն տեսակէտով ,
Օձնեցիէն ժառանդած է զայն : Այն պատ-

կառանքը , զոր կը պարտինք պահել Մեծ
Եկեղեցիներու հանդէպ՝ առանց անշնորհ
ընդհարումներու , և այն յարդանքը՝ զոր
խորունկ նուիրումով մը կ'ընծայէնք մեր
Եկեղեցիին , սառւդիւ պաղաքերումն է
Օձնեցիի իմաստութեան , որմէ գեղեցիկ
մտառութեամբ օգտուեցաւ նաև Շնորհաւ-
լի : Հակասութիւն մը չէ՛ այս , և ո՛չ մէկ
կերպով կրնայ վրդովել մեր քրիստոնէա-
կան գիտակցութիւնը , որ ազգայնօրէն ըմ-
բռնուած Եղբայրութեան մը տիեզերա-
կանացման կը նկրախ ինքնին : Այս՝ ա՛ս
եղաւ Օձնեցիի գերազանց դասը : Զտար-
ուելով իրմէ առաջ ապրող Հայ Կաթողի-
կոսներու տրամադրութեամբը գոյացած
այն կրկին հոսանքներէն , որոնցմէ մին —
Բարգէնէն մինչև Կոմիտաս — աղիկամի
մերժում մը բերաւ , և միւսը — Եղբէն
յետոյ — վեհերոտ համակերպութիւն մը ,
Օձնեցին դիտցաւ միջին ու հեռատես ձամ-
բէն չեղիլ , մէկ կողմանէ պատկառ կե-
նալով « բոլոր քրիստոսականաց » վար-
դապետութեան՝ իմաստասիրօրէն , և միւս
կողմանէ պաշտպան կանգնելով չորս դա-
րերու ընթացքին՝ ծաղումովն անկախ՝ ու-
գոյութիւնն ալ իր արիւնի հեղումներովն
կրաշխաւորող այն Եկեղեցիին՝ որուն « լե-
զուուն » խօսող ամենէն հանճարեղ զաւակնե-
րէն մէկն եղաւ ինքը : Այդ լեզուն գժբախ-
րէն մէկն Եկեղեցին՝ ամսամի , և ահա
առաքար անհամակալի միաց մասամի , և ահա
աշդ պատճառաւ , առաջին օրերէն սկսած ,
իր անունին սերտ փարող երկու շերտա-

ւորումներն ալ փոխանակ զիրար համբու-
րելու, զիրար ընդոտնեցին և Օձնեցիին մէջ
ստեղծեցին հակասութեան մարդը : Այդ-
կարգին վրայ պատճական սխալ մը պիտի
մնայ միշտ՝ Կոստանդին Կաթողիկոսի այն
յայտարարութիւնը, թէ « Օձնեցին զատ-
եալ է զմեզ յազդացդ » :

Եթէ այժմ հասկցած ենք Օձնեցին, ա՛լ
ինքը մեզի համար կը պատկերանայ իրը
չքնաղ միութիւն : Ա՛լ խառազն ու պանու-
հանիը երկուութեան մը կասկածը չեն
կրնար արթնցնել մեր միտքին մէջ :
Խարազը, իբրեւ ծածկոյթն անոր ճգնող
մարմին, փոշի դարձած կ'անհետանայ
հողացած տարրին հետ, իսկ անոր պատ-
կառելի դէմքին շուրջը, որ պայծառօրէն
կը ծրագրուի հոգիին արտավայլումովը,
լոյսի մը թրթռուն շրջանակովը կուգան
կը ծածանին երբեմն հոն փչուած ոսկի
փոշիներն իր պանուհանիին, և անոշ իւ-
զերն՝ իր յիշատակին օծումը կ'ըլլան եր-
կար դարերով :





ԳԵՐ. Տ. ԳՆԵԼ Ս. ԵՊ. ԳԱԼԷՄՔԵԱՐԵՎԱՆ

Է. ԴԱՍԱԽՈԾՈՒՅՈՒԹԻՒՆ

(Գօ. 1. Հոկտեմբեր, 1913)

Դասախոս. — Տ. ԳՆԵԼ ԵՊԻՍԿ. ԳԱԼԷՄՔԵԱՐԵՎԱՆ

Նիւր. — Բարեկարգութիւնը Հայ Եկեղեցւոյ մէջ:

Մայրաքաղաքիս Քահանաներու պատուարժան Միութեան համակրողներէն եւ մանաւանդ անոր լսարսնական դասախոսութիւններու գնահատողներէն մէկն ըլլալով, սիրայօժար փութացինք ընդունիլ այն հրաւերը, զոր բարեկան Տնօրին Խորհուրդն ուղղեց մէջի, դասախոսելու համար Լսարանիս ըեմէն:

Այսօրուան մեր դասի նիւթն է, ինչպէս գիտէք, Բարեկարգութիւնը Հայ Եկեղեցւոյ միջ. նիւթ մը՝ որ ժամանակէ մը ի վեր այժմէութիւն ունեցած է, և ունի և պիտի ունենայ գրեթէ հաւասարապէս թէ՛ եկեղեցական և թէ աշխարհական շրջանակներու մէջ, ըլլա՛յ Պոլիս, ըլլա՛յ Դաւառները:

Եկեղեցական բարեկարգութեան հարցը, կը յիշէք անշուշտ թէ՝ առաջին անգամ Ամէն. Դուրեւան Արքաղանի Պատրիարքութեան օրով, 1910 Յուլիս 21 թուական ընդարձակ յիշատակագրովս Օքակարգն անցաւ Կեդր. կրօն. Ժողովին, որուն անգամակցելու պատիւն ունէի: Անկէ ի վեր

իրերայաջորդ կրօն։ Ժողովներն ալ աւելի կամ նուազ չափով զբաղեցան սայն ինդրով, մանաւանդ արդի ժողովը փութաց վերակազմել այն Յանձնաժողովը, որ պաշտօն ունի շարունակելու արդէն ընթացք տրուած բարեկարգական գործին աշխատութիւնները։

Բարեկարգութեան մասին ամէն կողմէ գրով ու խօսքով՝ առանց ժխտելու այդ գէպին կարևորութիւնը՝ զանազան կարծիքներ յատնուեցան մինչեւ հիմու, զորաբազուելով իրարու շետ և խտացնելով, կրնանք երեք որոշ եղբակացութիւններու յանդիլ։

Ա. Բարեկարգութիւնն ըմբռնել՝ այսօրուան Եկեղեցին իր շատ հին ժամանակի վիճակին վերածելով։

Բ. Եկեղեցւոյ անունին տակ իմանալ աւելի՛ Եկեղեցականներու բարեկարգութիւնը, և

Գ. Եկեղեցւոյ արդի ծխական, կանոնական ու վարչական կազմը ժամանակին ոգւոյն համապատասխան կերպով բարեփոխել։

Էականին մէջ զիբար լրացնող այս երեք գլխաւոր կարծիքներու վրայ խօսելէ առաջ, հարկ կը համարինք — թիւրիմացութեան տեղի չտալու կամ միտքերը լաւ լուսաբանած ըլլալու համար — հրապարակաւ յայտարարել թէ՝ բարեկարգութեան այս ձեռնարկին երբէք միր Ուղղափառ Եկեղեցւոյ դաւանական կամ վար-

գլավետական մասերուն համար չէ և չի կրնար ըլլալ, վասն զի անոնք երեք տիեզերական Ա. Ժողովներով ընդունուած, հաստատուած ու բանաձեւուած են, եւ ինչպէս մինչեւ ցարդ անփոփոխ ու անայլայլ պահուած են, այնպէս պիտի մնան յաւիտեան։

Բարեկարգութեան պէտքն ու հնարաւորութիւնը, ուրեմն, պիտի սահմանափակուի՝ միմիայն Եկեղեցւոյ արտաքին կազմին, այսինքն զուտ ծխական, կանոնական և վարչական մասերուն մէջ։ Այս մեկնակէտով բարեկարգութեան գործին ձեռնարկուած առեն, բնական է որ ինչ ինչ կէտերու մէջ պիտի նախընտրուի նախնի պարզութեան վիճակը, ասպարէզի ընդարձակումով և ընտրութեանց ըզգուշութեամբ՝ հմտուած, ձեռնարկուութիւններ հոգեւոր պաշտօնի պիտի փափաքին, և արդի մտածումներու, ճաշշակներու պատշաճ կիրափեր ու ձեւեր ընդունելով, ժամանակին ողիէն պիտի չհեռացուի։ Համեստի ընելու համար միտքուացաւրեմ օրինակներով։

Ա. Նախնական գարերու մէջ աղջային - հոգեւոր ժողովներու որոշումները լրջօրէն նկատի առնելով, կը տեսնուի որ ամուսնական ծիւղահամարի մասին գըրուած արենակցական արգելքը կը հասնի մինչեւ չորրորդ աստիճան։ հետզետէ մինչեւ եօթներորդի բարձրացեր է այն, եւ ոյն իսկ պահ մը՝ չգիտցուիր ի՞նչ մատ-

ծումով՝ պահանջուեր է մանչուն և աղջկան կողմէն զատ զատ աստիճան հաշուել եւ ամուսնութիւնը կնքել կրկնապատկուած աստիճանի վրայ, ի՞նչ որ անկարելի եղել է ընդունիլ ու գործադրել: Արդ, ճիւղահամարի խնդիրներու մասին այժմէական ըմբռնումները կը հարկադրեն զմեզ երբէք զանց չընել զայն բարեկարգութեան հարցին մէջ, և առ այս կարծեմ լաւ կ'ըլլայ դէպ ի հինն երթալով Շահապիվանի և Պարտաւի ժողովներէն սահմանուած կանոնները վերակենդանացնել:

Բ. Եթէ բարեկարգութեան չնորշիւանիստիր ամուսիի և ամուսնացեալ եկեղեցականութենէն արժանաւորներու պաշտօնի ընդարձակութիւնն և աստիճանի բարձրացման հսւանականութիւնը՝ երաշխաւորուի, բնականաբար նիւթական բարեկաման պէտքն ալ չանուեսելով, տարակոյս չկայ թէ Հայ հոգեւորականութիւնը, մանաւանդ իր բախսախն թողուած ամուսնացեալ դաստիարգը, բախսուարութիւնը պիտի ունենայ մնչուշտ իր մէջ հետզհետէ ոգջունելու մուաւոր ու բարոյական նոր ոյժերով պատուարեր անդամակիցներ, որոնցմով անկասկած գոհացում պիտի զտնէ ամէն կողմէ՝ չեշտուած քահանայութեան բարձրացման տինքան փափելի պէտքը, եկեղեցին պայծառացնելով և հաւատացեալներու հոգեւոր չինութիւնը ապահովելով:

Գ. Որքան ալ միշտ դէպ ի հինը վե-

րադառնալ փափաքինք, կարծես չենք կրնար նոյն ատեն անտես ընել եկեղեցւոյ արտաքին կաղմին վերաբերեալ պէտքերն ու պահանջները, ժամանակիս ոգւոյն ու գեղագիտական ականակէտներով: Զէ՞ մի որ դէպ ի հինն ձլտելէ իսպառ կը հրամարինք, երբ՝ զոր օրինակ՝ Տաճարներու նաւին մէջ աւանդական մինչեւներու բարձմամբ վայելուչ նստարաններ դնելու սուվորութիւնը հետզհետէ կ'ընդհանրանայ: Իրաւունք ունինք, անոր համար որ ներկայի պահանջն կարելի չէ խուսափիլ, պահանջ՝ որ երբէք խախտում մը յառաջ չըերեր հաւատքի ու բարեպաշտութեան: Նոյն իսկ պատշաճ պիտի չըլլա՞ր արդեօք Դասերու մէջ եկեղեցականներու յատուկ պարզ ու միակտուր նստարաններ գնելով վերջ տալ ծալապատիկ կամ քովընտի ծուած կամ կիսովին ծնրադրած ձեւերով նստուածքներու: հիմա ո՞չ շալվարը կայ և ոչ յախցրը որ կարելի ըլլայ արեւելեան ոճով նստիլ:

Դարձեալ հասկնալի է որ եկեղեցականներու և աշխարհականներու միջեւ տարազի, զգեստաձեւի տարբերութիւն մ'ըլլայ: Եկեղեցին դուրս մեր այսօրուան տարապին ձեւը նոյն էր մեր պապերու հագածին: տակաւին 50 տարի առաջ հոգեւորական թէ աշխարհական ենթարի և միւպիկ կը հագնէին: աշխարհականները հետզհետէ զգեստեղինաց արեւածեան ձեւն ընդունեցին ու շա'տ լաւ ը-

րին, մինչ հին ձեւը մնաց հոգեւորականաներուս վրայ, և կարծուեցաւ ալ թէ մեզի յատուկ էր այն. ձեւ մը որ թէ՛ ամրան և թէ ձմրան եղանակներուն իր սննաւնելիութիւնը ունի, ինչու կոկիկ, վայելուչ, պարզ, սև զգեստի մը ճաշակաւոր որոշ ձեւը չնախնարուէր :

Դուք քահանայ հայրերդ մեզմէ աւելի ժօտէն տեղեակ չէ՞ք որ Եկեղեցւոյ այս կամ այն Ս. Խորհուրդը կատարած ատեն, կամ յուղարկաւորութիւններու պահուն յաճախ ձեր ծուխերը կանխաւ և նոյնիսկ արարողութիւնը կատարուած ատեն ակնարկներով կամ ձեռքի նշաններով քիչ մը կարծ կապելու, շուտով վերջացնելու կ'ատփին հոգեւոր պաշտօնեան. հակառակ պարագային մինչեւ իսկ գժգոհանք յայտնելու կ'յանդդնին: Ո՞ւր պիտի երթայ այս ընհացքին վերջը :

Բոլոր այս իրական օրինակներէն և ասոնց նման պարագաներէն, ուրեմն, պատճառ չկայ չհետեւցնելու որ բարեկարգութեան հարցն իր մէջ կը բովանդակէ միանդամայն թէ՛ հին վիճակին անդադադանալու, թէ՛ եկեղեցականները բարելաւելու և թէ ժամանակիս ըմբռնումներու քիչ ու շատ համապատասխան կարգադրութիւններ ընկելու անհրաժեշտ պէտքերը. հետեւաբար մեր տեսութեսմք կը միանան քիչ առաջ մէջ բերուած երկը կարծիքները, և կը կազմնին բարեկարգութեան ամբողջութիւնը :

Սահմանադրութեան վերհռչակմանէն հաքի կեղր. կրօնական ժողովը լրջօրէն անդրադասնալով պէտքին վրայ, զրադեցաւ անով, և յատուկ շրջաբերականաւ գաւառական կրօն. Ժողովներու, ինչպէս մայրաքաղաքիս եկեղեցականաց կարծիքը ուղեց գիտնալ. հասած տեղեկագիրներու գրեթէ ամբողջութեան մէջ, զոր ուսումնասիրած եմ, ի միջի ալլոց ծէսերու և արարողութեանց կրծատումի պէտքին համար կարծիքի ամհնակատարեալ նոյնութիւն կը տիրէ: Տարակոյս երրէք չկայ թէ կրծատումները կամ յապաւումներն ուրու սկզբունքով մը և գծուած բանաւոր ուղղութեամբ մը միայն պիտի կատարուին. կարելի է ծշտել զայնս, կրկնութիւնները բառնալով և էական գաղափարէն ու կազմապարէն չհեռանալով: Օրինակի համար, յիշենք այն Գիրքերն և Աւետարաններն, որոնք միեւնոյն օրուան մէջ կը կարգացուին թէ՛ Ժամերգութեան վերջը և թէ Պատարագի ատեն. նպաստակայրմար Ըլլա՞ր արդեօք մէկ անգամ եւեթ կարգալ զայն Պատարագի պահուն: Նաեւ Օրինութեան շարականներու մէջ կան երկար Քաղուածները, որոնք զանագան շարականներէ քաղուածօրէն առանուած են, ինչպէս անունէն ալ կը հասկցուի. եթէ միայն օրուան յատուկ պատկերները երգուին և անմիջապէս Հոգեգալուտեան անցնուի, էականնէն առանց բան մը կորսուելու՝ ինքնին կրծատուած կ'ըլ-

Հայ արդէն երկարապատում շարականը և
Ոչ նուազ ուշադրութեան արժանի է
դարձեալ «Ասացուք ամենեքեան»ը, զոր
ամէն առթիւ կ'արտասանենք, առանց
երբեք մտադրութիւն դարձնելու զանա-
զան տուներու խմաստին : Այսպէս, ձմրան
խատաշունչ եղանակին մէջ երբ դուրսը
դէզերով ձիւն աեղացած է, եկեղեցւոյ
մէջ չենք դադրիր ըսելէ . «յաղագս բարե-
խառնութեան օդոց, անձրեւաց քաղց-
րութեան և պաղոց առառնութեան դժէր
աղաչեցուք», մինչեւ շատ պատշաճ
կերպով «երկիրս, անդաստանս և պտղա-
րերութիւն տարւոյս» կ'օրհնենք Անդաս-
տան կատարելով դարնան սկիզբէն մինչեւ
աշնան սկիզբը, այն է Տեառընդառաջէն
մինչեւ Խաչվերաց :

Բարեկարգութեան պէտքին վրայ խօս-
ուած ատեն, ո՞չ ոքի ներելի է աննպաստ
դազափար կազմով մեր երանաշնորհ նախ-
նեաց ըմբռնումներուն, դորձերուն և
կարգադրութեանց մասին . երբեք, լնդ-
հակառակն յարգանք կը պարտինք անոնց
յիշատակին, որ իրենց ժամանակի ժողո-
վուրգին իմացական ու բարոյական զար-
գացման համեմատութեամբ պահանջուածը
ջանացեր են ի գործ դնել, եկեղեցւոյ ծի-
սական և այլ նոյն կարգի խնդիրներու
մէջ : Ճիշտ անոնց ոգին, սկզբունքը և հե-
ռատեսութիւնը ունեցով ամէն Հայ ան-
հատ, մանաւանդ հոգեւորականներ, հա-
մախոնութեամբ պիտի փափաքին որ Եկե-

կեցւոյ արտաքին կազմին և ժողովուրդին
արդի ըմբռնումներուն միջեւ ամրապինդ-
պահպանուի այն ներդաշնակութիւնը, ո-
րով պիտի կրնայ հաւատացեալ հոգինե-
րու բարեկապաշտութիւնը վառ մնալ : Նկա-
տի առնելու ենք նաև որ բարեկարգու-
թիւն ըսուածը սոսկ պատահական ծնուն-
դով մը չէ որ ներկայացած է այսօր, ընդ-
հակառակն դարուս իրական պէտքէն,
պահանջէն ծագած է այն, և ասոր հա-
մար բնաւ զարմանալու ուեզի չկայ, քանի
որ պիտի չներէինք երբէք որ քսաներորդ
դարուն ավրողներս ճիշդ միւնոյն զար-
գացումն, ըմբռնումն և ծուշակն ունենա-
յինք նախոկին դաբերու ասկրողներու հետ :
Ներկայիս պահանջը կարծեմ կարելի չէ
այլևս ծածկել կամ անտեսել . աւանդու-
թեան յարգն ու պահպանումն ալ իր չափն
ու ահամանը անցնելու չէ, ինչպէս կը
պահանջէ ողջմուութիւնը : Դեռ քանի մը
ամիս առաջ չէ՞ր որ ազգային ընդհանուր
հիմունով ու մէծ գոհունակութեամբ ող-
ջունուեցաւ ի սիբւռս աշխարհի ցրուած
Հայութինէն՝ այն լուսամիտ նախաձեռ-
նարկը, զոր Ազգիս Վեհ . Հայրապետ
գործնական մտածումով մը բարեհանեցաւ
ընել, Պսակի յատկացուած օրերու սահ-
մանափակումին վերջ տալով :

Պարագայ մ'ալ, զոր ուշադրութենէ
վրեսկեցնել չէ կարելի, այն է թէ բարե-
կարգութիւնը հապճեալով կատարուելիք
գործ մը չէ երբէք . բացարձակապէս կը

սիսալին այդպէս կարծողները , եթէ կան .
ընդհակառակն այն ունի մեղուաջան աշ-
խատութիւններ , զորս կարելի է կատարել
միայն համբերատար ոգւով , յատուկ ու-
սումնասիրութեամբ , խոհական և հեռա-
տես ուղղութեամբ , վասն զի նկատի տա-
նուլ պէտք է որ կարծուածին չափ դիւ-
րին գործ մը չէ Շարականը , Ժամադիրքը ,
Մայր Մաշտոցը , Տօնացոյցը , Զեռաց Մաշ-
տոցը , կանոնադիրքն և այլն իրենց ամ-
բողջութեանը մէջ ուսումնասիրել և նպա-
տակայարմար ընտրութիւններ ընել , միշտ
էական գաղափարն ու կաղապարը պահե-
լով : Չմունանք նաև աւելցնելու թէ
ծիսական այս բարեկարգութիւնը հոս Պոլ-
ոյ մէջ չէ՝ որ իր վերջնական վաւերա-
կանութիւնը պիտի ստանայ . ո՞չ , այսուեղ
ձեռնաս ժողովներէն պիտի անցնի , բայց
գործադրութեան կարենալ դրուելու հա-
մար անզայման ինդիրն ընդարձակ ու
պատճառաբանեալ Յիշատակադրով . մը՝
Պատրիարքարանի միջոցաւ՝ պիտի մատու-
ցուի Ամենայն Հայոց Հայրապետութեան ,
ու հնթարկուի այդգէսով մեր Եկեղեցւոյ
ամենաբարձր հեղինակութեան վճռին :

Ը . Դ Ա Ս Ա Խ Օ Ս Ո Ւ Թ Ի Ի Ն

(Գւ. 16 Հոկտեմբեր , 1913)

Կասախոս . — Տ . ԳՆԷԼ ԵՊԻՍԿ . ԳԱԼԷՄՔԵԱՐԵԱՆ

Նիւր . — Երեք Տիեզերական Ս. Ժողովները :

Քահանայական Լսարանիդ բեմէն այ-
սօր մէր երկրորդ բանախօսութեան նիւթէ
ընտրեցինք Երեք Տիեզերական Ս. Ժողովները ,
զորս մէր Ռւզզափառ Եկեղեցին մի առ մի
կը յիշատակէ Խաչի բարեկինդանի , Բուն
բարեկինդանի և Վերափոխման բարեկին-
դանի Շք . օրերը : Այսպիսի շահեկան նիւթի
մը վրայ խօսիլ կարեոր համարեցինք , ա-
նոր համար որ Հայ Եկեղեցւոյ քրիստո-
նաբանութիւնը , հաւատոյ էական ու վար-
դապետական մասերը հիմնուած ու բա-
նաձեւուած են նոյն երեք Ս. Ժողովնե-
րու որոշումներով . և մինչդեռ Յոյն եւ
Լատին Եկեղեցիներն աւելի՛ թուով ժո-
ղովներ իրը ամեղերական կը ճանչնան ,
Հայստանեաց Եկեղեցին այդ մասին հառ-
տատամիտ ոգւով միմիայն Նիկոլ , Կ .
Պոլայ . և Եփեսոսի Տիեզերական ժողով-
ները ընդունած է սկիզբէն ի վեր , և անսոնց
աստուածաշունչ որոշումներուն և եթ իր
անալիալ հաւատաբրութիւնը պահած է
ցարդ , ու պիտի պահէ :

Գիտէք անշուշտ որ Առաքեալներու
Ժամանակէն Եկեղեցին ընդունած էր քը-

րիստոնէական կրօնի վերաբերեալ ծանրակշխատ խնդիրները հաւաքական ձայնով լուծելու սկզբունքը : Քրիստոնէական հայածանքի գարերուն, սակայն, Եկեղեցւոյ Հայութը չունեցան ոչ դիւրութիւն և ոչ համարձակութիւն ի պահանջել հարկին համախմբուելու համար, այլ միայն թըղթակցութիւններով կարծիքներ փոխանակեցն, և խորհրդակցութիւններ կատարելով բաւականացան այս կամ այն խնդրոյ մասին, մինչև որ Քրիստոնէութիւնը վերջնականապէս իր յաղթական բազուկները տարածեց ամէն կողմ, և երբեմի հալածիչ պէտութիւններ՝ քրիստոնէացած՝ սկսան դիւրութիւններ խալ ընծայել ժողովական հաւաքումներու մասին :

ՆԻԿԻՈՅ ԺՈՂՈՎ

Եկեղեցն մէկին եղանակով սահմանած չըլլալուն համար Քրիստոսի աստուածութիւնը՝ Հօր Առտուծոյ բնութեան հումեմատութեամբ, կարծեազ տարրերութիւններու տեղի տուած էր այդ մասին: Ոմանք աշխարհի ստեղծագործութեան և Բանին Աստուծոյ ծնելութեան միջև ազերս մը հաստատելով՝ կը վտանգէին Որդւոյն Աստուծոյ յաւիսենականութիւնը: Ուրիշներ, առանց աստուածութիւնը ուրանալու, Որդին ստորագաս կը համարէին Հօր: Վէճը պայթեցաւ երբ 320 թուականին Արիոս Աղեքսանդրացի Երէցն յայանապէս հրապարակեց իր մոլար վար-

դապետութիւնը, ըստ որում ո՛չ միայն Որդին Աստուծոյ կը ստորագասէր Հօր, այլ նաև բացարձակապէս կը մերժէր ի Քրիստոս ձանչնալ աստուածային բնութիւն, զանի իբրև սոսկ արարած մը ընդունելով: Հերետիկոսապետն վարդապետութիւնը կը համառօտուէր հիմնական սա՛ երկու բանաձեւներուն մէջ. «Եր Երեմին յորժակ ոչ եր» և «յոշից եղեւ»: Աղեքսանդրիոյ հայրապետն՝ Աղեքսանդրոս՝ մարտնչեցաւ Արիոսի գէմ, և նոյն խակ 321 թուին Սինոդի մը մէջ բանագրեց թէ՛ զանի և թէ անոր կղերական համախոնները: Կորւն աւելի սաստկացաւ սակայն: Արիոս պաշտպաններ ունեցաւ Նիկոմիդիոյ Եւսեբիոս Խալիկոպոսի գլխաւորութեամբ. Ժողովուրդ ու կղեր նոյն խնդրով կը զբաղէին. այնպէս որ Կոստանդիանոս կայսրն ինքնքին պարտաւոր կը զգար կոռույն հանգարտութեան վրայ խորհելու. ուր ուրեմն՝ Աղեքսանդրոսի և Արիոսի միջև խաղաղարրի մը գերն ի զուր կատարելէ վերջ յուզուած խնդրոյն վերջնական լուծումը դանելու և ուրիշ քանի մը առկախ խընդիրներն ալ կարգադրելու նպատակաւ Տիերերական Ժողովի մը գումարումին հրաւէր կարդաց:

Ժողովը գումարուեցաւ 325ին Բիւթանիոյ Նիկիա քաղաքին մէջ (այժմ Իզնիք). Եպիսկոպոսներու թիւն էր 318, որոնք եկած էին Արեւելքէն և Առևմուտքէն: Հայոցս կողմէ ներկայ էր Արիստա-

կէս Հայրապետ : Ժողովին մէջ ուղղափառ հաւատոյ պաշտպաններ հանդիսացան Աղեքսանդրոս Աղեքսանդրացի, Եւստաթէոս Սնտիոքացի, Մարկեղոս Անկիւրացի հայրապետներն և Աթանաս Աղեքսանդրացի սարկաւագը : Ներկայ էին նաև Արիոս և իր համախոհները : Ընդհանուր հաւատութեամբ ժողովն ընդունեց Քրիստոսի աստուածութիւնն և Հօր Աստուծոյ հետ համագոյակցութիւնը, հաստակելով սա՛ բանաձեւը, «Աստուծ յԱստուծոյ, լոյսի բաւոյ, Աստուծ ձյնարիս, յԱստուծոյ ճշմարտէ, ծնունդ եւ ո՛չ արարած, նոյն ինքնի բնութեան Հօր» . իսկ Արիոսի անձը, մոլորութիւնը և հետեւողները նզովեց, նոյն ատեն ի հուր դատապարակով անոնց գրուածները :

Նիկիոյ ժողովն որոշեց նաև Զատիկը տօնել գարնան գիշերահաւատարին հետեւող լուսնի լրմանէ վերջն եկող կիրակին : Եկատողութեան առնելով Անկելոց խնդիրը, վաւերական համարեց հերետիկոսներու տուած մկրտութիւնը, հարկ անհամաշտ ընելով Խորհուրդին բոլոր պայմաններու կատարումը : Հաստատեց Հառվայ, Աղեքսանդրիոյ և Սնտիոքայ Հայրապետներու իշխանութիւնն իրենց եպիսկոպոսներուն վրայ . նոյն պատիւն ընծայեց նաև Երուսաղէմի աթոռին, որ մինչեւ այն առեն կւսարիա Պաղկւսախնացւոց Արքեպիկոպոսին իշխանութեան ներքեւ էր : Զրմանանք ըսելու թէ ժողովը սահմանած

է նաեւ հաւատացեալիներու հտմար կանոններ, որոնց կը հանդիպինք կանոնագիրք մատեաններու մէջ :

ԿՈՍՏԱՆԴՆՈՒԹՈՒՆՈՅ ՃՈՂՈՎ

Արիոսեան աստուածաբանութիւնն Որդին Աստուած արարած համարելով, ինքնին կ'եղբակացնէ անկէ նաեւ Ս. Հոգւոյն արարած մ'ըլլալլ : Սակայն այս հետեւութիւնը նախապէս աննշմարելի մնաց, ցորչափ վիճաբանութիւնը միայն Որդւոյն բնութեան վերաբերող կէտերու շուրջը կը յածէր : Դ. գարու կիսուն հակածառութիւնները հետզհետէ հրապարակ հանցին խնդիրը . հերետիկոսները կը մերժէին Հոգւոյն Արքոյ աստուածութիւնը, կարգելով զանի Աստուծոյ ստորագասպացտոնեայ ոգիներուն մէջ : Այս հոգեմարտ վարդապետութեան ջերմ պաշտպանն էր Մակեդոն Պատրիարք կ. Պոլսոյ : Միւս կողմանէ ուրիշ խումբ մը՝ Լաւոդիկի Ապողինար եպիսկոպոսին գլխաւորութեամք՝ կը ծայրատէր Փրկչին մարդկութիւնը, ուսուցանելով թէ Քրիստոս մարդկային մարմին միայն առնելով՝ չունէր մարդկային բանաւոր հոգի, և Բանն Աստուծոյ կը կատարէր իր մէջ անոր պաշտօնը : Այս վարդապետութեամբ Ապողինարեանները Յիսուսի հոգւոյն արտաքին ցուցակութիւնները կը վերագրէին ուղղակի աստուածային Հոգւոյն, ուրկէ կը ծագէր աստուածաչարչարութեան մոլո-

րութիւնը։ Աթանաս Հայրապետ ջերմ պաշտպան կանգնելով յարձակում կրող դաւանութեան աղեքսանդրեան Սինողի մը մէջ (362) յայտաբարել առաւ թէ երրորդութեան երրորդ անձն եւս համահաւասար և համագոյակից է առաջին երկու անձերուն։ Աւրիշ Սինողներ եւս չապաղեցան գումարուիլ Աղեքսանդրիա (363), Հոռիմ (374), Լէւրիկէ (375) և այլուր։ Հերձուածին ամենափայլուն ու վճռական գատապարտութիւնը պահուած էր Կ. Պողոսյ Տիեզերական ժողովին։

Այս Ս. Ժողովը գումարուեցաւ 384 թուին թէողոս Ա. Կայսեր կամքով ու նախագահութեամբ։ Ներկայ էին ամէն կողմէ 150 Հայրապեաներ։ Կարծեաց փոխանակութիւններէ յետոյ, Արքալսն Հայրապեանները միաձայնութեամբ հաստատելով թէ Հոգին Սուրբ Ճշմարիտ Աստուածէ, էակից Հօր և Որդւոյ, հետեւաբար Երրորդութեան երեք անձերէն մէկը, իսպառ հերքեցին Մակեդոնիաններու մոլար վարդապետութիւնը և նզովեցին աղանդն և աղանդառները։ Ժողովը նոյնպէս հերքելով ու նզովելով ապողինարեան մոլորութիւնը, հաստատեց ուղղափառ վարդապետութիւնն՝ ըստ որում Որդին Աստուածոյ ոչ թէ միայն մարմին առաւ, այլ և մարդացաւ կատարելապէս, մարդկային հոգի եւս առնելով։

Այս առթիւ Նիկիական Հանգանակին վրայ հարկ դատուեցաւ սա բացատրու-

թիւնն աւելցնել. «Եաւ մարմին, հոգի եւ միս եւ զաւենայն որ ինչ է ի մարդ, արշմարտապիս եւ ոչ կարծեօֆ»։ Ս. Ժողովին մէջ հաստատուեցաւ նաեւ Կ. Պողոսյ Աթոռոյն Հայրապետականութիւնը՝ համահաւասար իշխանութեամբ Հոռվմայ, Աղեքսանդրիոյ, Անտիոքայ և Երուսաղէմի Աթոռուներուն։ Նախապէս Բիւզանդեան պարզ եպիսկոպոսութիւն մ'էր Հերակլիոյ (Էրելի Ռոտոսութոյի) Եկղարքական Աթոռոյն իրաւասութեան հնթարկուած, բայց ի վերջոյ մալրաքաղաք ըլլալով, ի հարկէ չէր կարելի նոյն դիրքին մէջ շարունակել։ Թէպէտ Մետրոփանոս եպիսկոպոս սկսեր էր հայրապետական պատիւ և իշխանութիւն վայելել արդէն, բայց այս անգամ Տիեզերական Ժողովի որոշմամբ նոյն պատուոյ և իրաւասութեան մէջ հաստատուեցաւ վերջնականապէս, և իրեն սահմաններն եղան Հերակլիոյ, Եփեսոսի և Կեսարիոյ Եկղարքութիւնները։

Ե Փ Ե Ս Ո Ս Ի Ճ Ո Ղ Ո Վ

Նիկիոյ և Կոստանդնուպոլսոյ Ս. Ժողովներն հաստատեր էին քրիստոնէական հաւատայն հիմք կազմող Երրորդութեան և Մարդեղութեան Խորհուրդները։ Հարկ էր որոշել նաեւ թէ ի Քրիստոս աստուածային ու մարդկային բնութիւնները ինչ յարաբերութեամբ միացած էին։

Անտիոքայ դպրոցին զիխաւոր ներկայացուցիչը՝ Թէոդոր Մոպսուեստացի՝ կ'ու-

սուցանէր թէ աստուածութիւնը բնակեցաւ մարդկութեան մէջ, և թէ ի Քրիստոս կայ երկու անձն, և փոխանակ իրական միացում կ'ընդունէր երկու բնութեանց միջեւ։ Այս նորութիւնը յուզում չպատճառեց շորչափ Անտիքայ գպրոցի շրջանակէն դուրս չելաւ, բայց երբ Թէոդորի աշակերտներէն Նեստոր կ. Պոլոսյ Պատրիարքական աթոռը բարձրացաւ, իր քարոզներով յայտնապէս հրապարակեց նոր վարդապետութիւնը։ Իր վարժապետին պէս, Նեստոր չընդունելով ի Քրիստոս աստուածային և մարդկային բնութեանց իրական միացումը, Կ'ըսէր թէ աստուածութիւնը բնակեցաւ մարդկութեան մէջ, և միայն մարդն՝ ուրո՞ն մէջ բնակեցաւ Աստուած՝ ծնած է կնոջմէն, հետեւաբար Մարիամ չի կրնար Աստուածին կոչուիլ այլ միայն Քրիստոսածին եւայլ։

Կիւրեղ Աղեքսանդրոսցի մաքառեցաւ Նեստորի դէմ իր զատկական քարոզներէն մէկին մէջ (430)։ Նոյն տարին նաեւ Կեղեստինոս Պապ դատապարտեց զանի հրովմէական Սինոդի մը մէջ։ Կիւրեղ տասներկու յօդուածներ ներկայացուց Նեստորի, որոնց մէջ Եկեղեցւոյ հաւատքը բանաձեւուած էր։ Նեստոր ոչ միայն չընդունեց զանոնք, այլ և ինքը տասներկու ներհակիմաստ յօդուածներ խմբագրեց իրը պատասխան։ Հակառակութեան և վիճաքանութեան աճումը կայսեր ուշադրու-

թիւնը հրամիրեց խնդրոյն վրայ։ Թէոդոս Բ.ի հրամանաւ Տիեզերական նոր ժողովի մը գումարումը որոշուեցաւ։ Եվեսոսի մէջ (այժմ Այա-Սուլուք Զմիւռնիոյ) 200 Հայրապետաներ ներկայ էին Ս. Ժողովին, որ գումարուեցաւ 431 թուին։ Նախ ապացուցանելէ և գորեղապէս հաստատելէ յեայց երկու բնութեանց իրական միացումն ի Քրիստոս և Մարիամու Աստուածածին ըլլալը, միաձայնութեամբ ներքեցին ու նզովեցին Նեստորի մարդագաւան վարդապետութիւնը։ Հերետիկոսապետին բարեկամներէն Յովհաննէս Անտիքացի դիտմամբ յապաղելով իր ժամանումը, Ժողովոյ նիստի փակումէն վերջը հասաւ Եվեսոս, և իր կողմէ քառասուն երեք եպիսկոպոսներով ժողովակ մը գումարեց, պաշտպանելու համար իր բարեկամ Նեստորը և բանաղբելու անոր հակառակորդները։ Երկու ոսոխ Ժողովներու հանդէպ Թէոդոս փոքրն Ուզգափառներու կողմին պաշտպան կանգնեցաւ, և թոյլատրեց որ Ուզգափառ հաւատոյ պաշտպանները նոր եպիսկոպոս մը դնեն կ. Պոլոսյ աթոռին վրայ։ Կայսերական հրովարտակով Նեստորը աքսորուեցաւ Եգիպտոս, արգիլուեցաւ հերետիկոսապետին գրուածներու ընթերցումը, և նոյն ատեն Եղեսական դըպորոցը՝ որ գիխաւոր ամրոցն էր եղած նեստորականութեան՝ փակուեցաւ։ Այս և այսօրինակ միջոցներով հերետիկոսութիւնը բնաջինջ եղաւ կայսրութեան սահման-

ԼՍԱՐԱՆ

ՔՈՀՈՆԱՅԱԿԱՆ ՄԻԱԽԹԵԱՆ

ՆՈՐ ՇՐՋԱՆ

Ամեն. Օրմանեան Մրգազան, որ այն-
խան հզօր սատար մը եղու Կ. Պոլսոյ Քա-
հանայական Միութեան դասախոսու-
թեանց առաջին շրջանուն բանալով իր-
քեալ բանախոսութիւններով, 1944 մարտ
ամսոյ մէջ բացաւ դասախոսութեանց երկ-
րորդ շրջան մը, յաջորդաբար խօսելով եր-
կու շաբարներ՝ Դալարիոյ հորհրդարանին
մէջ, իր բահանայ ունենդիրները գերա-
զանցուեն շահագրգռող նիւթի մը գրայ,
այն և բահանայութեան դերը, պաշտօնը,
իր դիրքը բարձրացնելու միջոցները։ Ա-
ռաջին դասախոսութեան մէջ նեղինակո-
րեն խացուց եկեղեցականութեան ասի-
նաներու դասակարգութիւնը, սուրբն
(դռնապան, ջահընկալ, դպիր), միջինն
(սարկաւագ, բահանայ), բարձրագոյն (ե-
պիսկուպոս, արքէպոս., հայրապետ), բա-
ցատրելով անոնց իւրաքանչիւրին պարտա-
կանութեան և իւրանոց սահմանները,
շեշտելով որ ասոնց մէջ տիրող գաղափարն
եղած և սեր եւ գործակցութիւն, սեր մեր
պարտին, մեր դասակարգին, որ սակայն
մեր մէջ չե առանձին մարմին, ինչպէս

ներէն, և միակ ապաստանաբան մը դատաւ
Պարսիկ հողին վրայ, ուր կորովի պաշտ-
պան մ'ունեցաւ իրեն Բարձումա Ասորին։

* * * Հայ Եկեղեցին Տիեզերական Ժո-
ղովներէն այս երեքը միայն ընդունե-
լով իր գոյութեան մշտատեւ ապահովու-
թիւնն երաշխաւորեց, և խորշելով նոր
դաւանութիւններէ, միշտ փարեցաւ հնոյն,
այնպէս որ այսօր կը ներկայանայ Ան իր-
բեւ Եկեղեցի մը՝ որուն մէջ կայ ամրա-
պէս պահուած զուտ գաւանութիւնը Սըր-
բազան Սուաքեալներուն և երեք սրբա-
գումար ժողովներուն։



լատին կամ արեւելեան Եկեղեցեաց մէջ, ուր կղերականութիւնը ինքզինքին բաւեց, մինչ Հայ Եկեղեցին չունի կղերականութիւն, այդ Եկեղեցեաց մէջ ըմբռնուած իմաստով, որովհետեւ չունի ապրուսի անկախ միջոց։ Մեր Եկեղեցին ընդունած է ոչ-եկեղեցականին մասնակցաւթիւնը, իին ատեններէն մինչեւ հիմա, կանոնական եւ դաւանական խնդիրներու իսկ մէջ։ բայց Եկեղեցական քէ աշխարհական պէսֆ է իրարու օգնեն եւ ոչ քէ արհամարհեն։ Աժխարհականը Եկեղեցիի՝ ոգրով պէսֆ է մտնէ Եկեղեցի եւ ո՛չ քէ հակառակ Եկեղեցւոյ։ Սնցենով քահանայութեան, շետեց անոր հոգեւոր դերը ժողովուրդին մէջ, հաստեց անոր ալ քարոզելու իրաւունքը՝ համաձայն Մատոցի։ բայց խնդիրը այն է որ քահանան իր հմտութեամբ եւ խօսելու կարողութեամբ արժեցնէ այդ իրաւունքը, եւ ցրէ ժողովրդային նախապատրումը իր մասին։ Ասո՞ր համար պէսֆ է աշխատի քահանայութիւնը։ Ասոր առաջին միջոցն է Ընծայարաններէ, Դպրանցներէ ելլողները միայն ընտրել քահանայ, ինչպէս է Ռուսահայոց մէջ։ Քահանայութիւնը ինն պէսֆ է հարկեցուցիչ ընէ այս պայմանը։ նիւթականը չի բարձրացներ մարդը, այլ տաղանդը։ Ուրիշ կարեւոր միջոց մէկ ասպարէզի ընդարձակումը, եւն։

Բ. դասախոսութեան մէջ Ս.Ա.Ե. Օր-
մանեան Մըրազան ծանրացաւ բահանայեց
նիւրականին վրայ. դեմ խօսեցաւ ամա-

կանի դրութեան, բայց առաջարկեց շատ
գործնական միջոցներ՝ մասնաւորապես
ժողովուրդին ամսութեայ նուերի բաժինի
մը գանձումը՝ պնակի, եւն.ի փոխարեն,
բայց իրենց՝ քահանայից՝ կողմէ գանձուե-
լու պայմանով եւ. ո՛չ թաղ. Խորհր-
դոց կողմէ:

Դժբախտութիւն մը եղաւ մեզ որ, հարկեցուցիչ պարագաներու բերումավ սփառած ըլլալով բացակայի, չկարողացանք ընդարձակօրէն ներկայացնել այս հիւրեղ դասախոսութիւնները:

Գ. Գասախօսութիւնը, որ տեղի ունեցաւ Եօ. 20 Մարտ 1914, բնդարձակորեն կը ներկայացնեմ:

Բ. ՇՐՋԱՆ. — Գ. ԴԱՍՏԱՅՈՍՈՒԹԻՒՆ

**Գասայնու.— ԱՄԵՆ. ՕՐԱԿԱԵԱՆ ՍՐԾԱԶԱՆ
ՆԻԹ. — ՔԱՀԱՆԱՑԻՑ ԱՆՁՆՈՒԿԱՆ ԿԵԱՆՔԲ.**

Ներկայ Բ. շրջանի Ա. և Բ. դաստիարակութիւններուն մէջ Ա.մէն. Օրմաննեան Սրբազնա խօսելէ ետքը՝ 1. Քահանայից աստիճաննին, նկարագրին, դիրքին, և 2. Անոնց նիւթական պահանջներուն մասին, գ. Դաստիարակութեամբ խօսեցաւ անոնց Անձնական Կեանին վրայ:

Այս մասին շատ բաներ խօսուած են՝
նպաստաւոր կամ աննպաստ, հին թէ նոր

ժամանակներու մէջ, սկսեալ Մեծն Սահակ Պարթեւ Հայրապետէն մինչեւ հիմայ։ Եւ անկեղծօրէն պէտք է ըսել թէ դառն ճշմարտութիւններ կան այդ ըսուածներուն մէջ։

Անցնելէ առաջ բուն նիւթին, դասախոս Սրբազնը խօսեցաւ քահանայից անձնական կեանքին հետ սերտ առնչութիւն ունեցող մէկ երկու հարցերու վրայ։

Քահանայք ի՞նչու քարոն չերրան։ —

Քանի որ քահանաները վանականներու պէս զուտ հոգեւորականի նուիրեալ չեն, աշխարհէն քաշուած չեն բոլորովին, ինչո՞ւ անոնք զրկուին թատրոնէ, տեսարանէ, հանդիսավայրերէ, պարկեշտ զրօնավայրերէ, կ'ըսեն մանաւանդ կովկասի մէջ, և քիչ մըն ալ այստեղ։ Թատրոնը գեղարուեստ մըն է, ինչո՞ւ զրկել զիրենք. ինչո՞ւ քահանային արգիլուի հանրային վայրի մը մէջ սուրճ խմել կամ նուագ մտիկ ընել։ Զրկումը աւելի՛ գէշ է։

Բանախօսը դիտողութեանց կէտը ճշշտելէ ետքը, հետեւեալ կերպով պատասխանեց։ —

Ըստ երեւութին բանաւոր հիմ մը ունի այս դժգոհութիւնը, քանի որ այդ յիշուածները մեղանչական բաներ չեն, թէ ոչ պէտք կ'ըլլար աշխարհականներու ալ արգիլել։ Արդ, ինչ որ մեղք չի նկատուիր աշխարհականին, պէտք չէ նկատուէր քահանային ալ։ Բայց եթէ ուշադ-

րութեան առնուի քահանային ժողովրդեան մօտ ունեցած զիրքը, պիտի տեսնըւի թէ ժողովուրդը հոգեւորական սքեմին շատ բարձր նշանակութիւն մը կ'ընծայէ։ Քահանան նուիրուած մըն է սուրբ նպատակի մը. իր վրայ կատարուած ձեռնազրութիւնը և օծումը կը բարձրացնեն զինքը հասարակ ժողովուրդի մակարդակէն վեր։ Ամէն մարդ կրնայ աղօթք մը ըսել, բայց ժողովուրդը քահանային է որ օրհնել կուտայ իր ննջեցեալին գերեղմանը։ Արդ, ո և է բարձրացում իրեն հետ կը բերէ նաեւ անխուսափելի զրկումը։ Ասիկա տարրական պահանջ մըն է. եթէ զըրկում չըլլայ, հաւասարի ասախճանին պիտի իջնէ քահանան։ Զրկումը պահանջ մըն է անոր սքեմին, կարգին, պաշտօնին նուիրականութեան և առաւելութեան։ Այդ զրկումին ենթակայ են ամէն մեծերը, իշխանաւորներն և արքայազուններն իսկ, որոնք չեն կրնար ընել ինչ որ ժողովուրդը կ'ընէ։ Եւս առաւել հարկեցուցիչ է ուրեմն ան՝ եկեղեցականին նուիրականութեան։ Այս երեւոյթը կը տեսնուի այն եկեղեցիներուն մէջ ուր հոգեւորականութիւնը մասնաւոր յարգ կը վայելէ։ Իսկ ուր որ զրկում չեն տար, չկայ նաեւ առաւելակիու գիրք։ Քահանան որ ծխատէր է, բարյականութեան ալ իշխան մըն է՝ իր հովուած ընտանիկան յարկերուն մէջ։ հետեւապէս իր ենթարկուած զրկումը իրեն համար պատիւ է, վասն զի բարձր դիրք

մը կ'ընծայէ իրեն։ Այսու հանդերձ, եթէ
յատուկ կարգադրութիւններ, ձեւեր, օ-
րեր ըլլան, թերեւս յառաջիկային զոր-
ծադրելի ըլլայ յայտնուած փափաքը։

Սպիրի բահանաներուն վերամուսնութիւնը։—

Նոյն նկատողութիւնն է որ արգելք
կ'ըլլայ այրի քահանաներու վերամուս-
նութեան։ «Միոյ կնոց այր» առաքելական
բացարութիւնը մեկ անգամ ամուսնացած
կը նշանակէ, և ոչ թէ մեկէ աւելի կին
ցունեցող, քանի որ միակնութիւնը առա-
ջին օրէն ընդունուած դրութիւնն էր ընդ-
հանուր քրիստոնէութեան մէջ, և մէկէ
աւելի կին ունենալ երբեք ներուած չե-
ղաւ Քրիստոնեաներուն։ Ս. Սահակի կա-
նոններուն մէջ կ'երեւի այս զրկումը։ Ս.
Սահակ Պարթեւ երկրորդ ամուսնութենէ
ծնածն իսկ կ'արգիլէ քահանայութենէ։
Հին կանոններու համաձայն, այրի քահա-
նան, եթէ վաթսունամեայ էր, կը շա-
րունակէր իր քահանայութիւնը ժողովրդ-
եան մէջ, եթէ ոչ վանք պիտի քաշուէր։
Մէնք այսեւս տարիքի հաշիւ չենք բռներ,
վստահելով այրիներու խոհականութեան։

Ընդհանուր առմամբ ալ, ամէն օրէնք
գրկում մըն է, որ անհատներու վրայ կը
դրուի, հանրութեան օգուտ մը յառաջ
գալու համար։ Եւ դիտելի է որ, նոյն իսկ
աշխարհականներուն մէջ, 50ին մօտ ա-
մուսնացողները անժուժկալի աչքով կը
դիտուին։ Եւ այրիացեալ քահանաներ այդ

տարիքին մօտ են. ցանցառ բացառու-
թիւններ են շատ երիտասարդ այրիացող-
ները, և քանի մը հատի համար առաքե-
լական օրէնք փոփոխել հարկ չէ։ Բաց
աստի եթէ ներելի ըլլար քահանայից երկ-
րորդ ամուսնութիւնը, բնականաբար նե-
րելի պիտի ըլլար նաև սիրահարութիւնը՝
անոնց, որ իբրեւ ծխատէր և խոստովա-
նահայր, ժողովուրդին խղճին դուռը ի-
րենց ձեռքին մէջ ունին։ Ես կը յիշեմ
այրիացող քահանայ մը որ վարդապետ
ալ եղած էր, և սակայն ամուսնական
զործի մը մէջ հազարումէկ դարձուածք
ներով այնպիսի ձեւի մը բերաւ որ խօ-
սեցեալները զատելով, հարմացուն իր
զաւկին առաւ։ Ամէն պարագայ կշռելով,
պէտք է որ քահանան բոլորովին վեր և
բարձր ըլլայ այսպիսի նկատումներէ։

Մերձաւորապէս 4000 կը հաշուուի
հայ քահանաներու թիւը բոլոր Հայաս-
տանեայց Եկեղեցւոյ մէջ։ Քանի՞ այրի
քահանաներ կան, և ատօնց մէջ քանի՞ն
երիտասարդ վիճակի մէջ է, որ քահա-
նայից վերամուսնութիւնը օրէնք ընենք։
Եւ արդէն, մեր Եկեղեցին չ'արհամարհեր
սքեմը թողուցողը։ Հայ Եկեղեցին կը
յարցէ անհատական ազատութիւնը, կը
ներէ ալ, եթէ անպատճութիւն չմացուի։
Երբեք կանոնական դատապարտութիւն
չենք վճռեր սքեմը թողուցողին, եթէ
դիտցած է պահել իր պատիւը։
Կրնանք ուրեմն եղբակացնել թէ զբո-

կումները եկեղեցականութեան մեծութեան և բարձրութեան փաստերն են: Նոյնիսկ յետին դասակարգէ մէկը՝ երբ քահանայութեան կը բարձրանայ, իշխանաւորէն աւելի վեր է. և ասիկա, ինչպէս ըսինք, պէտք է իրեն հետ անխուսափելի կերպով բերէ զրկումներն ալ:

Քահանացից ընտանեկան կեանքը. —

Ի՞նչ պիտի ըլլայ քահանային ընտանեկան կեանքը՝ իր շրջանակին մէջ: Պօղոս կը գրէ. Որ իւրոց յնետանեաց յինամ ոչ տաց նիցէ, ի հաւատոցն ուրացեալ է: Քահանան մասնաւոր խնամք պէտք է տանի իր ընտանեկան կեանքին որբութեան և մաքրութեան: Իր ենթարկուած զրկումներէն մաս մըն ալ թերեւս կը ծանրանայ իր ընտանեկան պարագաներուն վրայ, որոնք պէտք է ունենան չափաւորութիւն, պարկեսութիւն, թերեւս զրկումներ ալ:

Հին ժամանակ քահանայութիւնը ժառանգական էր: Ս. Սահակ Պարթեւ ցաւոք ըսած է թէ քահանաները իրենց զաւակները լաւ չեն կրթեր, որով անոնց մէջ արժանաւոր քահանայացուներ չի գաներ գուրգուէն առնելու կը ստիպուի: Նոյն իսկ քահանայապետութիւնը մէկ ճիւղ կը մնար, ամէնուն յայտնի է Ս. Լուսաւորչի գաւակներու և թուաներու պարագան: Նըշանաւոր է Մեծն Ներսէսի կաթողիկոսացումը. — Յուսիկի զաւակները մերժած էին.

Թոռը՝ Ներսէս՝ կը մնար Լուսաւորչի ցեցէն շառաւիդ, որ թէ եւ զինուորական և առպետական կեանքով կ'ապրէր, բայց կաթողիկոսութեան բարձրացաւ ժողովրդական և իշխանական բռնադատութեամբ: Յետ ժամանակաց ունինք Մագիստրոսի սերտանդը: Ասոնք ինքզինքնին Լուսաւորչի ցեղէն կը նկատէին, բայց եթէ լաւ զննենք, ոժուար է զայն հաստատել զի Լուսաւորչի արական սերունդը Սահակով վերջացաւ, իսկ իգական սերունդը ներկայացնող Սահակի գուստը Մամիկոնեանց հարս եղաւ, և Մամիկոնեանք ինքզինքնին երբեք Լուսաւորչի սերունդ չնոչակէցին. հաւատաբար Կամսարականներու ցեղէն էին որուն բացարութիւնը մեր նպատակն դուրս է. միայն թէ անգամ մըն ալ ժառանգական էր կաթողիկոսութիւնը. ասիկա վերանորոգուեցաւ Վկայասէրէ ետքը, և յաջորդներուն մէջ մինչեւ 18 և 25 ապրիկան կաթողիկոսներ կը միշտին, ինչպէս Գրիգոր Պահաւունին և Գրիգոր Քարավէժը: Ժառանգական ճիւղ մըն ալ կրնանք նկատել Մոկացիներու ցեղէն Անանիան, Սարգիսը. Պետրոսն ու Խաչիկը: Լաւ է ուրեմն որ Հայ Եկեղեցւոյ ընդունած սովորութեանց համաձայն՝ քահանացի զաւակներ քահանայ ըլլան: Թէեւ պարտաւորիչ չէ ասիկայ, բայց քահանայք հայեցակտը ի նկատի կրնան ունեալ իրենց զաւակաց դաստիարակութեան ասեն:

* * ♫ Գանք քահանային պաշտօններուն:
Ասոնք երեք կարգի կրնանք բաշխել.

Ա. — Խոստովանահայր, ծխատիրութիւն.

Բ. — Եկեղեցւոյ մէջ ծխակատարութիւն.

Գ. — Զանազան խորհրդակատարութիւններ:

Ս. — Քահանան ծխատէր-խոստովանահայր

Ծխատէր քահանային նույիրական պարտականութիւնն է յաւ հսկել իր ժողովուրդին, անոր ընտանեկան, բարոյական և ներքին կեանքի բոլոր իրադարձութիւններուն մէջ: Փափուկ, դժուարին պաշտօն, մանաւանդ հիմա երբ քահանային յարգը կը պակսի, երբ խրամ մտիկ ընողներ քիչցած են, և աղօթքի դիմողներ շատցած չեն: Եղեկիէլ կը պատուիրէ ժողովուրդը զգուշացնել, զի եթէ չզգուշացնեն, պարտական կը մնան: Ի՞նչպէս զգուշացնել սակայն, երբ կրօնի պաշտօնեան կորուսած է իր երբեմնի ազդեցութիւնը: Դժուարութիւնը կը զգանք, բայց դժուարութիւնը չ'ազատէր մարգը պատսխանառութենէ. անհնարութիւնն է միայն որ կ'արդարացնէ: Որպէս զի ժողովուրդը ուշադիր ականջով լսէ քահանային, պէտք է որ ասիկայ հմտանայ՝ անոր վրայ ազդելու աստիճան, գիտնայ հետեւի աշխանքի ընթացից: Մարդկային խիզճերը չեն ցամքիր բնաւ. գիտնալու է

միայն անոնց ազդելու կերպը, և նոր պայմաններու համեմատ, պարտաւորութիւններու բարձրութեան վրայ գտնուիլ: Քահանայիք ունին ընտանեկան բարոյականի վրայ հսկելու պարագը. ուստի յաջողելու համար, իրենք պէտք չէ ունենան կենցաղի, խօսուածքի, շարժուածքի թերութիւններ: Քահանայիք արտաքինով ու ներքինով, գործով ու խօսքով ժողովուրդին վրայ ազդելու դիրքին մէջ գտնուելու են: Ինչ որ ալ ըսուի, ժողովուրդը քահանային տակաւուին բան մը կը սպասէ, իսկ քահանան որպէս զի կարենայ ազդել, պէտք է որ կարողութիւն և ոյժ ունենայ: Ժողովուրդին բարոյականը և խիզճը իրեն ձեռքն են, և այս կը ստիպէ զիրենք՝ զարգանալ ու բարձրանալ: Ժողովրդական առած է. Մարդ մարդու յահանայ, մարդ մարդու սատանայ, ուր յահանայ և սատանայ բացատրութիւնը, իրը երկու հակառակ եզրերու անձնաւորութիւն կ'իմացուին, և ինչպէս սատանայ չարութեան անձնաւորութիւն կ'առնուի: յահանայ ալ բարութեան անձնաւորութիւն կը նկատուի:

Քահանայութիւնը պէտք է ուրեմն հոգտանի իր բարձրացման. գտնուողներուն վրայ պէտք է հսկել. գալիքները պէտք է լաւ լնարել: Եթէ հասարակ արհեստաւոր դասակարգերը, կամ ինչպէս կ'ըսենք՝ հսկամքները նախանձախնդիր են իրենց դասակարգին, ապա ուրեմն ո՛չափ նախան-

ձախնդիր ըլլալու են քահանաները, որոնք
հոգիի և խղճմտանքի հետ գործ ունին:
Մէկ խօսքով, քահանայութիւնը պէտք է
փոխուի և բարձրանայ, որչափ որ պաւ-
մաններ ու պահանջներ կը բարձրանան:

Ա—Եկեղեցական պաշտամունք.—

Այս կէտին չմտած հարկ կը սեպեմ Ս.
Սահակի հետ ըսել. «Ոչ երե յաղազ ամօք
ինչ առնեղոյ զր ասեմ ի խոր խոցելով յան-
դիւնանութեամբ, այլ զի մի երեւեցի յեկե-
ղեցւոց այսպիսի անօրէն սովորութիւն:»
Պէտք է եկեղեցական պաշտօնը ազգեցու-
թիւն գործէ ժողովրդեան վրայ: Դժբախ-
տաբար քահանայից մէջ սովորական դար-
ձած է եկեղեցւոյ մէջ ներս ու դուրս
մտնել և ելելը՝ խօսելու, ծխելու, հան-
գստանալու համար, դասին մէջ խօսիլ,
կեցուածքի ու շարժուածքի մտադրութիւն
չդարձնել: Եկեղեցական պաշտամունք
այս պայմաններուն մէջ բարեպաշտու-
թեան տեղ գայթակղութիւն յառաջ կը
բերեն: Հռոմէական եկեղեցւոյ հետեւող-
ներ ազօթաքիրք մը կը տանին և անով
կը զբաղին, որով իրենց ազօթքը կատար-
ուած պաշտամունքէն անկախ կը դառնայ:
Մէր մէջ ժողովուրդը կը հետեւի արարո-
դութեանց, և զրեթէ երգուածներն և ա-
սացուածները կը կրկնէ: Քահանայական
ազօթքներու վերջին ամենը ժողովուրդինն
է: Ժողովուրդը գոյց չի գիտեր եկեղեցա-
կան բոլոր պաշտամունքն և արարութու-

թիւնները, բայց երկիւղած ուշադրու-
թեամբ և մտադիւր բարեպաշտութեամբ
կ'ունկնդրէ և վերջին ամեններով զրուց-
ուածները կ'իւրացնէ. ուստի պէտք է որ
շինիչ ըլլան պաշտամունքը. այլ գժբախ-
տաբար ճիշտ հակառակը սեղի կ'ունենայ,
և ասոր համար է որ ժողովուրդը եկեղեցի
չի կենար և մնացողներն ալ սրբալյարի
մը վայել պատկառանքը չեն պահեր: Տը-
ղաք կը խաղան, կիներ բազարլին կ'ը-
նեն, այրեր առուտուրի մէջ են, մէկը կը
խնդայ, պղտիկը «սիմիտ» կ'ուտէ: Ցաւով
պիտի ըսեմ թէ ուրիշ Եկեղեցիներ արտա-
քինով մեզմէ շատ աւելի պարկեշտ են.
թէպէտ կը հաւատամ որ մենք ներքնա-
պէտ թերեւս աւելի պարկեշտ ենք, բայց
արտաքինն ալ պէտք չէ անարգենք. զի
անկէ կը չափեն մեզ ուրիշները:

Քահանային պարագն է ո՛չ միայն
գիտնալ ասոնք, այլ և սորվեցնել: Քա-
հանան իր անձի ընթացքովն և օրինա-
կովը պիտի ազգէ ժողովուրդին վրայ:
Ներկայ պայմաններուն մէջ եթէ ժողո-
վուրդը կը պազի, յանցանքը մերն է, եղ-
բարք: Ասիկա կը վասէ ո՛չ միայն մեր
պատիւին, այլ և մեր շահերուն:

Գ—Խորհրդակատարութիւն.—

Ամէն խորհուրդ իրեն յատուկ պահանջն
ունի: Եկեղեցւոյ եօթը Խորհուրդներէն
Զեռնադրութիւնը եպիսկոպոսներու պաշ-
տոնին մէջ կ'ինայ: Իսկ վերջին Օծում

ըսուածը Հայ Եկեղեցին չունի։ Անոր ա-
նունը Հայաստան մտաւ ԺԲ. դարուն Դո-
մինիկեան Ունիդորներու կամ սկոլաս-
տիկեան ուսմանց հետեւողներու միջոցաւ,
որոնք կրցան լատինական ձեւակերպու-
թիւններ տպաւորել. այնպէս որ ատմաց
ամենաջերմ հակառակորդը Գրիգոր Տա-
թեւացին իսկ, թունդ հայադաւան ըլլա-
լով հանդերձ, երթարկուած է այդ ազդե-
ցութեան. և իր Հարցմանց գիրքը հաս-
կընալու համար լատիններէն գիտնալու է։

Մնացեալ հինգ Խորհուրդներու կատա-
րումը քահանայից անկ է։ Ատոնցմէ Մը-
կըրառութիւն և Դրոշմ տղայոց վրայ կը
կատարուին և ենթակային ազդերու համ-
գամանքներ կը պակսին։ Կը մնան Խոս-
տովանութիւն և Հաղորդութիւն և Պսակ։

Խոստովանութեան միջոցին յարմար
չէր որ Մեղայն քահանան ըսէր, զի ատի-
կա խոստովանողին ըսելիքն է։ Անհրա-
ժեշտ է ժողովրդեան հասկցնել խոստովա-
նութեան էութիւնը։ «Մեղայն մեղքերու
ցուցակ մըն է, որպէս զի խոստովանողը
կորենայ դիւրաւ միտք բերել իւր մեղ-
քերը։ Անոնց մէջ այնպիսի տարադէպ
բաներ ալ յիշուած կը գտնուին, որ լաւ
կ'ըլլար մէկ քանի տուներ տղայոց և կա-
նանց ականջին ալ չլսեցնել։ Արդէն անոր
խմբագրութիւնը վերջին գարու գործ է
և զուտ հայկական չէ։ Առանց Հռովմէա-
կաններու նման անզգոյց հարցափորձեր
կազմելու ալ, պէտք է որ ապաշխարողը

իր յատուկ մեղքը յայանէ։ Իսկ առանձ-
նական խոստովանութեւն մէջ Հռովմէակա-
նաց ընդունած ոճը իննովկենտիոն Գ. Պա-
պէն ասդին զօրացաւ, և անոր համար Բո-
ղոքականներ խոստովանութիւնը իննով-
կենտեան տանցանեցին։

Խոստովանահայրը պէտք է հոգ տանի
որ եթէ ի գէմս Աստուծոյ մեղքերը սիրտի
զղում կը պահանջնեն, սակայն ի դէմս
մարդկան մեղքերը զղումէ զատ հատու-
ցում ալ կը պահանջնեն։

Ապաշխարութեան կէտն ալ մեծ և
փափուկ գործ մըն է քահանային համար,
որպէս զի կարենայ ատոր մէջ շատ օգտա-
կար ըլլալ և ապաշխարողը Ս. Հաղոր-
դութեան պատրաստելու համար բարե-
րար ազդեցութիւն ունենայ իր խոստովա-
նորդիին վրայ։ Ս. Հաղորդութեան համար
ալ գիտակցութիւնը արթնցնելու է ժողո-
վրեան մէջ։ Հոգեվարքի թոշակին գալով,
արթնութիւն և փութաջանութիւն պէտք
է. այն չմերժուիր հոգեվարքին, եթէ նոյն
իսկ «մեղայ» ըսելու չափ կարողութիւն
մնացած չըլլայ վրան։

Պսակի Խորհուրդին մէջ այժմ ընդհան-
րապէս քահանայք վերջին պահուն կը
կանչուին, երբ ամէն կարգադրութիւն ե-
ղած է։ Հետեւապէս ի վիճակի չեն ըլլար
մեծ ազդեցութիւն գործելու։ Ուստի պէտք
է մեծ արթնութեամբ հսկին, որ անտե-
զութիւններ չպատահին, և երբ վերջին
պահուն ալ հրաւիրուին, կրնան շինիչ դեր

ունենալ՝ սազդելով հօրը և մօրը վրայ։
Ամէն պարագայի մէջ ամուսնութիւնը
քաջալերել հարկ է։ Ամուրիութիւնը մի-
այն վանականութեամբ կ'արդարանայ, զի
վանքն ալ քիչ շատ ընտանիքի մը ձեւ
կ'առնէ։ Նոյն իսկ վանականն ալ վանքէն
դուրս թերեւս շփոթի։

Բայց ամուսնութիւնը պէտք է ժամա-
նակին կատարուի, երբ սրտերը տաք են.
անդամ մը որ պաղին, դժուար է այլեւս
կազմել ընտանեկան սերտ միութիւնը։
Երկաթները տաք վիճակի մէջ կրնան միա-
նալ անբաժան. պաղելէ վերջ ամէն ջանք
անօդուտ է զանոնք միացնելու։ Երբ ըն-
տանեկան սերտ միութեան յարգը մոռ-
ցուի, այնտեղ աղատ սէրն է որ կը սկսի
քարոզուիլ, որ երբեմն նոյն իսկ վարժա-
րանի տղոց ականջը կը դրուի, կ'ըսեն,
ինչ որ մարդկութեան բնական եղող՝ ըն-
տանեկան կեանքին, և նոյն իսկ մարդ-
կութեան անկումն է։ Ընտանեկան կեան-
քին՝ բնութեան պահանջ ըլլալու ապացոյցն
է նորածին երախան, որ մայրական խը-
նամքի կը կարօտի տարիներով, մինչ ա-
նասնոց ձագեր ծնելէն գրեթէ անմիջապէս
ետքը չորս ոտքի վրայ կը կանգնին ու կը
քալեն և մնունդի կը հետեւին։ Արդ,
քանի որ ընտանեկան կեանքը հիմն է պա-
հանջի մը, քահանաներու դերը կը բարձ-
րանայ, և իրենց գործը չվերջանաբ Առ-
եալ զձեռն ըսելով, այլ կը պահանջէ որ
պատրաստեն ամուսնական պարկեշտ յար-

կեր, հսկեն անոնց բարոյականին և եր-
ջանկութեան վրայ։ Փափուկ գործ ար-
դարեւ։ Քահանայք, իրաւ, սաստի իշ-
խանութիւն չունին, բայց չեն ալ կրնար
թոյլ ըլլալ՝ եթէ տէրն են իրենց պաշտօ-
նին։ Մեծ իմաստութիւն, չըջահայեցու-
թիւն պահանջող գործ մը արդարեւ, ո-
րուն քահանայք նուիրելու են իրենց բո-
լոր ուշադրութիւնը։

Ս. Ամեն. Դասախոսը, իրեւ փակում,
կարդաց Ս. Սահակ Պարթեւ Հայրապե-
տին վասն Քահանայից կանոնները. զորս
կը հրատարակենք ի ստորեւ։

Դասախոսութիւնը վերջացուց Ս. Բա-
նախօսը՝ քահանայից համար ալ կրկնելով
Ոսկերերան Հայրապետին պատգամը՝ Ոչ
ո՞յ վնասի, եթէ ոչ յիւրմէ։

Ս. ՍԱՀԱԿ ՊԱՐԹԵՒ ՀԱՅՐԱՊԵՏԻՆ

Ս. Սահակ Պարթեւ Հայրապետի «Վասն Քահա-
նայից» կանոնները, դիւրահասկնալի եւ աւելի լայն
սահմանի մէջ օգտակար ըլլալու համար, լաւագոյն
համարեցինք ոչ թէ զրաբար բնագիրը, այլ աշ-
խարհաբար թարգմանութիւնը հրատարակեւ, ան-
հրաժեշտ բացատրական ծանօթութիւներով՝ պար-
զաբանուած նոյն ինքն Օրմաննեան Ս.ի կողմէ։

Ն. Սրբազնութեան այն միջոցներուն երևսարձէմ
մեկնումին հետեւանօր այդ հրատարակութիւնը
կը կատարենք՝ նոխացուած հմտալից բացատ-
րական ծանօթութիւններովը, թրբահայ եկեղե-
ցականութեան միւս հմուտ դէմքին՝ բանաստեղծ
եւ բանասէր Ամեն, Տ. Եղիշէ Ս. Արքեպ. Դուրեհանի։

Ըստի. Եկեղեցականութեան եւ մասնաւորապէս մեր
քահանայ եղբայրներուն կը յանձնաբարենք մտա-
դիւր ուշադրութեամբ վերծանել երանելի Հայ-
րապետին այս պատուէրները, որոնք հակառակ
երկար գարերու հորդվումին, կը պահեն իրենց
թարմութիւնն եւ այժմէութիւնը:

ՔԱՅԱԿԱՆԵՐՈՒՆ ՊԱՐՏՔԸ ԺՈՂՈՎՈՒՐԴԻՆ ՀԱՆԴԵՊ
ԵՒ ԺՈՂՈՎՈՒՐԴԻՆ ՀԱՆՁԱՎԴՈՒԹԵԱՆ ԵՒ
ՈՒՂՈՉՈՒԹԵԱՆ ԿԱՐԳԸ՝ ՔԱՅԱԿԱՆԵ-
ՐՈՒՆ ՀԱՆԴԵՊ

Մեր սիրելի երեց եղբայրներուն եւ վա-
ճականներուն:— Շատ տեղեր ժողովուր-
դին կողմէ ամբաստանութիւն եղաւ մե-
զի քահանաներուն մասին, թէ ծուլու-
թեամբ կը կատարեն եկեղեցւոյ պաշտա-
մունքն եւ աղօթքները, եւ ամէն բան որ
կարեւոր է առաջնորդութեան համար: Մանաւանդ անոնց ուսումնատեցութեան
մասին այսպէս կ'ըսեն. «Իրենք սորված
չեն, եւ իրենց զաւակներն ալ դպրոց չեն
դներ, ուստի տգիտութեան պատճառով
քահանայութեան արժանի չեն ըլլար. ա-
սիկա մեզի զրկանք եւ նեղութիւն կը
պատճառէ, որովհետեւ անոնցմով եւ ա-
նոնց պատճառով խոպան մնացած ենք
ամէն բանի մէջ, բոլորովին տգէտ ենք,
եւ զուրկ Ս. Գիրքի մխիթարութենէ»:

Այս ամէնը անոնցմէ իմանալով՝ ինչ
որ արդէն գիտէինք՝ շատ տրտմեցանք.
վասնզի քաւական տեղեր մարդ չենք զը-
տած քահանայութեան արժանի՝ տգի-
տութեան պատճառով, եւ ժողովուրդը

անխնամ կը մնար. եւ մենք տարակոյսի
ու վարանքի մասնուած՝ չկրցանք այս-
պիսիները քահանայութեան մէջ պահել.
այլ զանոնք բնակութենէ հրաժարեցնելով,
պիտանի եւ գիտուն օտարներու տուինք
անոնց ժառանգութիւնը⁽¹⁾: Արդ, ինչպէս
որ ամէն ժամանակ պատուէր տուած
էինք ծեզի, զրելով եւ հրաման տալով
եկեղեցւոյ ամէն կարգերուն եւ ծեր անծ-
նական պատրաստութեան համար, պէտք
էր որ խրատուած ըլլայիք ցարդ, եւ ժո-
ղովուրդէն այդպիսի տրտունց չէր
համար մեզի, ու զծեզ նո՛յն թերութեան
մէջ տեսնելով զղում ու վիշտ չէինք
զգար: Ի՞նչ բանի համար են եկեղեցւոյ
մուտքերն եւ պտղիները զոր դուք ժո-
ղովուրդէն կ'առնէք եւ մենք ծեզի թո-
ղուցած ենք, եթէ ծեր բոլոր պատիւը
գիտութեան շնորհիւ չէք ապահովեր, ու
արժանաւորապէս չէք կատարեր եկեղեց-
ւոյ կարգերը, եւ ժողովուրդը կարող չէք
յորդորելու բարի խրատներով եւ պատ-
կառանքով ու հոգեւոր երկիւղածու-
թեամբ:

(1) Տգիտութեան պատճառով անարժան հա-
մարուած երէցները իրենց պաշտօնէն գաղքենե-
լով եւ տեղերնէն հեռացնելով ուրիշներ—թէւ օ-
տար— կը կարգէր անոնց տեղ, որպէս զի եկեղեւ-
ցինն հոգեւոր գործը լիսափանի: Այդ օտարները
հաւանաբար հայագէտ ասորի (կամ յոյն) երէցներ
էին, ինչպէս կանուխէն ալ՝ կուսաւորի օրով այդ.
պիտիներու պէտքն զգացուած էր մեր մէջ:

Բ. — Արդ, վերցուցէք ձեր մէջէն այ-
սուհետեւ այդ նախատինքը. ձեր զաւակ-
ները դպրոց դրէք, որպէս զի բանգէտ
ըլլան: Գիտցէք որ ինչպէս աչքի կուրու-
թիւնը անհաճոյ է մարդոց, նոյնպէս հոգիի
տղիտութիւնը ատելի է Աստուծոյ, մա-
նաւանդ քահանայից տղիտութիւնը: Լը-
սեցինք Եզեկիէլ մարգարէջն(²), որ կը գո-
չ հոգիով եւ կ'ըսէ. «Մ'զ հովիւ տարա-
պարտ արօտ, իմ ոչխարներս թողուցի
որպէս զի լսենք նոյնին պատուհասը, ձեր
անձը նշամարիտ օրինակ ցուցէք ձեր ժո-
ղովուրդին, միեւնոյն պարկեշտութեամբ,
աղօթքի եւ պահքի հոգ տանելով ան-
ձանձրոյթ, եւ լաւ ըմբռնելով Մաղարիա
մարգարէի ըսածը, թէ «Քահանային ըրբ-
թունքը պէտք է պատրաստ ըլլայ գի-
տութեան, վասնզի օրէնքը անոր բերնէն
կը հարցնեն, քանի որ անիկա հրեշտակն
է հզօր Աստուծոյ»:

Գ. — Ամառը(³) զիսաւոր քահանան

(²) Եզեկիէլի տեղ պէտք է կարդալ Զաքարիա
որուն ԺԱ. 17 համարն է վկայութեան կրչուած
խօսքը «Ո՛վ պարապ բաներ արածող հովիւ, քու
աշ բազուկի եւ աշ աչքի յանձնեցի իմ իսաշ-
ներս»... Եօթանամից թարգմանութիւնը, ըստ այ-
նմ եւ մերը, տարբեր է հոս զրուածէն: Ասորերէն
բնագրին համաձայն է մարգարէին սոյն համարը
(Բղդտէ. ԶԴԾ հառ. Ժ. էջ 195):

(³) Կը թուի թէ այս կամոնով պահանջուած
կարգադրութիւնը աւելի անհրաժեշտ նկատուած
էք ամառնեան համար, նոյնը բիչ մը աւելի ընդ-

միշտ Եկեղեցին պիտի կենայ, եւ միւս
ընկերները շաբթէ շաբաթ փոխն ի փոխ
անոր մօտ պիտի գտնուին, որպէս զի ցո-
րեկուան եւ զիշերուան պաշտամունքը
չխափանուի. ատիկա է հոգեւոր մշա-
կութեան գործն ու պատիւը:

Դ. — Մկրտութիւնը պէտք է կատարել
երկիւղածութեամբ: Եւ կիները մկրտու-
թեան ժամուն պէտք չէ համարձակին
քահանային քով կենալ, ինչպէս ոմանք
սովորութիւն ըրած են, եւ կը յանդգնին
նոյն իսկ անոր հետ մկրտութիւն կատա-
րել, այլ պէտք է որ իրենց տեղը մնան,
ու միայն ազօթեն(⁴):

Ե. — Սարկաւագներն ալ մկրտութիւն
ընելու պէտք չէ համարձակին: իսկ եթէ
ընեն, պէտք է լուծուին սարկաւագու-
թենէ՝ պատիժ ընդունելով հանդերձ: ո-
րովիետեւ սարկաւագը քահանայ չէ, այլ
սպասաւորն է քահանային(⁵):

լայնումով կրինուած կը գտնենք ներսէս Բ. Աշտա-
րակեցիի ժԹ. կանոնին մէ:

(⁴) Զներուիր կիներու, այսինքն Եկեղեցիի
պաշտօնէութեան մէջ զանուող այրիներու կամ
սարկաւագուներու, քահանաներուն զործակցիլ
մկրտութեան արարութեան միջոցին: Արգելքը
սակայն մէր զօրած իրը հարիւր տարիներ վերջն
ակ (Համեմատէ. Ժ. եւ Ժ. կամոնները ներսէս
Բ.ի):

(⁵) Առաքելական Եկեղեցին այբպիսի արգելքը
մը չունէր նախապէս, բայց զուցէ զեղծումներ
առբեր խորհելու հարկն ստեղծեցին զրեթէ ամէն
կողմ:

Զ.—Պատարագի ընծաները զիսաւոր քահանային տունը պիտի ղրկուին բոլոր ժողովուրդին կողմէ, եւ երէց եղբայրներն ու անոնց միւս ընկերները պէտք չէ համարձակին իրենց տունը պատարագիք ընդունելու⁽⁶⁾). եթէ մէկը իր տունը տանի զանոնք, պիտի պատժուի. եւ թող գիտնան որ արժանաւոր հատուցում պիտի ընդունին մեզմէ, իրենց զանցառութեանը համեմատ:

Է.—Գիշաւոր քահանան միշտ եկեղեցին գտնուելուն համար, իր ընկերներէն երկու երրորդ աւելի պիտի առնէ, եթէ գիւղը մեծ է:

Ը.—Մեր իշխանութեան ենթարկուած ամէն տեղերէն տարուէ տարի Ս. Զատկէն ետքը, հարկ է որ մկրտութեան իւղը մեզի ըերեն քահանաները, եւ մեզմէ պէտք է ընդունին օրհնուած իւղը. անծամբ պէտք չէ օրհնեն իրենց տան մէջ, ինչպէս ոմանք սովորութիւն ըրին տղիտութեան պատճառով. վասնզի ատիկա ո՞չ թէ քահանաներուն, այլ եպիսկոպո-

(6) Պատարագիք կամ Պատարագի ընծաները զիսաւորաբար կը բաղկանային ալիւրէ եւ զինիէ, եթէ Ս. Հարդրութեան համար նուիրուէին. իսկ ազակի կամ մատադի առթիւ նուիրուած ընծաներուն մէջ նորթը կամ գառն իր կարեւոր տեղն ուշնէր, թերեւս եւ հաւեղէնները: Զգօնի թարգմանիչը կը գրէ. «Պատարագիքն՝ որ մատչի յեկեղեցւոց Աստուծոյ, իրակի խորովին զնա, եւ ո՛չ եփեն» (Եջ 261).

սապետներուն իրաւասութիւնն է⁽⁷⁾:

Թ.—Կը լսենք թէ եկեղեցւոյ սպասներէն վարագոյրը փոխ կը տրուի փեսայի եւ հարսին սենեակի իրրեւ առագաստ գործածուելու, եւ սկիհն ալ զինուորներուն՝ զինի խմելու համար⁽⁸⁾: Պէտք է որ կարգազուրկ ըլլայ այն քահանան որ այդպիսի յոռի ու չար գործ մը կը յանդգին ընել. այսուհետեւ ոչ մէկը համարձակի այդ բանը ընելու. եթէ ընէ, պիտի լուծուի քահանայութենէ, երբեք թողութիւն չունենալու պայմանով:

Ժ.—Քահանայ մարդ մը, կամ քահանայական ժառանգութենէ⁽⁹⁾ ժողովրդակալներ, ազատներու եւ իշխաններու տուներու մէջ դայեկութիւն կամ ուրիշ

(7) Մերուրեան իւղը կամ բատ Օմնեցի Հայրապետին՝ Օծան իւղը (Ս. Միւռոն) որ Դրշմի համար կը կիրարկուէր՝ եպիսկոպոսներու կամ եւ պիտուապետի ծեռամբ կ'օրինուէր:

(8) Եկեղեցիի այս կամ այն սպասը հարսանեկան համոյէններու առթիւ գործածութեան տարուանպատշամ սովորութիւնը տակաւին կը տեւէր ներաէս Բ.ի օրով ալ (կանոն Ը. Վերշին մասը).—«Զինուոր» բառը կանոնական լեզուի մէջ աչխարհական կամ ժողովրդական նշանակութեամբ կը գործածուի:

(9) Ինչպէս Ա. կանոնին մէջ՝ նոյնպէս եւ հոս ծառանզուրիմ բառը քահանայական այն իրաւունքն է՝ որ իբրեւ հասոյթ սահմանուած էր քահանային ու անոր ընտանիքին անզամներուն. Ժառանգութիւն բառը օտար լեզուով կդեւն է. ժառանգական այդ իրաւունքին համաձայն ժառանգաւոր (=կղեր, կղերական) կը կոչուի եկեղեցականը

գործակալութիւն պիտի չկրնան ընել. ու բովինետեւ այդ պատճառով կը զրկեն ու կը նեղեն իրենց ժառանգակիցները, ինչ-պէս շատեր ալ յանցաւոր եղած են այդ մասին: Իսկ եթէ մէկը յանդգնի ընել, իր կարգին պէտք է դադրի եւ ժողովրդեան եւ եկեղեցւոյ բաժնին տէր պէտք չ ըւլայ, եւ իր ընկերները յարաբերութիւն պիտի ընեն անոր հետ, եւ ժողովրդին ալ այնպիսին իբրեւ քահանայ պէտք չ նանջնայ:

Ժ.Ա.—Տգէտ երէց եղբայրները պիտի չկրնան ժողովուրդ ունենալ: Երկրորդ անգամ ամուսնացած երէց եղբայրները զինուորներու կարգին մէջ պիտի մտնեն, թէ եկեղեցական պաշտօնէ եւ թէ եկեղեցւոյ բաժինէն պիտի զրկուին, որովհետեւ մարմնասէր եղան⁽¹⁰⁾:

Ժ.Բ.—Սնկարգ սովորութիւն մը մուտքած է. քահանաներուն եւ անոնց կիներուն համար եկեղեցիներուն մէջ սըրբավայրին մօտ գերեզմաններ շինելու սովորութիւնն է այն. այսուհետեւ պէտք չ

ըլլայ ամուսնաւոր՝ ըլլայ ամուրի: Հստ այսմ որ եւ է ժառանգաւոր՝ որ իր հոգեւոր պաշտօնէն զուրս ազատ կամ հարուստ մարդոց մօտ այս կամ այն զործով կը պարապի—անշուշտ վարձի ընդունելով— կը զրկուի եկեղեցիի բաժինէն, նոյն իսկ եւ քահանայութենէ:

(10) Դոյնը տե՛ս նաեւ Ներէս Բ.ի Ե. կանոնին մէջ, ուր խօսքը սակայն «զբակարդացներու կամ «զպիրներու համար է եւ ո՞չ քահանաներու,

համարձակին այդպէս ընել. այլ հասարակ ժողովուրդին թաղին մէջ պէտք է ըլլան նաեւ քահանաներուն թաղերը, որպէս զի սրբավայրը պարկեշտութեամբ մեծարուի⁽¹¹⁾:

Ժ.Գ.—Եկեղեցիէն դուրս քահանաները պէտք չ համարձակին «Օրէնք»ը (Սըրութիւն) շինականներու տունը տանիլ եւ հոն հաղորդել. բացառութիւնը միայն հիւանդներուն համար է:

Ժ.Դ.—Սորվեցուցէք ժողովուրդին՝ ամէն տեսակ անառակութիւններէ փախչիլ, որկրամոլութենէ, արքեցութենէ, հակառակութենէ, աղքատներն եւ իրենց ընկերները զրկելի. պէտք չ ըլլան կըռուող, ծեծող կամ չարամէր: Պէտք է ատեն շնացողները գողերը, պոռնիկները, աւագակները: Երբեք պէտք չ յարաբերութիւն ունենան անոնց հետ, կամ հիւրնկալին այնպիսիները, որպէս զի իրենք

(11) Բնագրին «տեղիք սրբութեան» բառով՝ զոր սրբավայր թարգմանած ենք՝ պէտք է հասկընալ մանաւանդ Ս. Սեղանին մօտը կամ ներբեւը, ուր բացարձակապէս կ'արգիլէ Հայ Եկեղեցին որ եւէ թաղում կատարել կամ նոյն իսկ Սուրբի ոսկորներ պահել: Հստ մեզ՝ բահանաներն ու իրենց կիները չե՞ն որ այդ սովորութիւնը մուծած են, ինչպէս տապագեալ կանոնէն կրնայ հասկրցուիլ կանանց բառին վրայ զբուած բութին հետեւանքով. այդ բութի պէտք է փոխադրել սովորութիւն բառին վրայ: (Թաղգատէ Ներէս Բ.ի Ե. կանոնը, ուր որոշ հրահանգ մ'ալ կայ տեղը մատելու վերցնելով թաղուած զին):

եւ ծնողքներն ալ զերծ չպիտի ըլլան պատիմէ:

ԺԵ.—Քահանաները միասին պէտք է կատարեն ազափի պաշտօնը եւ պատարագը: Առանց Աւետարան կարդալու պէտք չէ որ կատարեն այդ ամէնը: Իսկ եթէ անոնցմէ մէկը՝ պատարագէն առաջ կերած ու խմած ըլլայ, պատարագի հացին պիտի չկրնայ երթալ եւ ընկերներէն զատուած պէտք է մնայ(13):

Ժ.Լ.—Նոյնպէս ազափի կամ մատաղի հրաւիրուող շինականները, պաշտօնի ու պատարագի պէտք է ներկայ ըլլան. իրենց տան մէջ ուտել եւ խմել պիտի ըլլամարձակին պատարագէն առաջ: Եթէ գտնուի մէկը որ առաջուցնէ ուտէ եւ

(13)Ազափի կամ մատաղի առիթով մատուցուած պատարագը Ս. Հաղորդութեան չափ նուիրական կը համարուէր մեր մէջ: Նի թին ուսումնակրութիւնը՝ Առաքելական դարուն մէջ ալ այդպիսի ըլլափութեան մը գոյութեանը աննպաստ չէ: Ժ. եւ Ժ. կանոնները չեն ներեր թէ՛ քահանային եւ թէ աշխարհականին մօտենալ ի հաց պատարագին, եթէ ծոմ չեն: Ներսէ Բ. ալ Իֆ. կանոնը կը պատուիրէ քահանաներուն՝ ի հարկին չօրհնել հացը եթէ իրենց փորը կանխաւ կշտագնողները ուզեն մօտենալ ի հաց պատարագին, Աւելորդ է դիտել տալ որ արգելքը Ս. Պատարագի մատուցման համար չէր կրնար ըլլալ, այլ հարցը ազափի հացին համար էր, որուն օրինութիւնը պիտի կրնար զանց ընել քահանան, եթէ ներկաներուն վրայ չտեսնէր բարեպաշտական կամ կարգապահական երկիւղածութիւն, (Բաղդատէ Ներսէ Բ.ի Իֆ. կանոնը):

ալ անոնց հետ կորստեան որդիներ ըլլան: Իրենց զաւակները պէտք է մնուցանեն եւ խրատեն Աստուծոյ պատուիրաններուն երկիւղովը, որպէս զի այսպիսի զգուշութիւններով իրենց հոգիներուն համար բարիք յուսան Աստուծմէ, եւ իրենց մարմինը առողջութեամբ զարդարուի:

ԺԵ.—Պատուէր տուէք անոնց՝ որպէս զի տղաքներուն կիներ չնշանեն. ոչ ալ կատարեալաներուն՝ առանց նախապէս մէկզմէկ տեսնելու եւ հաւելելու: Դուք ալ, քահանաներդ, տղայոց պսակ մի օրհնէք բնաւ մինչեւ որ չափահաս ըլլան: Իսկ չափահասներուն ալ, երբ իրար տեսած ու հաւանութիւն տուած չեն, պիտի չկրնաք պսակ դնել առանց քննութեան եւ առանց իրենց հարցնելու. մի գուցէ ծնողքին բռնադատութեամբը ակամայ հաւանած ըլլան: Այնպիսի հարսնիք մը յանձն առնելէ զգուշացէք, վամնզի այդպիսի անկարգութիւններու երեսէն մինչեւ այսօր թէ՛ հոգեւոր եւ թէ՛ մարմնաւոր շատ վնամներ պատահեցան երկրին մէջ(12):

Ժ.Զ.—Ուստի եթէ քահանաներէն մէկը յանդզմի, ու մեր հրամանին հակառակ՝ այնպիսիներուն պսակը օրհնէ, թող գիտնայ որ պիտի պատժուի իբրեւ յանցաւոր,

(12) Մանկահասակներու եւ չափահաններու ամուսնութեան պայմանները նո՞յն կերպով կը յանձնարքէ յարգել Ներսէ Բ. (Իֆ. կանոն),

խմէ իր տան մէջ, ներելի չէ որ պատարագի հացին երթայ, որպէսզի մէկ կողմէ իր անձը դատապարտած եւ միւս կողմէ հոգեւոր տունը թշնամանած ըլլայ. վասրնզի բացարձակ խայտառակութիւն է այդ: Եթէ մէկը համարձակի զալ, քահանաներն եւ իր ընկերները պէտք չէ ներս մտնեն, որովհետեւ այդպիսի անառակութիւն մը ատելի է եկեղեցւոյ:

ԺԹ.—Սյն ժողովականները որոնք տըգիտաբար կը մեղանչեն, պատարագի (մատաղցուին) կաշին եւ ճրագուն բաժնելով քահանաներուն հետ, եւ իրենց տունը կը տանին զայն, վանք տանելու պատճառանքով, այսուհետեւ պէտք չէ համարձակին այդպէս բաժնել: Եւ եթէ գտնուի մէկը որ ուզէ բաժնել, քահանաները պիտի չմատուցանեն այդ պատարագը, որպէսզի կցորդ ըլլան անոր մեղքին. վասնզի այն բաժինը բարի չէ մատաղ ընողներուն համար:

Ի.—Նախնիքներէն սահմանուած պըտղիները, եւ զատկի՝ ագապի⁽¹⁴⁾ եւ ուրիշ տօներու ուխտաւորական բոլոր ընծաները՝ ժողովրդականները սիրով եւ լրջմտութեամբ պէտք է տան եկեղեցիներուն եւ վանքերուն, ինչպէս օրէնք է. պէտք չէ որ հոգիի ու մարմինի կենդանութեան պատճառները խափանեն ժը-

(14) Բնագիրը ունի զատկաց. թերեւս բուն Զատկի եւ Երկրորդ Զատկի (Կրկնազատիկ, նոր կիւրակէ) օրերը միասին առնելով, եւ կամ Յա-

լատութեամբ, եւ հոգեւոր կեանքէ զըրկուին: Իսկ եթէ մէկը կամակորութեամբ զուխ քաշելով իր քահանային եւ վանքէն, իր եկեղեցիէն դուրս վանք մը կամ անապատ մը տանի տայ պտղիներն ու պատարագիրը, այնպիսին՝ ու անոր ընձան ընդունողները պիտի զրկուին օրինութենէ եւ ընկերներու յարաբերութենէ ընտանիօք հանդերձ, մինչեւ որ նույիրատուն ապաշխարէ, եւ եկեղեցիին տուգանք մը տայ, վասնզի պատուիրանագանց եւ աստուածամարտ եղաւ:

ԻԱ.—Սուզի օրերու մէջ զինի պէտք չէ խմել, եւ մեռեներուն վրայ պէտք չէ լաց ու կոծ ընել, վասնզի ատոնք սատանայական բաներ են: Իսկ եթէ զըրնուի մէկը՝ որ ընաւանդելով ընէ, պարտաւոր պիտի ըլլայ ապաշխարելու եկեղեցիին դուռը:

ԻԲ.—Քահանանիրը պէտք է որ համաձայնութեամբ յանցաւորը հանեն եկեղեցիէն դուրս, ու որպիստալով կամ հակառակութեամբ չընդդիմանան իրարու դէմ, եւ անարգին իրենք զիրենք: Խաղաղութիւնը պէտք է ըլլայ ձեզի համար սիրելի եւ զործակից՝ ամէն ժամանակ⁽¹⁵⁾:

բութեան, ծննդեան եւ Վարդավառի տօները իբրև Զատիկ նկատելով. վասնզի այդ երեք տօներուն սովորութիւն էր մատաղ ընել՝ նման զատկանին:

(15) Երկու առանձին նիւթեր կամ այս կամ նին մէջ, քահանաներուն հակառակութիւնը կամ

ԻԳ. — Զեզի ալ կը յիշեցնեմ՝ բոլոր կը-
րօնասէր վանականներու դ, քանի որ երկ-
րաւոր կեանքէ հրաժարած, եւ Աստու-
ծոյ ու աստուածային բաներու նուիր-
ուած էք: Զեր գործերը ծեր անունին
նշանակութեանը համածայն պէտք է ըլ-
լան: Զեզի սիրելի պէտք է ըլլայ, պար-
կեշտութիւնը, արթնութիւնը, բարեպաշ-
տութիւնը. ծեր անձին վրայ բերէք նմա-
նութիւնը հրեշտակական վարքի, չմոռ-
նալով հիւրասիրութիւնը եւ եղբայրսի-
րութիւնը(¹⁶):

(Շ. ԽՄԲ. — Ի՞նչպէս կը տեսնուի, Մեծին
Սահակայ Առ Քահանայս ուղղած այս պատ-
ուերներու եւ կանոններու պարզաբնու-
րեան առքի, Ամեն. Դուրեան Ս. Ականի
առած եւ ուսումնաշրութեան առարկայ ը-
րած է հարիւրամեայ շրջան մը միայն, մին-
չեւ Ներսէ Բ. Աշտարակեցի:)



խրոխտանքն իրարու դէմ մեծ ու պատիկի խնդիր
պէտք է ըլլայ, այս ժամին տե՛ս Ներսէս Բ. Ժ. Ժ.
պականնը: Նոյնին ԺԴ. կանոնի վերջին մասն ալ բա-
նադրուածներու նկատմամբ:

(16) Թէեւ բոլոր կանոնները՝ ըստ վերնագրին՝
վանականներուն ալ ուղղուած են. բայց ասոնց
յատկացուած է միայն տյն վերջին կանոնը, ինչ-
պէս կը տեսնուի.

Ց Ա Ն Կ

ԵՐԵՎԱՆ	Գ
Երկու խօսք	Գ
Բացում Քահանայական Հարա նի	Ե
Մրազիր	1
Խօսելիք նիւթերու ցուցակ	3

ԴԱՍԱԽՈՍՈՒԹԻՒՆԻՔ

Ա.ՄԵՆ. ՕՐՄԱՆԵԱՆ. Ս.Ի

Ա. — Հայ Եկեղեցին ընդհանուր Քրիստոնեութեան հանդէպ	7
Բ. — Հայ Եկեղեցւոյ միտքը դաւանաբանական զանազան կետերու մէջ, եւ ասրբեութիւն- ները միւս Եկեղեցիներէն	17
Գ. — Հայ Եկեղեցին ինչ իր մէջ. — Բարեկարգու- թիւնը ի՞նչ ուղղութեամբ պէտք է ըլլայ	29

Ա.ՄԵՆ. ԴՈՒՐԵԱՆ. Ս.Ի

Դ. — Յովհան Խմատատակը ՕՃԵՏԵԳԻ	41
ՕՃԵՏԵԳԻ ժողովական նառին յառաջարանը	51
ՕՃԵՏԵԳԻ կանոնները	57
Սեղան եւ Աւազան	59
Խաչի ձեր. - ՕՃԵՏԵԳ մկրտութեան առքիւ	60
Պակաղորութիւն	63
Մնունի եւ Յայտնութիւն Յունվար նին	65
Շաբաթ եւ Կիրակի Մէծ Պահոց	67
Ե. — Յովհան Խմատատակը ՕՃԵՏԵԳԻ (Շար.)	74
«Սակա ժողովց որ եղեն ի Հայք»	74
«Ընդդեմ Երեւուրականաց»	82
Զ. — Յովհան Խմատատակը ՕՃԵՏԵԳԻ (Շար.)	
եւ վեց)	94
Պատղիկեանի, Թուղրակեցիի	102
Մծնեացիի, Մանիկեցիի	105
Եղբակացութիւն	112

Ց. ԳՆԷԼ, ԵՊ. Գ.Մ.Լ.Մ.ԲԵՍ.ԲԵՍ.ՆԻ

է.—Քարեկարգութիւնը Հայ Եկեղեցւոյ մէջ	115
Ը.—Երեք սիեզերական ժողովներ	125
Նիկիոյ Ժողով	126
Ա. Պոլսոյ »	129
Եփետոսի »	131

ՆՈՐ ՇՐՋԱՆ

ԴԱՍԱԽՈՍՈՒԹԻՒՆԻՔ

Ա.ՄԵՆ. ՕՐՄԱՆԵՍԱՆ Ա.Ի

Ա. Եւ Բ.—Քահանայից աստիճանը, դիրք եւ	
անոնց նիւթական պահանջները	135
Գ.—Քահանայից անձնական կեանքը	137
Քահանայից ինչո՞ւ բատրոն չերքան	138
Այրի բահանայից վերամուսնութիւնը	140
Քահանայից ընտանեկան կեանքը	142
Քահանան ծխատէր-խոստվանանայր	144
Եկեղեցական պատամունիք	146
Խորհրդականարութիւն	147

ՅԱՒԵԼՈՒԱԾ

Ա. ՍՍ.ՀԱԿ ՊԱՐԹԵԻ ՀԱՅՐԱՊԵՏԻ

Քահանաներուն Ա.արտքը ժողովուրդին հանդպապ,	
Եւ ժողովուրդին հնազ անդութեան եւ ուղ-	
դուրեան կարգը բանաներուն հանդէպ	
(Առաքանական ծանօթագութեամբ Ամեն.	
Դուրեան Ա.ի)	151





Տ. ԶԱՐՄԱՅԻ ՔՀ. ԿԵԶԲԻՇԵԱՔ
ՄԵԽՈ ՀՐԱՏԱՐԱԿՈՒԹՅՈՒՆՆԵՐԸ

ՏԱՃԱՐ ՄԱՆԿԱՆՑ

ՄԱՆԿԱՆՑԻ ՊԱՏԱՐԱՋԱՐԻ ԱՄՊՈՐԵԱՑ ՀԱՆԴՅԱ

Արդյունածութեան, հիմնարքեր, առաջին, մեծ
մասնակտեան եւ Հայ մին ու նոր կենաց, պրուսցեր,
վասկան ծանօթութիւններ, համելուիներ եւ այլն, բազմարի
ունի պատկերներով զարդարուած :

Ա. Տարի՝ գեղեցիկ նաև ուժը պետք է առածուած, զի՞ն $12\frac{1}{2}$ դր. :

Բ. Տարի՝ (1914) նոյնական կեղեցիկ նաև ուժը պետք
է առածուած, զի՞ն $12\frac{1}{2}$ դր. :

ՇԱՐԼ ԼԻՆՆԵ

ՄԵԽ ՀԵՂՊՈԼՏԻԿԻ ՄԸ

Հայոցի հոչակառու գիտականին մանկութեան սրայով
է. նեսարեւուած պրատուրին, գեղեցիկ պատկերներով
զարդարուած : Գի՞ն $2\frac{1}{2}$ դր. :

ՊՐԻՎԱԿԱՆԵՐ

ՀԱՅԱՍՏԱՆԻ ՓԱՓՈՒՆԻ, ՈՒՏԱՑՈՅՀ ՔԵՐՊՈՒԱԿԱՆԱՅԻՆ

Գրիգ ԴՐ, ԿԱՐՊՈՎՀԱՅԱՅԻՆ

ԳԻՆ 2 $\frac{1}{2}$ դ. թշ.

Այս Հրատարակութեանց համար քարգ-
բառալով ուղղակի զիմել Հրատարակչին՝
ՀԱՐՄԱՅԻ ՔՀ. ԿԵԶԲԻՇԵԱՔ, ՊԵՏԵԿԹԱՅ,

Կ. ՊԱԼԻԱ. Կ.

Մեծախանկ զնողներու 40% զելս

ՀՀ Ազգային գրադարան



NL0174185

